

# *LIPUZO NI LIKALABO*

 Halu yemeñi ona cwalo fa nako nyana ha nze luinamisa litoho zaluna kwa tapelo.

Mulimu Ndate Ya muhau, lu itumela ku Wena kakusasana cwana kuzwelela kwatasi a lipilu za luna, kakuli Wena wa kona mi wa lata ku alaba litapelo za luna. Mi lu lapela kuli U amuhele mpo ya luna ya buitumelo ku So lu ezelize kale. Lu libelezi ka tibelelo yetuna kuli U lutuse kakusasana cwana, mi ha lu ka zwa mwa minyako ya muyaho wo, luzwele kwande kwani mi kakuba batu babashutani kufita ha lu kena mwahali mo. Mi cwale Moya o Kenile ulu bupe kakusasana cwana, buino bwa luna, ni ku lueza kuba batu ba Mubuso wa Hao kakuli lwa li kupu Libizo la Jesu. Amen. (Mwakona kuina.)

<sup>2</sup> Muni swalele ka kuliyeha nyana, kono Nibile ni zeñata nyana za kueza, ni bakuli babañata ni lipuzo zeñwi Ni si ka kena kale mwa—kutaha mwa muyaho.

<sup>3</sup> Mi kacwalo, lutabile fa kuba mo kakusasana cwana ni kubona mina sicaba sesinde kaufela. Mi Ni bata kuitumela kuli... kwa balikani bani baba lu lumezi lika zende, mpo ya musala ka ni... ni ya—ya muzwale ya ni lumezi tobolo ya hae yende. Mulena amu fuyaule. U... bulezi kuli u ya a supala mi hasana itusisa yona ni hanyinyani, mi na bata kuli ni be ni yona; kacwalo Ni—Ni itumela hahulu ku sani... ka sani. Haibile Na pila, muzwale, kuya ka mo Ni kona kutuseza na kasibili, Ni kaba ni yona. Hanina ku i swala mwa lizoho haisi Ni ku hupulange ni kuku lapelela.

<sup>4</sup> Cwale, lu na... Ni zeñata hahulu ze lukela ku ezahala kacenu, Ni hupuzi kuli ha Ni sa li kwanu mwendi Ni kaba ni lipuzo nyana kuli ni zibe sesili fa lipilu za keleke ya ka zeshutani. Ni hupuzi cwalo! Ni na ni lipuzo zeñata zekona ku ni fitisa kwa nako ya puso ya Mileniamu haikala! Ne ni sa zibi kuli ne ku ka fumaneha zeñata cwalo. Ni—Ni na ni likana mwanda fa, mi kuna ni ze likana mwanda kamba mane kufitelela zetile kakusasana cwana fa. Kona kuli Ha nina kukona ku li alaba, Na sepa, kaswanelo, kakuli... Mi ki—ki lipuzo zende, zende luli.

<sup>5</sup> Cwale, zeñwi za teni ha li koni ku baliwa mwa sicaba, fa kuli muzibe, Ni ba kupile... Haiba zeñwi ha Ni na ku libeya hande mwa sikuka... Haiba ki butata bwa lubasi ni... Mwa utwisisa. Mi Ni—Ni ba kupile kuli ni be ni bababeli cwalo bo muuna ni musala hae kwa lipuzo za kwa mukunda, kuli Ni ambole ni bona kwa mukunda kuamana litaba ze. Ha ki lika ze maswe; ki lika ze lukela ku talimwa mwa lubasi, ki sibupeho fela sa batu ni lusika lo lwa... nako ye lupila ku yona ni zeñwi cwalo ze tisa ona lika ze, mi kuna ni matata a libana ni lubasi lwa batu; mi alukela ku

alabiwa. Mi kacwalo, Ni ka eza lika kaufela ze Ni kona kuli ni alabe ka nzila yeswanela.

<sup>6</sup> Fokuñwi mwa kualaba lipuzo, ku kanganga nako yetelele; mi ha Ni lati ku libala nihaiba iliñwi ya zona. Ni ka nga kaufela zona mo Ni konela fela. Cwale, zona ki... zona ki zale Ni li beile fela mwa mukotana mo, ku li alaba, mi—mi ni kuñola Liñolo haiba Ni kona kuba ni lona, mi—mi ni kuina fasasi. Mi ne Ni li musihali kaufela maabani, ni nako yeñata mwa busihu maabani, mi kuzwa fela nako nyana kasamulaho limano pazula kakusasana cwana... Mi Ni amuhezi habeli kwa buñata ku ze li teni mo kakusasana cwana. Kacwalo, Ni sepa se lu ka eza, haiba Mulena alata, Ni ka li alaba kufitela, kuya ka mo Ni konela ni mwa musihali, kona lu ka lukuluha, mi lukutele hape manzibwana kacenu mi—mi lu like kufeza hande ka mo Ni ka konela busihu bwa kacenu, mi lubone haiba Ni ka kona... kufeza kaufela zona. Mi mwendi ha Nina ku mi inisisa hahulu mwa sebelezo iliñwi. Mi Ni sepa kuli si ka mifa nako ya kuzwa, ni ku yo pumula, ni kuikatulusa nyana, ku lobala kamba nto yeñwi, ni kukuta haiba mu kona. Haiba ha mukoni, kupalañi, Muzwale Fred Sothmann, Na sepa, usweli wa tepiña. Kana za tepiñiwa nji? Ku lukile, ki hande. Eehe, bateni mwa sibaka basweli kutepiña, mi—mi tepu ye mwendi, haiba ki swanelo, mwakona kuba ni yona tepu; ika bulukiwa ni ku bizwa kuli *Lipuzo Ni Likalabo*, kakuli kuna ni lipuzo zeñwi ze tata mwahali mo ni zeñwi... Buñata bwa zona litalimana ni lituto za keleke.

<sup>7</sup> Cwale, Ni tabela kuli sicaba si zibe kuli fokuñwi ka kualaba lipuzo ze, ku tata. Si lwala muhau omuñata fa kuyema fa, haiba mwa ziba lilato le Ni na ni ku mina sicaba. Hanikoni ku li bulela. Hani li bulelangi neba kwa bana ke; Na mane hani bulelangi nihaiba lilato la—la ka lelituna ku musala ka mo Ni lukela kuezeza, kakuli Ha—Ha ni swalehi, mi Ni zwelapili fela kuya mwa mukoloko ulimuñwi o namile. Kuna ni fela nto iliñwi ko Ni kona ku bonisa lilato la ka teni: yani ki Mulimu Yamata. Mi Ni—Ni Mu lata fela kuba wapili mwa lika kaufela. Batu babañwi be Ni lata, kono Ha—Ha ni lati kuli... Ha ni lati ku hatelela lilato le Ni nani ku Yena; lani libe la pili. Kacwalo he, ha Ni alaba lipuzo za mina, Ni li alaba ka lilato mwa pilu yaka ku mina; kono nto iliñwi fapila ka mwa nako kaufela: ki Jesu Kreste (mwabona?), ka nzila Ya na ka li alaba.

<sup>8</sup> Fokuñwi Na kona kualaba... Za kona kuholofaza, zakona ku filikanya, kono Ha—Ha ni talusi kuli libe cwalo. Ni alaba ka mulelo ulimuñwi, sina ha Ni bulezi, Kreste ufa pila ka. Mi Ni lukela kuhupula kuli Ki Yena ha Ni... Ni lukela ku yo ikalabela teni. Konakuli lilato la ka la pili li ku Yena; lilato la ka la bubeli ki ku mina sicaba, mi kacwalo Ni... Keleke ya Hae yona Ya itekezi ka Mali a Hae. Mi mane Wa mi lata luli kufita Mo aitatela Iliyena, kakuli Na ipile Iliyena ku mina. Mu libyana za itekezi ka Mali a Hae, mi Ni—Ni tokomela zateni ka swanelo ni

kusepahala ka mo Ni zibela mwa kuezeza. Kono cwale, ka kueza cwalo fokuñwi mu ka nahana kuli, "Yani ki pulelo yemaswe ye Ni...kaza...Ki nto yesina buhali mi ye namile hande." Ni eza cwalo ni Yena mwa muhupulo waka (mwabona?) kulika kueza, kuli babañwi... mutu kaufela mubone kuli ilukela kuba ka nzila ye. Ha ki sika—sika se si holofaza batili kono ki sika sa kuli batu ba si bone, mi Ni sepa kuli mañi ni mañi wa si amuhela ka nzila yani. Mi cwale, mwahali mo lu fumana ze li mwa minahano ya luna.

<sup>9</sup> Mi sina ha Ni mi bona kaufela mina ha mu kopani kakusasana cwana ni zeñwi kaufela liteni mo, mi Ni sepa luna ni sicaba se siñata mwa—mwa keleke yeñwi. Keleke ya hesu i nopani ni—ni silimba kamba mufuta omuñwi wa—wa luwaile lo lu tamilwe. Yani ki... Kutezi mwa keleke mwani kakusasana cwana, Na ziba cwalo. Muzwale... Kamba muzwale yomuñwi una ni—ni keleke ye tezi ye sweli kuteeleza kuzwa kwanu kuya kwa keleke yani. Kubile cwalo kuli musike mwa hata babañwi kwa mautu ni ku yendamena kwa limota.

<sup>10</sup> Cwale busihu boo, Mulena halata, luka ba ni... lu ka kalisa kapili busihu bo. Ni tabela kubuza mulisana ni ba—ba katengo haiba ba ka... Ha lu kaleni fela ka kuitahanelia nyana kacenu busihu, kakuli sicaba, babañwi ba bona bateni mo, mi ba kaba ni musipili o mutelele wa ku koboca. Mi Ni bata ku kala mwendi kuitahanelia ka hola busihu bo, haiba lu kona, ni kufeza sani hande. Kuli mu... Mu sa ba fela ni sico sa mina sa musicali kasamulaho wa sikisi kiloko kamba ka nako ifi kaufela, kiñi, Ni ka kalisa. Mwabona? Lu bulele kuli, mu kalisanga ka sebene seti nji cwani? Ha lu, ha lu, ni bata kuba fa katala ka sebene. Mwabona? Mi kwani ka eiti kamba eiti seti, kamba nto yeñwi ye cwalo, ika mifa nako ya—ya ku ya kwa malapa a mina ni ku yo itukiseza za mibeleko ya kamuso, haiba kuna ni kamuso.

<sup>11</sup> Cwale, Mulena abe ni mina ni ku mi fuyola ka kutala, mi Ni ka ya sebelezo ye issa fela fela ni kunga lipuzo zeñwi ze ni kulika ku li alaba. Ni ñozi fela ku zona, ki tuemba fela totunyinyani—totunyinyani twa mapampili ni zeñwi cwalo, to Ni kona ku—Ni kona... Ni libezi Mañolo fela cwalo. Mi cwale ha Ni li mwa sibaka inge ni bala, mi Ni (Ni tabela ku swanisia ku ona kokuñwi, mi Ni nani ona fa) mi—ku a ñola fela fa kaemba ka pampili. Mi kacwalo, haiba li mwa—mwa buka ya litaba zeñata Ni na ni ku li batisisa, kamba ki taluso yeñwi ya linzwi, kamba ki libizo, Ni na ni zona li ñozwi fapila ka. Hani tokwi kutisa libunda tuna la libuka ni zeñwi cwalo; Ni na ni zona zani.

<sup>12</sup> Cwale, haiba nji puzo ha i si ka alabiwa hande ku mina, kihande, fohe Ni ka—mwendi Ni ezize mafosisa. Mwabona? Ni—Ni—Ni ka sana na eza mafosisa, kakuli lika ze ki kutwisiso ya ka fela. Mi Ni bata kuli—kuli bakutazi babana ni kopano ya bona, kamba kopano ya keleke yeñwi ye ka teeleza kwa lipuzo ze... Hani tabeli kuli se... Haiba ki italusa fela za tuto

ya mina ni yona—yona—yona kopano ya mina, Ni bata kuli kopano i utwisiše hande kuli ye ki tuto ya luna fela kwanu kwa tabernakele. Ha ni liki ku itoma fa sikhata sesiñwi sa batu. Mi Ni—Ni—Ni bata kuba Mukreste mwa—mwa pilu ya ka, kuli Ni lute se Ni lumela. Ni yeme fa ku ikolwisia kwa ka. Haiba Ni keshebisa sani, Ni mubeteki ku Kreste mi ni muipi ku mina; mi Ni—Ni swanelo kuyema ka likute ku se Ni lumela kuli kona Niti. Kono mutu usili kaufela una ni tukelo ya kueza ze swana. Mulimu ki yena Muatuli wa luna kaufela.

<sup>13</sup> Cwale, lu si ka kalisa fela, Ni hupuzi kuli Ni bulele ka za mutu yomuñwi wa litaba za kale, Paul Boyd. Buñata bwa mina mwa mu ziba; utahanga kwa tabernakele kwanu. Kona a sa zo zwa kwa Jerusalema mi nali mwa Litaba za Lifasi. Yena ki alimuñwi wa—wa baluti ba sipolofita, mi ki wa litaba za kale, alimuñwi wa baba talifile. Ki muzwale wa liputeho za *ba* Mennonite, mi u amuhezi kolobezo ya Moya o Kenile. Mi kacwalo ubile mulikana ka yomunde luli. Mi yena kamita utokomelanga hahulu lika kaufela ze Ni bulelanga kuama sipolofita, ku libelela ni ku talima haiba li to ezahala.

<sup>14</sup> Mi cwale, wa ni ñolelanga kwanu (haiba uteni mwa States mo hape), mi li inzi fa lizibiso za pili, Na sepa, kakusasana cwana. Mi uñozi zibiso fa ya beile ku yeñwi ya mitende kamba nto yeñwi cwalo, ka za bupolofitya. Mi ubulela taba ya bu ketalizoho, Na sepa ki yona, yene Ni boni myaha ye mashumi amalalu ni yemilalu kwa mulaho ku amana ni zwelopili ya, zwelopili ya, nitaluse, ya sayansi. Mina kaufela haiba kuna ni ya hupula, mu na ni zona. Ni na ni zona mwa libuka za ka. Mi lika kaufela za na bulezi Mulena...zana ni bulelezi, Ni li ñozi, zani ki mwatasa-...kamba nto ye Ni kona ku bulelela sicaba.

<sup>15</sup> Mi Ni hupuzi kakusasana cwana, lu si ka kalisa kale se... Ze ha ki likutazo, kono luteni mo ku to ina hamoho ku to ituta ku yomuñwi ni yomuñwi ze li mwa lipilu za mina. Halu ngeni lika ze mi li tatuluhe cwale, sina mo lu fitezi mwahala Masika a Likeleke ni zeñwi cwalo. Ni sepa ki hande ku yema ni kuba ni mukopano kamba yemibeli, ni ku tatuba, ni ku utwa ze li mwa lipilu za sicaba, mi kipeto ni kuzwelapili kuzwa fani. Mwa bona? Ni kukutela mwa mulaho hape ni...mwa lisebelezo za—za litaba ze zamaelela. Haiba Mulena alata, Ni bata kuba ni yona mo mwa tabernakele nako isika fela kale, ibe fela lisebelezo zeteleze za litaba; mwa ziba ze Ni talusa, za—za lituto ze shutana; ni kuzwelapili fela kuya kufitela A taha kamba Na ni yo Mu katanyeza, yeñwi ya zeo. Luli? [Hakuna manzwi fa tepu—Mu.]

<sup>16</sup> Paul Boyd na ñozi ku amana ni zona litaba ze sebene zene Ni boni mwa 1933, ze ne ka to ezahala. Mi uli latelela fela hande fa kaufi, ka swanelo, kuya ka mwa konela, kakuli yena ki mutu wa litaba za kale. Mi wa li tokomela, ona cwalo fela zo bulela. Mi sa boni lika ze kile za bulelwa myaha ye miñata kafoo: kuli mane ni ka mo Mussolini...ni ze ne ka mu tahela, ni Hitler, ni

ze ne ka mu tahela; ni ka mo Swalisano ya linaha mo ne ika mizeza puso ya Kapelezo ni zeñwi za teni kaufela; mi ni kamo ona—ona Mutano wa Siegfried mo no ka yahelwa, mane ni kuli ma American mo ne ba ka natakela kwani (mi ne ba si ke ku itumelela za teni konji mwendi kasamulaho wa myaha yemibeli yefitile, mi bana ni maswaniso a German a mutano wani kwani; mi luli se ba tibaula mo ne ba konezi. Ne ba tabezi . . . Neba latehezwi ki buñata bwa mpi kaufela ona kwani); ni lika zeñwi zani kaufela ze ne ezahalile.

<sup>17</sup> Mi cwale, hape ne kuizwe, “Mi ku ka ezahala kuli, mafelelezo a si ka taha kale, limota li ka ba mwa sibupeho sa lii, kuswana fela mane inge lii.” Mi Na bona lubasi lwa American lo lu zamaya mwa mukwakwa mwa mota yani . . . Neba inzi inge ba talimani cwalo, mi ne ba na ni tafule, mi nebali, ne ku bonahala inge, ba bapala makadi kamba njuka. Mi ne ba si na mukoboco mwa mota. Mi ne i zamaiswa ki mata amañwi kusina mukoboco. Ki babakai baba hupula ha ni polofita cwalo (mwabona?), zeo neli kwanu nji?

<sup>18</sup> Cwale, kwa Litaba za Lifasi bana ni yona mota yeo fa musika. Ki ye fa . . . Ya lekiswa cwale; kampani yeñwi yetuna ina ni zeñata za zona. Mi mota ye, ki ye fa. Paul Boyd wa hupula sipolofita sani, na talimezi mwa buka ya hae sene Ni bulezi, mi anga siswaniso mwahali mwani. Mi ki yani iteni, ona cwalo fela mwa mufuta wa lii, ni lipula zepeli ona *cwalo*, ni lipula zepeli ze beilwe neku *le*, ni tafule fahali ya ku bapalela makadi fateni ni lika zeñwi fateni, ona cwalo fela.

<sup>19</sup> Linzwi la Mulena li petehile mi la nonga. Mwani neli ka 1933. Fani ikona kuba . . . Halu boneni, ikona kuba bukai sha? Myaha ye seti tu kwa mulaho, nji cwani? Ye ki '64. Eehe, seti . . . Eehe, myaha ye seti wani kwa mulaho. Myaha ye seti wani kwa mulaho Mulena na ni bulelezi zeo, mi fa ki ze. Mi kampani iteni mo ye li lekile; mi ba—mi ni likampani za bimbayambaya ni zeñwi ba panga sina zona. Ba kona ku izamaisa kuzwelela kwa nkambe ya bona ona cwalo, mane haitokwi kuba ni muzamaisi mwahali. Mi ki ye fa ipangilwe kale, mi ki yani fani ni limota. Cwale, iteni mwa pampili ya mutende kwa mulaho, mi mwakona kuipulela sipolofita mi mu bone fela Mulimu mo abezi ya ziba kunonga, ka mo Linzwi la Hae . . . Na ize, “Lihalimu ni lifasi li ka fela, kono Linzwi la Ka halina kufela.”

<sup>20</sup> Mutualime fela, myaha ye seti sili kwa mulaho. Mwa ziba kuli—kuli ki 1931, kamba seo kaufela ne sili sona kaufela, mota ya nako yani mo ne ika bonahalela; ne i ka bonahala inge singengemwa sa za ikale. Ne kuizwe, “I ka bonahala fela inge lii, ibe sina lii.” Ka niti, hakuna mutu mo, Na sepa, ya pila kacenu kamba mwahala luna yana ni utwile ha ni bulela. Ki . . . Mu ni utwile ha ni li bulela mwahala masika, kono . . . Eehe, ki yo musali ya inzi fa. Kiñi, Boma. Wilson, Ne ni si ka ku bona kwani. Wa hupula fani zeo ha li ezahala. Fani kona fa na foliselizwe, na

bulaiwa ki TB (musali, muuna hae ni mwana musizana ne ba ni tezi kuli ni yo mu lapelela) kufitela butuku bwa mweya kuzwa mane—kona ne itezi ya mali ni fa—fa musamo ni zeñwi kaufela ne li tezi mali. Mi dokota ali, “Hakuna mukwa wa kuli akone kupila hape,” mi nihaiba . . . Na lika kubulela nto yeñwi ku na a si ka shwa kale, mi kipeto mali ahasaka fa likubo ni fa shiti ana lobezi teni, hana lika kuhotola. Mi Na mu zusa fa mumbeta wani, ni ku muisa kwa nuka ye bata kwanu, ni mezi a kangezi, ni ku yo mu kolobeza ka Libizo la Jesu Kreste. Mi zeo seli myaha ye seti sili kwa mulaho, mi ki yo fa uinzi kacenu, u sa pila, mane ni bana babatuna, baba iketile, buñata bwa bona se ba shwile. Ki wena yo foo. “Muhau o komokisa, ha ki muhuwo kwa munati, o pilisize na ya maswe cwana!” Zani li bonisa fela mo li ezahalelanga ka kupetahala kuli **KISONA SA BULELA MULENA**.

<sup>21</sup> [Musali u ambola ku Muzwale Branham mwahala puteho—Mu.] Eeni, yani—yani ki niti, Kezeli. Eeni, sha! Basali . . . Ne ni bulezi kuli basali ba ka latehelwa ki muinelo wa buiswalo mwa mafelele—. . . Cwale, mwa ziba myaha kwa mulaho mo ne ba tinelanga. Ne kuizwe kuli ba kaba ba basina buiswalo, kufitela ha ba ka zamaya mwa mikwakwa ni tunekunda fela. Mi se Nili, “Mi ku ka ezahala kuli, kuli ba ka ba mwa buino bo bu swabisa hahulu, kufitela ha ba ka tina ze bonahala inge litali la feiga.” Ne ni liboni, mi bana ni yona; mi ba li tinanga. Ona fela—fela ku sa ipuluka kwa basali mo kubezi mwatasi hahulu ni ku ishubula! Halu sa kona ku ya mwatasi hahulu cwale; hamukoni ku ya mwatasi kufitelela fani. U kwa mafelelezo! Mwabona, habana kuba njenje kufelelela. Batili, ba cwalo . . .

<sup>22</sup> Ni kutalize kwa sicaba, basali ka likiti ze mashumi amañata baba sina nihaiba ka apalo fa mibili ya bona (mwabona?), mitangana, ni basizana baba nyinyani, ni bao kaufela, kono ha ba zibi kuli ba mapunu. Mwabona? Ha ba zibi cwalo. Mi ni mukwa o ba eza basali ka ona kacenu . . .

<sup>23</sup> Ne ni sweli kuambola busihu bobuñwi kwa balikani baka babañwi kone lu inzi fahalimu a malundu, mi ni—ni musizana yomunyinyani . . . Kona hane ni sa zo lapelela mbututu wa hae; nana ni kanono; mi mbututu yani uiketile. Mi neli lubasi lo lunyinyani, lwa sibotana, kwa mulaho mwa lisuba, sibaka nyana sa kwai bukaufi ni ndu—ni libaka za misiyo yemibeli mwahali—ni bana ba sebene kamba eiti . . . Musali yani usebeza kwa (oh, mawi!), neli fela silepe sesituna kwani, ku lemaka likota ni zeñwi, ni—ni kulima masimu, ni ku kolela zeñwi kwateni. Mi se Ni talima musali wa mubotana yani, ni ndelesi yeswana yana tinanga ka silimo kamba myaha yemibeli, mane yali ku cancauka ni zeñwi kaufela . . . Mi ne Ni lika ku fumana amañwi a mandelesi a Meda kuli ni mu iseze kwani biki yetaha.

<sup>24</sup> Mi—mi lwa to lemuha inge lu yemi fani, mizwale yemiñwi ni Na, kalibe na sweli kuanyisa mbututu wa hae. Na ti lo zusa fela lizwele la hae mwa—kuzwa mwa—kuzwa mwa ndelesi ya

hae ni kukala ku anyisa mbututu; mi neli nto ye komokisa fa muzuzu; kona mo ne ba ni anyisezanga ni bona ona cwalo! Kona ona cwalo luli.

<sup>25</sup> Nina ni likute hahulu ku musali ya cwalo kufita mo Ni ezezanga kwa basali babañwi baba tinanga tuhala twa kale kwatasi kuli ba inepele kwande. Mane haba sa bonahala inge batu. Bana ni mulelo ka kueza cwalo; zani ki za butanya, kutokwa bumulimu. Musali ya ka lika kutina ze cwalo kuli abonahale inge nto isili ya si yona...Ni...Kiñi, basali kaniti habayo—habayo mwa mukwa wani; ki mufuta wa litaba za Hollywood. Mi ni moyo wa diabolosi u ba keni basali bani kulika kuli ba ebelelise muuna kuya ka kufosa. Mazwele a musali na filwe ku yena kuli a no anyisanga mbututu ka ona. Yani ki niti luli. Musali wa kona kuba ya siyalelezi mwa bupilo, kono ki ya na ni maoyo. Ni na ni likute luli ka ya cwalo, ku musali ya cwalo, kakuli ki...Kona mo ne ba mu huliselize bo mahe cwalo; kona ona cwalo...Neba—neba sika—isenza ngana ku zona. Mbututu na anyisiwanga inge siswaniso sa Madonna se mu bonanga. Mi haiba fela batu ne ba ka ba ni minahano ya bona kuba cwalo, ne ku ka shutana.

<sup>26</sup> Kono ha mu zwela kwande kamba mane nihaiba kutina hembe kamba nto yeñwi cwalo, mi ni ku minyauka kwande cwalo mwa tuhala ni lika zeñwi, sani si bonahala kutokwa bumulimu ni kutiseleza muuna...Kana mwa ziba kuli wani ki moyo wa diabolosi ku mina? Konakuli hamutokwi kueza cwalo, kezeli. Musike mwa eza cwalo; yani ki mipende ya Hollywood ni kalaba ka diabolosi! Ha mu eza cwalo, mu eza kuli muuna a nahane mikwa ye fosahalile ka mina; mi ha mu eza cwalo, fohe muna ni mulatu wa kueza boozwa ni muuna yani, kakuli u iponahalize mwa mukwa o cwalao ku yena. Haukoni kucinca sibupeho sa hao, kono uye fela mi upile ka mukwa wa ku bupile kaona Mulimu. Mwabona? Usike wa lika kuikeza kuba nto isili ku so li sona. Ube fela uli mutu ona cwalo. Sani sa sabisa? Kihande sani sa alaba lipuzo za yomuñwi hape.

<sup>27</sup> Ndata luna, lwa itumela ku Wena kacenu ka Jesu Kreste ni ka kupetahala kwa Linzwi. Sina ha Ni Ku bona hande ha u petahalisa manzwi kuli atalelezwe, si ni fa ciseho yetuna ya kupila ni Niti ni linzwi kaufela la Niti. Kacwalo Na lapela, Ndate, kuli U lu fuyole kakusasana cwana, ni sicaba se sinde se. Mi ni kuziba kuli tepu ye iya mwa libaka zeñata ze ka utwa kwa pulelo ye sa zo bulelwa yani...Ne ni sika...ne si za kuikupulela fela; Wena uziba pilu ya ka. Ne si tile mwa munahano wa ka, mi Ni lumela kuli No bata kuli ni li bulele. Mi se Nili, mi se ku felile cwale. Mi—mi kwani kona ku ikolwisisa kwa ka ni se Ni lumela kuli Uka ni lumeleza kubulela.

<sup>28</sup> Musali kaufela ya teezea se mwa buse bwa linaha ni mwahala naha ye ni mwa lifasi; yo aikutwe maswabi mi abone se si ezahalile, ni kuapala sina musali cwale, kuli asike aba ni

mulatu wa buhule bwa hae. Sibupiwa sesinde, se si bupilwe hande sina mo U mu fezi, kuba siemba sa muuna, kuli abe cwalo kwa—kwa—kwa ku hoha ngana ya hae ku zona, kuli bababeli bao babe alimuñwi, kakuli na zwile ku muuna. Na lapela, Mulimu, kuli musali a lemuhe kuli bunde bwa hae ni sa li sona, li ku muuna hae fela. Alaba cwalo, Ndate.

<sup>29</sup> Lu kula kuli U lutuse cwale hanze lu lika kutalusa lipuzo ze. Ha luna buñata bwa lika ze, kono tuhela kuli Moya wa Hao omutuna utahe, Mulena, ili zona ze lutokwa ka buñata; mi U alabe puzo mwa lipilu zeñata. Lu itumela ku Wena ka So lu file: *Masika A Likeleke*, ni *Maswayo*, hamoho cwalo . . . Oh, ka Mo lu tiselize mwa lika zetuna zibile butokwa ku luna, Mulena, kakuli lu bona kuli nako ya mafelelezo ifa kaufi.

<sup>30</sup> Cwale, kuli . . . ni hupuzi kuli nekukaba hande kamba ne ikaba zwelopili ya Mubuso wa Hao hane Ni ka talimana ni sicaba. Linako zeñata mwatasa temuho kacwalo lika ze shutana, mi ha ku konahali ku talimela fela ku yeñwi ya zona fela; kacwalo kunahana—Ni ba kupile fela kuñola ze li mwa lipilu za bona. Mi kipeto Ni ka bonahaza mihupulo ya bona kuzwa fa kapampili ka pepa ko ba iñolezi, mi kipeto Ulufe kalabo ye lukela. Kaufela luna lu li libelezi, Mulena. Taha ube mwahala luna, Mulena, mi u zamaye mwa libaka za fahalimu nifafasi mwahala sibaka, mi utalimane ni mani ni mani kuya ka tato ya Hao. Lwa kupa ka Libizo la Jesu. Amen.

[Hakuna manzwi fa tepu—Mu.] Terry, Ni . . . kana Ni . . . Kana seo si sa utwahala, kafo kwa muz- . . . Ni sweli . . . Kikuli si timile sani, kamba sika kaufela? Ha si timi muzwale. Ni sweli fateni ka lizoho. Ne ni sa zibi.

<sup>31</sup> Cwale, sina ha Ni bulela hape cwale, hanze lu kalisa, ku ba—bakutazi bani kamba sicaba sani mwa libaka ze shutana za nahua, kamba baba ka utwa tepu, muka—muka . . . Tepu i lukile: ki lipuzo ze li mwa lipilu za sicaba sa kwa tabernakele, ko lu sina kopano, ki kutwano fela ku yomuñwi ni yomuñwi. Mi Ni sepa kuli ikaba . . . ze utwahala mwa minahano ya luna, kuli lu ka ziba za kueza ni kuziba mwa ku pilela hande kasamulaho lipuzo za luna ku alabiwa. Na ziba, ka kubala fela, neli mbuyoti kuna.

<sup>32</sup> Cwale, Ni nani zona libeilwe fa mwa libunda, mi Ni ka talimela haseli mizuzu yeketalizoho bukaufi ni twelufu, Ni ka mi lukulula. Mi hape, ni kukuta musihali wo mwendi ka sikisi seti.

Puzo yapili ye Ni sweli, Ni sepa ki lipuzo ze ketalizoho mwa mukoloko, zeñozwi ka kutaipa fa pampili ya mubala wa yelo.

## **236. Kana taba ye italusa sikamañi? Mateu 24:19: “Bumai ki bwa baba na ni bana, ni ku baba anyisa mwa mazazi ao!”**

Kinto yenca, ni sa zibi sani, Ne ni ka bulela cwana ka musali, mi ki se fa ka nako ye, ki puzo yapili.

<sup>33</sup> Cwale, Mateu 24:19. Jesu na buzizwe lipuzo zetalu. Mwa lipuzo ze ne kuna ni ya kuli: Ki lili fo ha ku sike kwaba licwe fa halimwa leliñwi? mi yeñwi, Ki sisupo mañi se si ka supa kutaha kwa mafelelezo a lifasi? mi—mi ya lipuzo ze shutana zetalu za Na—Za na buzizwe. Mi U li alaba mwa linzila zetalu ze shutana, wa alaba puzo ifi ni ifi. Ki lili fo ha ku sike kwaba licwe fa halimwa leliñwi? Ni kuli ki sikamañi se si ka supa kutaha kwa Hao? Mi hape ki sifi se si ka supa kufela kwa lifasi? Mi U li alaba ka linzila ze shutana zetalu. Wa ba bulelela ha ku ka taha nako fo ha ku sike kuba licwe fahalimwa leliñwi; ni se si kaba sisupo sa kutaha kwa Hae; mi cwale, kwa mafelelezo a lifasi. Mi linako zeñata, haiba ha mu talimisisi hande, cwale, ka mwa Na alabela (mwabona?), mu ka li lyanganisa ni ku li beya mwa nako iliñwi; mi kipeto ke mulyangana.

<sup>34</sup> Cwale, haki ku shwaula bahesu—bahesu ili mizwale ba Tumelo ya sabata baba talima kuli ikaba mwa nako yetaha. Kuli lu kene mwa tuto yani ya lizazi la bu sebene kuli: “Mulapele hape kuli ku saba kwa mina kusike kwaba mwa nako ya malija kamba ka lizazi la Sabata,” mo i bulelezi (mwabona?), ne ba sa buluka Sabata. Ha lu nyazi mizwale bani, seo ha si koni kuba sa Bukreste fa kueza cwalo, kono fela kuli lu si yale hande ka swanelo. Mwabona?

<sup>35</sup> Kana ku konahala cwani kuli lifasi la Bukreste kaufela li kopane mwahala muyaho, ibo mamota ha si ka kwaluha kono akwalilwe inge mwa na belanga linako zani. Mwabona? Ki shutano mañi ye si ka panga, kuli kamba ibe nako ya malija kamba ya mbumbi kwa sicaba sene si pila mwa sibaka se si bata sani. Mwabona? Neli fela kwa Isilaele inosi kipeto. Yani kona nako ye ku si ke kwaba licwe fahalimwa leliñwi. “Bumai ki bwa baba kaba ni bana, ni ku baba anyisa mwa mazazi ao,” kakuli me yana ni mwana (mwabona?), ne ku kaba tata kuli amate, ni ku baba ka anyisa limbututu za bona kuli ba li pepe, kakuli ne bana ni kuzwa mwa Jerusalema kuzwa mwa munzi ni kukena mwa . . . kupahama mwa malundu a Judea.

<sup>36</sup> Mi cwale, Na kona kuina fani kakusasana kaufela fa taba iliñwi fela yeo, kuli i u twahale hande; kono Ni ka lika fela kunata fa litaba zetuna mo Ni konela, kufitela litaha kwa sicaba, mi kipeto ni ye kwa puzo yetatama.

<sup>37</sup> Cwale, Jesu na ba bulelezi kuli ne ba ka . . . “Hamuka bona Jerusalema upotolohilwe ki mpi, fohe kipeto ya li mwa simu, asike a kutela kwa hae ku yo nga kubo ya hae, ku yo shimba sika kaufela kwa ndu ya hae; asike a kutela kwa hae ni hanyinyani, kono asabele mwa Judea, kakuli ikaba nako ya ñalelwa ye si ka bonwa kale haisamba lifasi litomwa.” Mi zeo kaufela ne li ezahalile mwa mazazi a mubusisi wa Muroma, Titus, ha na potolohile Jerusalema kuibeya mwahali, kucisa munzi, mi ne kuna ni fela . . . ku bulaya batu kufitela mali a buba mwa minyako ni mwa . . . ni mwa mikwakwa. Na ipotolohile kuhapa.

Hani zibi fela kuli ne li myaha ye mikai, hana ngile limpi za hae ku to ina munganda ni kupotoloha munzi. Mi neba sicaba, ni basali, ba tateha bana ba bona kasibili ni ku ca, ba ca makwati a likota, bucwani kaufela. Sani neli bakeñisa kuhana Linzwi. Sani kona se ne si tisize zani. Mi cwale . . .

<sup>38</sup> Cwale, bani bene ba amuhezi Linzwi, sina Josephus, muñoli yomutuna wa litaba za kale . . . Na ba biza kuli bo muca batu, na bulezi kuli ne ba cile mubili wa Mutu ya bizwa Jesu wa Nazareta, yo Pilato na takisize; mi ba taha busihu ku to uzwa mubili wa Hae, mi batu bani ba yo unga ni ku upazula mwa liemba mi ba icela ona. (Ne ba ca Mulalelo, mwa bona. Ne ba sa zibi.) Bwani neli fela buhata bo ne bu potoloha, inge mo ba bezi kacenu ka za luna ni Bakreste babañwi baba siyezi. Mwa bona? Ba bulela lika zani, kono . . .

<sup>39</sup> Cwale, sicaba sani sene si . . . Libaka ki, "Mulapele kuli kusaba kwa mina kusike kwa ba mwa nako ya maliha," Judea ne ibanga ni litwa. Mwabona, Kilisimasi? Cwale, kana Jesu na pepilwe cwani kwani mwa malundu a litwa cwalo? "Mulapele kuli kusaba kwa mina kusike kwaba mwa nako ya maliha, kamba nihaiba ka lizazi la Sabata," mwabona, kakuli ka lizazi la Sabata minyako ne i kwalwanga, mi ne ba ka swalwa mwahala kalaba kani. Kambe Titus na ile kwani la—la—la Bufaifi musihali, ne ba potolohilwe mwahala mwani la Sabata, kakuli minyako ne ikwalilwe. Minyako neikwaliwanga ka la Sabata mi ne i sa kwaluhangi. Nekusina kuzwela kwanda munzi ka lizazi la Sabata.

<sup>40</sup> Mi cwale, mwa bona sene si ezahalile? Mi ki Hali, "Bumai ki bwa baba kaba ni bana, ni ku baba anyisa mwa mazazi ao," (mwabona?) kakuli ku saba ni ku mata . . . Mi kuya ka litaba za kale, nekusina ya na lumezi ku Jesu ni kulumela Linzwi kono konji bene ba libelezi sani kuli si ezahale. Mi ba mata, ni kuzwa mwa Jerusalema kuya mwa Judea, mi—mi ba sabisa bupilo bwa bona, mi hakuna ni alimuñwi wa bona . . . kakuli ne ba lemusizwe ka Mulisana wa bona mi ne ba libelela hola yani kuli itahe. Hane ba utwile kuli Titus na taha, se ba nanuha, ba mata ku sabisa bupilo bwa bona, mi ba zwela kwanda munzi.

Cwale, puzo yetatama ki yeo.

**237. Mateu 24:24: "Mi ku ka taha bapolofita ba buhata, ni bokreste ba buhata, ni bapolofita ba buhata, mi ba ka bonisa lisupo zetuna ni ze komokisa."** Cwale lu ka ba ziba cwani?

<sup>41</sup> "Kuka taha . . ." Mwahali mwani kutaha lusika loluñwi. Mwabona? ". . . kuka taha bokreste ba buhata ni bapolofita ba buhata." Kreste wa buhata ki mutoziwa wa buhata, kakuli Kreste u Tozizwe. Ki babakai baba ziba kuli *Kreste* li talusa "kuli Ya tozizwe"? Kuka taha batoziwa ba buhata, mi ba ka ipiza kuli ki bapolofita. Kono cwale mu ka ba ziba cwani? Ka

Linzwi; kona mo mu ka ba zibela, ka Linzwi, haiba ba lukile. Kana lu ka ba ziba cwani? Ikaba ka Linzwi. Haiba nji bana . . . Haiba ba bulela kuli bana ni Linzwi, kono ba latula Linzwi, kona kuli hakuna se ba nani, hakuna taba ka se ba eza. Ba kona ku folisa bakuli; ba kona ku kwalula meto a libofu; kono ba latula Linzwi, muinele kwahule ni zeo. Musike mwa iseza ngana ku zona, mupile ni Linzwi lani kupale kumane (mwabona?), kakuli linako zeñata Ni boni bulapeli bwa mabibo ni lika zani kaufela ze ezahalanga mwatasasa—mwatasasa foliso.

<sup>42</sup> Ki yo fa Muzwale Sidney Jackson, Kezeli Jackson kakusasana wo kuzwa kwa South Africa. Wa kona kuyema fa ni kunga tuto yani ni ku mi bulelela lika zeñwi ka zona mwateni. Kiñi luli, batu ba taha kwa maswaniso ani mi ba foliswa. Mwabona, kakuli kiñi?

<sup>43</sup> Kuswana fela sina Dr. Hegre ya na ni swabisize nako yeñwi, hana ni bulelezi kuli diabolosi hakoni kufolisa. Mi ne ku izwe, “Muuna ya yema fapila batu babañata sina mo mu ezezanga, mi ni tudo ye sina tuso yani ya bulapeli,” ali, “ka kubulela kuli diabolosi hakoni ku folisa.” Ali, “Ne lu fumaní musali bukaufi ni luna yana shimbile siapalo, mi wa ya kwani; mi ni sicaba sa taha ku yena ku to mu tiseza mali mwa siapalo sa hae; mi kipeto wa ba pikita ni kunga milili ya toho ya hae ni mali azwa mwa misinga ya bona ni—ni kubeya mwa milili ni ku sululela kwa mukoko wa hae kwa mulaho; mi kipeto wa hapelezwa kutalima kwa mulaho, butuku bukutela fa sicaba hape. Mi,” bali, “buñata bwa bona mwendi seti pesenti ba folanga. Mi kipeto uli diabolosi hakoni ku folisa?”

<sup>44</sup> Mi Na hupula, “Oh, mawi!” Na mu ñolela, mi Na li, “Muñaka shangwe:” Se nili, “Ki nto yenca ku na kuli muzamaisi wa sikolo se sipahami sa ma Lutheran na ka yendeka tuto ya hae ya za bulapeli fa kutwisiso kufita fa Linzwi la Mulimu.” Mwabona? “Linzwi la Mulimu li bulela kuli Satani hakoni ku leleka Satani. Ao kona mafelelezo; Jesu na bulezi cwalo.” Haiba nji Satani . . . Ali, “Konakuli mwa kona ku nahana kuli cwale batu bani ba foliswanga cwani, yena muloi yani, kakuli sicaba kasibili ba nahana kuli ba taha ku Mulimu ka yena muloi yani. Mi foliso i tomile fa tumelo, isiñi kuli muna ni bulapeli bo bu cwani, mo u bezi yomunde, ka mo u mamelela milao, kamba seo sili sona kaufela, ku itingile fela fa tumelo. ‘Lika kaufela za konahala ku baba lumela!’ Mwabona? Ha li si ka toma fa bunde mwa mina. Ni boni mahule haba taha kwa katala mi ba to foliswa ona foo kono musali ya kenile ha taha kwa katala ukuta mukungulu. Luli, si tomile fa tumelo, ‘Haiba mwa kona ku lumela,’ isiñi fa kuluka.”

<sup>45</sup> Mu talime kwanu mwa France ko bayanga kwa sibaka sa kupairela sa musali yani, ha ba ya kwani ba ya mwa lipula za mawili kono ha ba yo kuta bataha inge ba zamaya, ha ki sika sifi kaufela kono ki ku akaleza fela, haiba kuna ni taba yeñwi, tuto ya za mioya—ku lapela batu baba shwile. Mwabona? Kono ibo ba

foliswa, kakuli ba nahana kuli ba taha ku Mulimu. Cwale, ha ni nyazi sicaba sa Katolika, Ni nyaza mulao wa Katolika, kuswana fela inge ha Ni li wa mulao wa Baipanguli (mwabona?), ona lika ze kaufela.

<sup>46</sup> Cwale, bakutazi, Ni ziba kuli se si ka holofaza, kono Ni alaba lipuzo; mi Ni bata—Ni bata kuli mu utwisise zeo (mwabona?) Na fela—fela ni mi bulelela Niti kuzwa mwa pilu ya ka; Kreste u kwa pata a ka kuya ka mo ni zibela. Mwabona? Kaufela zona ki milao, ni milao yani i holofalize sicaba ona cwalo... Sicaba si yanga ku yo i kopanya ni ba Methodist, Baptist, Presbyterian, Mapentekota, Katolika; mi ba nahana kuli ba taha ku Mulimu kanti basweli fela kufita mwa litaba za mulao. Mulimu wa li kutekanga fokuñwi ni kunga matuku a bona—bona kuzwa ku bona ka milimu ya maswaniso. Kihande, ona mwahala bo Mbonezikai ba mwa Africa ba fumana foliso ka milimu ya maswaniso ni zeñwi cwalo (mwabona?), kono ba nahana kuli ba taha ku Mulimu.

<sup>47</sup> Mu nahana kuli musali ya ipile wa Katolika uyanga kwa ku ikopanya mwa—mwa sikolo sa likezeli ze ipile ku za buiswalo bakeñisa kuli ubata kuba musali ya maswe nji? U ikopanya mwa sikolo sa likezeli ze ipile mwa buiswalo cwalo kakuli ubata kuba musali yomunde. Muuna ha yeli ku yo ikopanya kwa keleke ya Katolika kuli abe muuna ya maswe; uyo ikopanya teñi kuli abe muuna yomunde. Ha mu... Muli, “Kihande, ki sikamañi sani?” Mane nihaiba bona... nihaiba bona ma Indian mwa India, kamba mu Hindu kuba mwa bulapeli bwa Hinduism kuli abe mutu yamaswe.

<sup>48</sup> Hane Ni keni mwa tempele ya ma—ya ma Jains, ko ne Ni buzizwe ki muprisita yani, inge pope ya inzi fa musamo o mutuna, mautu a hae na nyendaela mwatasa hae, inza swalelezi minwana ya hae ya mautu, ni pono ye cwalo kuli na ñozi siswaniso sa Mañolo a Lisamu 23 ka liito la hae fa kaemba ka pipi kene ka sa fiti fa... ne ka sa fiti fa bukaufi ni inci. Cwale, mi za fitelela munahano wa mutu kaufela kuli añole cwalo, kono yena na li cakuzi fani ka liito la nama; mi neli muuna wa myaha ye mashumi amane ya kupepwa kamba kufitelela. Mwabona?

<sup>49</sup> Kiñi luli, mina—mina mupila ona kwanu, ha mu utwa fela kuli Methodist, Baptist, Presbyterian; mu lukela kuzwela kwande ku yo ba mwa musebezi mwa masimu nako yeñwi. Kunga lika kuli li kwalule meto a mina! Mwabona?

<sup>50</sup> Cwale, mu nahana kuli likezeli zani kaufela babali kwani; mane habana nihaiba... habana nihaiba ku apeha; habana nihaiba kuca; bana ni ku kupelela lika kaufela ze bana ni zona. Habana ku... habana ku panga bikolopo ka mazoho a bona kuli ba kolope likokwani ni zeñwi mwa mukwakwa, kakuli ba lumela mwa bupilo bwa kuzuhela mwa buino busili; bakona kuhatikela silikani sa bona. Habakoni kuhatikela fa likokwani, kubulaya

linzinzi, kamba kutokwa; habakoni nihaiba ku looza tipa kuli ba isehe kwa munwana. Mutuhele ku shwe mutu, kakuli u bulaile kokwani; ikona kuba... kuba muhabo yena ya taha. Mwabona? Mu taha muba hande, mwa bunde, ni mwa bunde; mafelelezo, mu to ba mutu, mutu yali yomunde, ni ona cwalo cwalo, kufitela muba sina mulimu. Kuya fela ona cwalo, ona cwalo, ona cwalo, kupikuluha, kuba hande ni kuba hande.

<sup>51</sup> Cwale, ha ba ezangi zani kuli babe batu baba maswe. Ba ezanga zani ka busepahali, kono mwa bona, "Kuna ni nzila ye bonahala bunde ku mutu." Kuna ni fela nto iliñwi, sicaba, zeo kwateni Na ziba ku mi bulelala zona kuba—kuba sina sikolo kakusasana cwana fa lipuzo ze, ki Linzwi, lona Linzwi la Mulimu. Konakuli mu ka lumela kuli Jesu Kreste ki yena Linzwi lani, mi Linzwi lani li ezizwe nama cwale mwahala luna, ku taleleza hande sa Na bulezi kuli U ka si eza mwa lusika lo. Ku lukile.

Cwale, kona mo mu ka ba zibela, isiñi ka keleke ya bona, isiñi ka tuto ya tumelo ya bona, isiñi ka sisupo sa bona, isiñi ka likopano za bona, isiñi ka foliso ifi kaufela, isiñi ka sika kaufela, kono ki ka Linzwi. Mwabona?

**238. Mateu 24:26 (yetatama) ibulela ka za “sibaka sesiñwi” mi “ni mwa libaka za lihalaupa.” Se si talusa sikamañi?**

<sup>52</sup> Katalusa kuli ku kaba bo antikreste, tozo ye si yona, ni zeñwi cwalo. Mi *twaniso* ki sikamañi? *Twaniso* ki “kulwanisa.” Ikaba ona libupiwa zeswana ze kulwanisa Linzwi. “Mi likaba mwa lihalaupa ni mwa libaka ze ipatile.” Mi ki Hali, “Musike mwa zwela kwateni. Muine kwahule ni zona.” Mwabona?

Cwale, puzo ya bune:

**239. Mateu 24:28:** (Mutu yo utaha a shetumuka. Ha si ka ñola fateni; eeni uñozi kanti. Mu ni swalele. Hanina kupunda mabizo aa, kakuli ha ki swanelo. Mwabona?) **Mateu 24:28: “Kakuli kaufela ko kuna ni situpu, ki ko limbande li ka kopanela hamoho.” Situpu ki mañi mi hape limbande ki bomañi?**

<sup>53</sup> Cwale, yani ki puzo yende, hakuna se si fosahalile ka yona! Situpu ki sikamañi? Situpu kona nto yelicanga limbande. Cwale, mbande italimwa mwa Bibele, kuba mupolofita. Mupolofita ki mbande. Mulimu—Mulimu u ipiza Iliyena kuba mbande, mi luna lu “limbande za bana” kanti, luna—luna balumeli. Mwa bona? Mi situpu seo lica kinto mañi? Ki Linzwi. Kaufela ko kuna ni Linzwi, sibupeho sa niti sa nyunywani si ka iponahaza sona siñi. Mwabona? Mbande, yona itabela fela nama ye mezi, ina ni kuba ni nama ya yona ye mezi. Ha ki—ha ki maankoli (mwabona?), yona ki mbande. Yona ha mu koni kuifa lico za likopano; ilukela kuba ni lico za limbande; yani kona nama ye mezi mi yenca, isiñi sa kile aeza Mushe, isiñi sa kile aeza yomuñwi, isiñi sa kile aeza Sankey, Finney, Knox, Calvin, kono ka yona nako ye cwale, yona

Nama ye bulailwe ka lizazi le. Mi seo kona siemba sa Kreste se ne si shwile ku to eza Linzwi le kupakiwa. Sani kona se ba ka ca ku sona. Mwa utwa kana? Mwabona, mwabona?

<sup>54</sup> Isiñi sa kile aeza Nuwe, sa kile aeza Mushe, bani ki mitala; lwa bona ni kubala se ba kile baeza, kono ki sa Na sepisize kueza cwale. Na li yena Linzwi kwa mulaho kwani; sani neli Situpu sa lizazi lani. Lona lizazi la—la Wesley neli situpu sa lizazi lani; lizazi la Luther neli situpu za lizazi lateni; kono ha ba kuteli ku sani. Sani si shashize kale. Ze ne siyezi kwateni li lukela ku cisiwa, za Mulalelo ni zona; ne ba sa li bulukelangi lusika lo lutatama. Bibele ibulezi kuli ha mu ca Mulalelo, ze siyala kwateni, musike mwa libuluka kufita habusa kakusasana; mu li cise. Konakuli mutamahanye ku sani? Batili, sha! Luna ni Sico se sinca kacenu; lani kona Linzwi le li sepisizwe mwa hola ye, li iponahalize mwa hola ye. Kwani kona ko ku inzi limbande—kokuna ni situpu. Lwa kona kuina nako yetelele ku sani, kono Na sepa mwa utwisisa se Ni talusa.

Ku lukile, puzo ya bu ketalizoho:

#### **240. Kana Munyaliwa uka kubukanyiwa hamoho mwa sibaka silisiñwi ka nako ya kuungelwa, mi kikuli ikaba kwa Wiko?**

<sup>55</sup> Batili, ha si lukeli kuba kwani. Eehe, Munyaliwa uka kubukanyiwa hamoho mwa sibaka silisiñwi. Yeo ki niti, kono haisi ka nako ya zuho. Mwabona? “Kakuli luna baba pila mi lu siyala kufitela kutaha kwa Mulena...” Maefese, kamba, Matesalonika Babubeli kauhanyo ya 5, Ni sepa ki yona. “Luna baba pila mi lu siyala kufitela Mulena ataha haluna ku laka (kamba kutibela) bani baba lobezi (silundwamanji); kakuli tolombita ya Mulimu ki ha ika lila, mi baba shwile ku Kreste ba ka zuha, mi lu ka ngelwa mwahalimu hamoho ni bona ku yo katanyeza Mulena mwa mbyumbyulu.” Kabakaleo, Munyaliwa ukaba hamoho ha Si taha fa mayemo a kukopana ni Mulena. Mwabona? Ikaba hamoho, kono ha si talusi kuli luna ba... kaufela bona ba lukela ku ina mwa sibaka silisiñwi sina cwana; kakuli Munyaliwa ulobezi mwa liluli la lifasi mwa lifasi kaufela, kuzwa ko Kucisa kuisa kwa libaka ko kubata, ni kuzwa—kuzwa kwa upa kuya kwa wiko, kuzwa kwa mutulo kuya kwa mboela.

<sup>56</sup> Jesu naize, “Foo Mwana mutu ha ka bonahala,” kiñi naize, “ku kaba inge lumonyi lo lu benya ku kalela kwa upa mane ku yo bonahalela ni kwa wiko.” Taba yateni kaufela, ku kaba ni zuho, ni kuungelwa, mi kipeto ki yani Ya ikela. Mi kipeto Ni ku yo Mu katanyeza...

<sup>57</sup> Mubone butali bwa Mulena. Cwale, halu buleleni kuli, ka mutala, ka kubulela cwana... Ni bulela se ka minahano ya muhau ni tumelo mwa Linzwi, ha Ni bulela kuli “luna.” Na icumbela mwateni na kasibili ni mina kamukana ni Na—ni Mubili kaufela wa Kreste, silundwamanje. Na—Na lumela cwalo. Ha Ni bulela kuli “luna” fohe, Ni talusa kuli, ka muhau Na—Na

lumela cwalo. Ka tumelo Ni lumela cwalo ka muhau wa Hae, kuli luka ba mwahala sicaba se si ka shimbiwa.

<sup>58</sup> Cwale, taba yapili i ezahala ha se lu zusizwe. . . Bani baba sa pila bona ba ka siyala fela pili. . . Zuho kona ye ka itahanela pili, zuho ya bani baba lobezi. Ku kaba nako ya ku zuha, mi bani baba lobezi mwa liluli cwale, isiñi bani baba lobezi mwa sibi, kakuli ba lobezi ona cwalo. Bona habana kuzuha ka myaha yeñwi ye sikit. Kono bani baba—baba lobezi mwa liluli baka zuha pili, mi baka. . . yona mibili yebola ye ika apala ku sa bola mwa muhau wa kuungelwa kwa Mulena. Mi kipeto lu ka ya kaufela luna hamoho. Mi cwale haba kala kuba hamoho, ki ha luna baba sa pila mi lu siyala lu ka cinciwa. Mibili ye shwa ye haina kubona lifu, kono fela ka sipundumukela, ku kaba inge ku apeswa fahalimwa luna, mi kipeto kikale mu cinciwa. Mu kutiswa sinca inge Abrahama mwa na bezi, kuzwa kwa kuba mucembele kutaha ku mucaha, kuzwa kwa kuba mucembele wa musali kutaha kwa kuba musizana. Cinceho ya kapili ye ki nto mañi? Mi kasamulaho wa nako muka—muka zamaya inge muhupulo, mi mwakona ku bona bani baba zuhile kale. Oh, ki hola yecwañi yani! Mi lu ka kopana ni bona mi kipeto lu ngelwe mwahalimu ni bona ku yo katanyeza Mulena mwa mbyumbiyulu.

<sup>59</sup> Ha ki swanelo, haiba nji bo maluma ho ba pumbekezwi kwa mboela wa Kentucky, haiba bana ni kuzuhela kwa Indiana, kamba ne ba pumbekezwi mwa Indiana kuli baiswe kwa mboela wa Kentucky. Hakuna taba kuli bainzi kai. . . Bani baba shwezi mwa liwate ba ka zuha kuzwa mwa liwate. Bani bene ba sinyehezi mwa sibaka sani ni kuciwa ki litau, bani bene ba nepezwi mwa mulilo o sabisa wa ondo mane kutokwa nihaiba masapo ana siyezi kamba liluli, ni bona ba ka zuha! Kamba ne bali kwa Rome, kamba sibaka sa kwa Rome, kamba nebali mwa libaka ze cisa za mishitu ya kwa Mboela, kamba mwa libaka ze bata ze kangezi za kwa Mutulo, ba ka zuha kwa bafu mi ba ka cinciwa ni ku ungelwa mwahalimu; mi baba pila bona ba ka cinciwa mwa nako fela, ka ku kobya fela kwa liito mi ba ka shimbiwa mwahalimu hamoho.

<sup>60</sup> Mutualime kwa ba hasanyi ba evangeli bene ba shwezi kwani mwa masimu a mwa Africa. Mutualime bani bene ba shwezi kwani mwa—mwani mwa—mwa libaka ze kangezi za kwa Mutulo. Mutualime bani bene ba shwezi mwa libaka zani, hala lifasi kaufela, mwani mwa Congo, ni kaufela mwahala lifasi. Ba shwile kai ni kai, China, Japan, mwahala lifasi; mi kutaha kwa Mulena kukaba kwa silundwamanje, kona kuungelwa kona mo ku ka bela cwalo.

<sup>61</sup> Mutualime licinceho. “Ku kaba ba babeli mwa mumbeta; Ni ka nga alimumu ni siye alimumu,” ka nako yeswana, “Ku kaba bababeli mwa simu; Ni ka nga alimumu ni siye alimumu,” alimuñwi kwa neku leliñwi la lififi mwa lifasi mi yomuñwi kwa neku leliñwi la liseli mwa lifasi. Mwabona? Ikaba kuungelwa

kwa silundwamanje. Eeni, Keleke yona ikaba hamoho, kono kasamulaho, kasamulaho wa zuho ni kuungelwa ha se ku ezahalile.

<sup>62</sup> Cwale, haiba nji wani ha ki wona mukwa o mubona ka ona, kiñi, ku lukile cwale. Na ha ni ikamboleli fela ha Ni bulela zeo; lusweli kutepiña se. Mwa bona? Mi ikona kuba kuli bakutazi babañwi ba ka lwanisana ni zeo. Zeo li lukile.

**241. Muzwale Branham yomunde, puzo ya ka italimana ni kolobezo. Kana mutu upiliswa nako ifi? Ni utwile kuli konji mutu ha piliswa. Babañwi ba li ki fani ha u amuhela Moya o Kenile kipeto upilisizwe, ni ha u si ka kolobezwa kale mwa mezi, sina mwa taba ya Kornele mwa Likezo 10:47. Babañwi bali Paulusi na piliselizwe mwa musipili wa kuya kwa Damaseka, kono mwa Likezo 22:16, ibulela kuli na sa nani libi za hae kasamulaho wa mazazi amalalu. Kana mutu wa kona ku kolobezwa ka Moya o Kenile sina Kornele mwa na bezi, kono libi za hae li sa siyezi ku yena, kakuli ha si ka kolobezwa ka mezi, mwa, kamba kana nzila ya mutu kuya kwa Lihalimu iitingile kuli konji ha sa kolobelizwe ka mezi, ni kwa na ni Moya o Kenile?**

<sup>63</sup> Cwale, mulikana ka yomunde . . . Cwale, muzwale yo uñozi libizo la hae; Ha ni mu zibi, kono uñozi libizo la hae. Kono Hani—Hani na ku punda mabizo, kakuli ha ki swanelo; kakuli batu babañwi ba ka ba yelanga ni ku bulela kuli, “Kihande, Hani—Hani lumelani ni wena fa taba *ye ni yani*.” Mwabona? Konakuli Ha nina fela kubala mabizo. Buñata bwa zona lina ni mabizo a ñozwi, kono Ni . . . ku na fela. Mwabona? Ni beya kwa mulaho kafa, kuli Ni li buluke. Kacwalo ki muñolo wa mubala wa bulu; zeñwi li taipilwe ni mikwa yeñwi ye shutana.

<sup>64</sup> Cwale, puzo fa yapili ki kuli: “U piliswa ka nako ifi?” Mi yetatama, ki . . . yetatama ki, “Kana libi za kona ku swalelwa kwanda kolobezo ya mezi, kakuli Kornele na amuhezi Moya o Kenile—yena ni ba ndu ya hae—mi kanti na si ka kolobezwa kale mwa mezi.” Mi Paulusi na si ka . . . kasamulaho a kopana ni kutwisiso ya hae kwa . . . fa musipili wa kuya kwa Damaseka, yena, hape, na sa nani libi za hae ku yena kufitela ha kolobezwa; kakuli i bulezi kuli (Ni balile Mañolo a kaufela kufituluka mwateni kuli ni ikolwisise) . . . Mi kona mo ne kuinezi . . . Na ize, “Zuha mi uye kapili u yo kolobezwa, u bize Libizo la Mulena—mi u kolobezwe, libi za hao li swalelwé (kutakulwa), mi—mi u bize fa Libizo la Mulena.”

<sup>65</sup> Mi cwale, “Kana kolobezo ya Moya o Kenile . . . mutu wa kona ku kolobezwa ka Yona mi niteñi abe ni libi za hae mi asika—mi asika kolobezwa kale mwa mezi.”

<sup>66</sup> “Kana nzila ya mutu ye ya kwa Lihalimu i fiwa ku mutu ha kolobelizwe, ni kwa nani Moya o Kenile; kono niteni u lukela ku kolobezwa mwa mezi, fo nzila ya hae isika zibahale kale

kuya kwa Lihalimu?" Cwale, Na lumela... Cwale, Ha ni—Ha ni muzibi muzwale yo, mi yani ki puzo yende mi ya butali luli. Mi i lukela kutalimiwa ka butungi luli fo ku telele, kakuli ki kwa butokwa kuli lu zibe lika ze. Mwabona?

<sup>67</sup> Cwale, Ni lumela kuli muzwale yo usweli ku ni bulelala kamba ubata ku li ni bulele cwalo (kamba mwendi wa lumela cwalo, Hani zibi) mi... ka sesiñwi se Ni hupula kuli fela ki—ki ku shutana nyana ku na, tumelo ya niti ya Linzwi. Ni... Se si utwahala inge kuli muzwale yo ubulela kuli... Cwale, yeli nto yende, Muzwale; hakulata uteni mo; mi sani ki se sinde. Ni—Ni sepa yani ki yende... Ni tabezi hahulu kuli uibeile fateni fa. Cwale, mwabona? Kono Na hani lumeli mwa ku kolobezwa ka mezi kuba kupepwa sincia (mwabona?), kakuli ha mu eza cwalo, sani si zusa fateni Mali. Mwabona? Mu kolobezwa mwa mezi ili kubonisa kuli kupepwa sincia ku ezahalile. Mwabona? Sani fela ki sa kwande... ki sisupo sa kwande sa kupepwa sincia. Taba yateni kaufela iitingile ka kutala fa kulemuhiwa kwapili. Mwabona? Kono ha lu zibi ya li yena ni ya si yena; kabakaleo, lu kutaza Evangelii. Ka tumelo lu zwelapili fela ku kutaza.

<sup>68</sup> Kono ka kupepwa sincia cwale, fani kona fo Ni sa lumelelani ni mizwale ba oneness. Mi cwale mina mizwale ba oneness baba ka teezeza kwa tepu ya lipuzo ye, haiba ika wela mwa ofisi ya mina, kamba mwa ndu ya mina, kamba mwahala mina sicaba mina batu ba oneness, musike mwa tokwa ku ni utwisisa, cwale, sani Na—Na—fela ha ni lumelelani ni zani.

<sup>69</sup> Na ni musala ka ha lu lumeli zani; luli lwa hana. Ni mu bulelala kuli Na mu lata, mi kipeto uli usike wa lumela kuli Na ku lata. Kacwalo he—kacwalo he luna ha lu lumelelani, kono Na mi bulelala, luna lwa lumelelana hande ona cwalo.

<sup>70</sup> Cwale mulemuhe. Mwendi ha Ni mu bonisanga hahulu lisupo ku yena, sani Na ezanga. Kono Na kutaza, kipeto ni taha kwa lapa ni kunga kashuto ka ka kuya kwa kushuta. Mwabona? Kono kwatasi a pilu ya ka Na mu lata; Ni lukela fela kuina kwahule ni yena, kipeto.

<sup>71</sup> Cwale, mulemuhe mwa taba mo... Cwale, haiba lu sa lumelelani, ku lukile; kono mwa bona, mezi a takula libi; ki kalabo ye ya kwa lizwalo le li lukile.

<sup>72</sup> Cwale, Na lumela kuli libaka leo Paulusi ha na ba kolobelize kwani, kakuli ki swanelo mi ki tukelo mwa Bibele kuli lu kolobezwe. Kakuli Ni kutela ona kwani hape: fani lisholi hane li kokotezwi fa sifapahano... Mi a shwa kusina ku kolobezwa ni hanyinyani, mi ibo aba ni sepiso kuli Jesu na ka mu katana mwa Paradaisi zazi lani; mwa Paradaisi, isiñi mwa libaka za baba latehile, kakuli neli nako yapili fani kolo ha ne ifilwe ku yena.

<sup>73</sup> Mi Ni lumela kuli buino bo buswana ne buli mwa lipilu zani mwa ndu ya Kornele fani hane ba amuhezi Linzwi la Mulimu ka tabo. Mi Moya o Kenile kona Linzwi le li filwe mata lani, mi

Ne li filwe mata ku bona. Lani kona libaka Moya o Kenile ha u kala ku bulelanga ka malimi asili ni ku polofita. Neli lipilu za sicaba ze tabela ku amuhela Linzwi kuwela ku zona, ni kubona za buipiteli.

<sup>74</sup> Sani kona se si ni komokisa kacenu mwa hola ye lupila kuyona ye. Kasamulaho sikwata sani sa Maroma hane si... ni Magerike, ka mo ne ba inezi, kona ha na sa zo bona fela kezo ya pono yene bonahalile ka niti, Moya o Kenile no swabisize lipilu za bona kufitela mane Pitrosi hana sa bulela manzwi ao, Moya o Kenile wa wela fahalimwa bona. Mwabona?

<sup>75</sup> Kuswana sina... Mwabona, Kornele ali, “Zamaya u yo mubiza...” Na li muzamaisi wa mpi ya masole baba mwanda, mi sani sa taha “muzamaisi wa mpi ya masole baba mwanda” ki ya zwa mwahala baba mwanda. Na zamaisa batu baana baba mwanda. Ki muzamaisi wa masole wa Muroma; mi na—na boni pono ha na lapela, mi Lingeloi la taha ku yena. Na li muuna yomunde. Ki hali, “Zamaya kwa Joppa. Simoni alimuñwi, wa basuhi ba matalo, mi nekuna ni alimuñwi wa libizo la Simoni Pitrosi. U ile... Uka yo mu fumana kwani, mi uka to ku bulelela Manzwi.”

<sup>76</sup> Kihande, na hupula kuli pono neli ya niti. “Ne ni si ka lobala; Ne ni talimela kwa—kwa Lingeloi.” Kacwalo a luma babañwi ba masole ba sepahala hahulu ku lo kwani.

<sup>77</sup> Mi ha na sali kwani, Mulimu na sweli ku lukisa muapositola kwa neku leliñwi la sibaka. Mi ki Hali, “Cwale, nanuha.” Ki hali... Kakubona kuli nali fahalimwa ndu inza libelela... Musala Simoni kuli a lukise sico sa manzibwana. Mi ha na sa li fahalimu fani... Na sa shwile tala, hakulata nasweli ku zamaya, muapositola na zamaya, mwahali mwa—mwa mahalaupa. Mi—mi na lobezi fani fahalimu mwa ndu sico sa manzibwana si si ka lukiswa kale, fa situwa sa ndu, sina hane ili mulao. Ba sa ezanga lika zeswana, ku lobala fa halimwa situwa, mi kipeto ba tuluka fa manela mi fokuñwi ki fa mahatelo kamba zeñwi, kutuluka fa situwa; aina fani mwa nako ya manzibwana.

<sup>78</sup> Kono muapositola awela mwa buloko, mi ha na sa lobezi, afitelela buloko kukena mwa pono; mi cwale ki ha bona shiti ya lisila le li shetumukafafasi ni libupiwa ze si ka kena ku yona, mi a utwa Linzwi le lili, “Nanuha, bulaya mi uce.”

Mi ali, “Ha ki cwalo, Mulena, ha ku si ka kena kale se si masila mwa mulomo wa ka.”

<sup>79</sup> Cwale, mwabona, kuna ni pono. Cwale, mutualime! Sani si lukela kutolokiwa. Cwale, sani si bonahala kuli Pitrosi uya kwa fa musipili wa kuzuma mi u yo fumana folofolo ya si ka ca kale fateni ni kulika ku ica. Mi ali, “Haki cwalo, Mulena, Ha—Ha ni sika be ni tamuna nto ye masila mwa mulomo wa ka.”

<sup>80</sup> Mi ali, “Usike wa biza kukena se Ni ezize... masila se Ni ezize kukena.” Ali, “Zuha, kuna ni baana baba ku libelezi fa

munyako. Zamaya, usike wa kakanya sika.” Ka nako yeswana ne ba ngongota fa munyako. [Muzwale Branham ungongota fa katala—Mu.]

<sup>81</sup> Cwale, mwabona? Mi cwale ha na ilo fumana muuna yani fani, ona masole baba sepahala bani, kuya fela ona cwalo ka pono . . . Mi ki ba se ba kuta ni yena muuna ya swana yo Mulimu na bulezzi mwa pono . . . ku mutu ya sa zibahali, neli fela muyambi yomunyinyani ya sa zibahali. Kono mwahala sikhata nyana sani, ne kuli butokwa hahulu kuli na fumani muyambi yomunyinyani yoo. Mi ki yo fa uinzi fahalimu fani utaha kwa ndu cwale, ona sibaka luli kwa na boni pono. Kornele abiza sicaba kaufela hamoho ni kubulela kuli, “Kiñi, kona fela ona cwalo mo ne Ni ibonezi.” Mi cwale Pitrosi ayema mi akala kubulela ka mo ne ba amuhelezi Moya o Kenile, mi ha na sa bulela . . . Ne ba boni lika kaufela ka swanelo handende ka pono iliñwi. Sikwata sa batu bene bali Bamacaba, bene ba boni pono iliñwi ha iiponahaza, mi ba utwa Linzwi la Niti mo ne ba amuhelezi Bupilo; ni Moya o Kenile mo no wezi fahalimwa bona mane ba si ka kolobezwa kale.

<sup>82</sup> Si lukela kueza sikamañi kwa tabernakele ye kakusasana cwana? Bakuli, baba imezwi, libofu, bo shushu, limumu, ni—ni muezalibi, lika kaufela . . . Munahane fela, kuzwa mwa lika ze likiti zemashimi, hakuna nihaiba nako iliñwi fo li kile la palelwa towati iliñwi! Kiñi, si lukela kutukisa lipilu za luna!

<sup>83</sup> Cwale, cwale, yena fani, inge asa bulela manzwi ao, Moya o Kenile wa wa. Mi Pitrosi ali, “Kana luka hanisa mezi, ka kubona kuli ni bona ba baamuhezi Moya o Kenile sina luna.” Ni lumela kuli libi za bona li swalezwi kale, kakuli Moya o Kenile no si ke kutaha; mi Na si ke kutaha kwanda kuli ibe libelekiso ze lukiselizwe kale cwalo. Na zibile kuli ne ba ka latelela. Na zibile . . .

<sup>84</sup> Na lumela Paulusi, libaka la na kolobelizwe sincia hape kikuli, na nyandisize Bakreste. Yani ki niti. Mi Yena, Mulimu na zibile, kakuli Na bulezzi kuli, “Ni mu ketile,” Na bulezzi cwalo ku Ananiasi, mupolofita. Fani ha Na zibile kuli Saule nali kwani mwa sibaka, wa sifateho se sinsu ni meto a mansu, mi na—na lapezi hahulu ni maluli mubili kaufela, mi a foufazwa ka Siita sa Mulilo sene si bonahalile ku yena fa mukwakwa; mi ki Hali, “Ni mu ketile kuba sibelekiso ku Bamacaba.” Mulimu na zibile kuli—kuli Ananiasi na ka kona ku mu kolobeza ka Libizo la Jesu Kreste mwa Nuka ya Damaseka kasamulaho wa mazazi amalalu. Kono Na lumela libi za hae ne li takuzwi, kono nana ni kueza se kuli abonise kwa lifasi. Mi Ni lumela kuli kona libaka ha lu swanezi ku kolobezwa ka Libizo la Jesu Kreste. Mi Ni lumela kuli peu ye lelilwe kale ika si bona, mi ki bona fela baba ka si bona.

<sup>85</sup> Cwale, mizwale ba tumelo ya silaalu, Ha ni mi kashezi taba ye, muzwale wa ka, Na ni alaba fela lipuzo. Ni fa fela mihipupo

ya ka ya niti ka zona. Tepu ye nako yeñwi ika yo ipumana mwa Africa. Ni lumela kuli lu mwa miluti ya kutaha kwa Hae. Luna kaufela lwa lumela cwalo.

Nina ni balikani babande, baha duPlessis ni baha Schoeman, ni bao kaufela, Yeager, ni mizwale yani yeminde mwa—mwa South Africa. Kono kuna ni yomuñwi ya yema kaswanelo mwa bupilo bwa mutu. Mi ka baana kaufela bao—mi Na ba lata hande luli inge mo Ni latela muzwale yomunde yo, ka bunde fela, kono Muzwale Jackson ni musala hae kamita ba bile ba ni yemela mwa bupilo bwaka. Ne ni sa utwisisangi fela; na—na ni yemezi. Cwale, kuna ni Justus duPlessis, mulikani wa fa sifuba, mi oh, buñata bwa bani babande, mizwale yeminde ba ma Afrikaans ni likezeli.

<sup>86</sup> Kihande, kiñi Muzwale Jackson ni musala hae hane ba ni yemezi? Kakuli na li muzumi njí? Batili! Kakuli Ni na ni balikani babañata ba lizumi kwani. Kono kisikamañi sa na yemela? Mi ki kabakalañi? Kambe ne mu ka ziba fela kunutu yeli kwa mulaho a zona kuafela. Kono ha Ni bulelelangi batu likunutu kaufela ze Ni ziba. Kihande, kiñi ha ne kuezahalile ka hola yeswana ya na bulezi Mulena kuli, “Zibisa Sidney Jackson kwa South Africa,” Mulena abulela ku Sidney Jackson kuli ataahe kwanu? La Sunda yona biki ya na kolobelizwe, yena ni musala hae, ka Libizo la Jesu Kreste, ona kwanu mwa nako ya manzibwana. Mwabona, na lukiselizwe kuzwa kwa makalelo. Mwabona?

<sup>87</sup> Cwale, Ni lumela kuli mu—mu—mu piliswa ka kuamuhela Jesu Kreste. Mi kolobezo ya mezi ki ponahazo ya kwande ku bonisa kuli sesiñwi mwahali si ezahalile, kakuli mezi haana mata; ki sisupo fela. Mi Ni lumela kuli mu piliswa ha mu . . .

<sup>88</sup> Cwale, kuna ni batu babañata (mutuhele ni otolola se ku muzwale yo) . . . Kuna ni batu babañata baba . . . bulela kuli ba pilisizwe; buñata ba kolobelizwe ka Libizo la Jesu; babañata ba bulela mwa malimi, mi bana ni mifuta kaufela ya lisupo za Moya o Kenile, kono niteni mane ha ba si ka piliswa. Yeo ki niti. “Babañata ba ka taha ku Na mwa lizazi lani ni kubulela kuli, ‘Mulena, kikuli ha Ni si ka polofita ka Libizo la Hao njí?’ (mukutazi) ‘Kana ha Ni si ka leleka mioya ye maswe ka Libizo la Hao ni kueza misebezi yemiñata yemituna.’” Uka li, “Amuzwe ku Na, mina baezi ba zemaswe; Nali kuba ni mi zibe.” Mwabona? Kacwalo ona lika zani kaufela, kono ki—ki—ki Mulimu; ki mwa mazoho a Hae. Kono ha Ni bona sani . . .

<sup>89</sup> Mu li, “Kihande kanti, kiñi ha u hupula kuli batu ba lukela kukolobezwa sinca?” Kakuli Ni latelela sikuka za kwa simuluho. Halukoni ku latehisa mutomo wani.

<sup>90</sup> Cwale, lungeni muapositola Paulusi fani hana fumani balutiwa babañwi bene bali batu babande. Ni lumela kuli ne ba pilisizwe, mi kanti ne ba si ka kolobezwa kale mwa Libizo la Jesu Kreste, niha ne ba kolobelizwe kale (Likezo 19). Paulusi

wa fita kwa libaka ze lumbile za mwa Efese; ufumana balutiwa babañwi. Mi ali ku bona, “Kikuli mu amuhezi Moya o Kenile nako ye mu lumela?”

Mi ki ha bali ku yena, “Luna ha lu zibi ka za Moya o Kenile, kamba kuna ni Moya o Kenile.”

Mi ali, “Kanti ne mu kolobelizwe ka ifi?”

Mi bali, “Lu kolobelizwe. Joani na lu kolobelize, yena muuna yaswana ya na kolobelize Jesu.” Yani ki kolobezo yende hakalo.

<sup>91</sup> Mutualime muapositola yo ya buhali cwalee. Ki hali, “Kono Joani fela na kolobeza ka kubaka,” isiñi ka swalelo ya libi, kakuli Sitabelo ne si si ka bulaiwa kale, kuli ba kolobezwe ka sona... Mi ba si no utwa cwalo, ba kolobezwa sinca ka Libizo la Jesu Kreste, mi Moya o Kenile wa taha fahalimwa bona.

<sup>92</sup> Cwale, se ne si ezize sikamañi? Ne si bonisize kuli sicaba sani sene si lukiselizwe kwa Bupilo, ka nako yeba bona Niti ya Mañolo, ba kena mwa Niti ni ku amuhela mupuzo wa mulumeli: mi Moya o Kenile wa taha fahalimwa bona, mi ba bulela ka malimi asili, ba polofita, ni kulumba Mulimu. Mwa utwa cwale? Mwabona? Ne ba ezize cwalo kasamulaho wa kuba ni tabo yetuna, kuhuwa, ni kuluma Mulimu.

<sup>93</sup> Mwa Bibebe neba na ni mukutazi wa Baptist kwani; na kolobelizwe ni yena. Kono na kolobelizwe ni yena, mi na li—ya pakilwe ka—ka Bibebe kuli Jesu nali yena Kreste. Mi batu ne ba na ni tabo yetuna, mi ne ba tabile fela ka zona; kono ni cwalo ne ba sina Moya o Kenile! Neba na ni ku kolobezwa sinca hape. Mi Paulusi ubulezi cwana mwa Magalata 1:8, “Haiba Lingeloi lelizwa kwa Lihalimu li to kutaza evangeli isili kufita ye Ni kutilize ku mina, leo libe anatema.” Musike mwa iseza ngana mo li kabela.

<sup>94</sup> Kabakaleo, ka kuziba lika ze... Mwendi ha mu li zibi, mizwale ba ka; kono kuziba lika ze, fohe Ni hapelezwa ni ku tameha ku Mulimu kuli ni lwale mulelo wa mutomo wa makalelo, kakuli hakuna mutu yomuñwi ya kona kutoma mutomo usili kufita o tomilwe kale; bani ki baapositola ni bapolofita. Bapolofita ne ba ubulezi kale, mi baapositola ba u u lwezi; mi lu swanezi kuzwelapili ku ulwala kufitela tuyaho ufela.

<sup>95</sup> Cwale, Na lumela kanti, kuli mutu upiliswa ha lumela ku Mulena Jesu Kreste ka pilu ya hae kaufela, mi kuzwa mwa pilu ya hae, isiñi kuzwelela kwa lizwalo la kwande cwale...

<sup>96</sup> Mwabona, mina—mina mu batu ba libupiwa zepeli, batu babalalu ku alimumu, moyo, mubili, ni moyo. Cwale, Ni lumela kuli maikuto a mina a kwande, ona—ona moyo wa mina kuzwa mwa... isiñi moyo wa mina, kono lizwalo la mina la kwande, maikuto a mina... Ha mu tona, ka manzwi amañwi, mu—mu belelakisa maikuto a ketalizoho: kubona, kulwaza, kuswala, kununkelela, ni kuutwa. Zani ne li filiwe fela ku mina kuli mu

swalisane kwa ndu ya mina mwa lifasi mubu; mi ki—ki ze filwe ku mina kuli muswalane kwa ndu ya mina ya lihalimu. Mane kuna ni maikuto a silezi mwa mubili wa mutu, kakuli ki wa bu silezi mwa Bibebe. Na bupilwe ka lizazi la bu silezi, mi yena ki wa bu silezi—mutu u cwalo. Mi una ni kubona, kulwaza, kuswala, kununkelela, kuutwa, ni tumelo. Tumelo ya hae itoma bukamuso bwa hae, kona ko alibile.

<sup>97</sup> Cwale, tumelo ki kusepa ka kutiya ze libelezwi, ni kukolwa ze sabonwi, kulwaza, kuswala, kununkelela, kamba kuutwa. Kono tumelo, ha swala Linzwi, I mu luma mwa sibaka sesiñwi (mwabona?) sani si I eza kuba ya niti ku yena, kufitela aiswala mwa lizoho la hae. Uziba kuli li ka ezahala.

<sup>98</sup> Cwale, kuna ni nto yeswana fa puzo ye fa ka kolobezo ya mezi. Mwabona? Mulimu na zibile kuli batu ba ne ba ka kolobelizwa ka Libizo la Jesu Kreste. Mi Paulusi, na bulez manzwi akuli hakuna mutu, mane nihaiba Lingeloi kuzwa kwa Lihalimu, ha li swaneli kuluta tuto isili fela kufita kufita sa na lutile; kacwalo he, haiba Ni taha sina mubuleli, kakuba mukutazi, kakuba mupolofita, kamba seo kaufela Ni kaba sona, kamba nihaiba Lingeloi kutaha fafasi, mi a to luta taba yeñwi ye shutana ku seo muapositola yo na ezize, mi ha Ni si ka laela sicaba kuli si kolobelizwe sinca ka Libizo la Jesu Kreste, Ne ni ka fumanwa mwa Bibebe kuba paki ya buhata kwa lika ze Ni ipapata kuli na lumela.

<sup>99</sup> Kacwalo Ni lumela kuli mutomo u yalilwe. Mutu kaufela mwa Bibebe na kolobelizwe ka Libizo la Jesu Kreste. Hakuna neba nako iliñwi fo mutu ufi kaufela ha kile a kolobelizwa ka libizo la Ndate, Mwana, Moya o Kenile. Mwabona? Hakuna neba alimuñwi ya kile a hasakiwa; kaufela bona ne ba cimbekilwe.

<sup>100</sup> Kacwalo Ni lumela kuli ha mu se mu... Kwa puzo ya mina, muzwale yomunde, Ni lumela kuli haiba Mulimu wa ziba pilu ya hao... Kukaba masauzande a baba kolobelizwe ka Libizo la Jesu. Ukena fela mwateni uli muezalibi ya omile ni kuzwa mwateni uli ya kolobile. Mwabona, mwabona? Kono kakuba mulumeli hande, wa niti, kuli mu swanelia kuzamaya mwa tumelo kaufela ni lizwalo lelinde ku Mulimu, ha mu ka libona, mu kolobelizwe! Kono Ni lumela kuli ki ponahazo fela ya kwande kubonisa kuli musebezi wa mwahali wa sishemo u petahalile.

<sup>101</sup> Kuswana fela inge Mulimu mwa na yahezi areka. Ali, “Nuwe, kena mwateni, wena ni lubasi lwa hao ni ba ndu ya hao.” Mi ba kena mwateni. Cwale, Ni lumela kuli kambe ne kusina areka kwani, Mulimu na ka tuhela Nuwe kuli aine fa kota kamba kuzamaya fa mezi. Mwabona? Kono Na pangile areka kuli akene ku yona, mi yani neli nzila ya kueza ka yona; yani neli nzila yana lukisize Mulimu. Ni lumela kuli Mulimu upilisa mutu ka sishemo. Ka Libizo la Jesu Kreste kuya ka ponahazo ya kwande

ki nzila ya lukisize Mulimu ya kukena ka yona, kakuli kaufela bona ne ba kolobelizwe ka nzila yani.

<sup>102</sup> Hani nyazi balikani babañwi, kono sani ki...Na sepa sani kona mo siinezi. Mezi a pilisi mutu, kono abonisa fela kuli u pilisiszwe; ki ponahazo ya kwande. Cwale, sani ha sikone kuba se silukile, muzwale. Haiba ha ki cwalo, kihande, lu ka fita teñi nako yeñwi kamba...Ku lukile.

## 242. Mwa Genese 6:4, kasamulaho wa muunda, mangangalume ne ba zwile kai?

<sup>103</sup> Yani ki yende, yende luli. Yani ki puzo yeutwahala hande. Mangangalume ba ne ba zwile kai? Adama na si ngangalume kuya ka mo lu zibela, kakuli kambe nekuli cwalo, Bibele ne ika bulela cwalo. Yena neli fela mutu sina babañwi kaufela. Ne ba zwile kakai? Cwale—cwale, ye ki kañi yetuna, mi ye ifilwe fela kuna. Iñozwi fa pampili yensu, yetuna, mi ki—kamba yetuna, litaku zensu fa pampili yesweu.

<sup>104</sup> Cwale, mangangalume ba...Na lumela neli alimuñwi...yomuñwi kwanu ha ki kale hahulu...Mwendi neli Josephus. Ha ni—Ha ni buleli kuli cwale, mizwale ya bakutazi, kuli neli Josephus. Kono ku bonahala inge kuli neli yena, kamba Dr. Scofield, yomuñwi wa bona, yana bulezi kuli mangangalume bani bene bali mwa naha neli fela mioya yene wile ya Mulimu yene utwezi taelo ya—ya Satani, sina ha na bulezi mwa...mwanu mwa Lihalimu...Mi neli Mikaele...Yana lika kuzusa ndwa ni Mikaele mwa Lihalimu...ba mulahela kwande...Kuli ona bana ba Mulimu ba hane ba boni bana baba sizana ba batu, ni kuli mangangalume bani nebali mwa naha ka nako yani, kuli ne ba icocomelize mwa mibili ya batu. Haiba mueza cwalo, mu eza Satani kuba mubupi. Hamukoni kueza cwalo.

<sup>105</sup> Kamba mane nihaiiba yena Dr. Smith, kuamana ni Tumelo ya ba Lizazi la Busebene ka sitabelo sa lipuli. Na bulezi kuli puli iliñwi...Ne ba bulayanga lipuli zepeli ka—ka lizazi la sitabelo—lona Lizazi la Kuinyaza, ni puli iliñwi ne ibulaiwa mi yeñwi ne i lukululwanga. Mi cwale a li puli yene bulailwe ne iyemela Jesu, yena mulwali wa libi za luna yana shwile; kono puli yene lukuluzwi ne iyemela diabulosi, yena ya lwezi libi za luna ni kusabela kwahule kuyakuile ni zona. Cwale, mwa bona, kaufela...Kwa muhupulo wa ka...Haiba njii ye ika fita ky muzwale wa Tumelo ya sabata, Ha ni buleli sika kaufela ka yena muuna yomutuna yoo, Dr. Smith. Oh, nali wa ngana, ya butali, yomunde, Mukreste ya lutilwe, wa mulumeli; kono ku na, mwa bona, ha si utwahali kufa ngana. Ha mueza cwalo, mu fa sitabelo ku diabulosi fela. Sibeli sa zona ne ba yemela lifu la Kreste, kupumbekwa, ni kuzuha. Ni yena hape na shwezi libi za luna ni kulwala libi za luna kwahule; sibeli sa zona neli Kreste.

<sup>106</sup> Konakuli mangangalume ne ba si ka taha ka kuicocome fela mwateni. Mangangalume ba neli bana ba Kaine, yoo ndatahe

neli noha, yene bonahala mwa mikwa kaufela inge mutu, kono nali yomutuna, mutangana yomukima, yomutuna kufita mutu. Mi kwani kona ko ne kuzwelela bana bale, kakuli ne bali bana ba Kaine, kakuli ne ku pila Makanana mwa naха ya Kanana, kone ba zwelela; mi kwani kona kwana ile Kaine. Mi sani neli... Mwabona, sani hape si paka peu ya noha. Neli lusika lwa batu baba shutanela kwahule. Zani neli lipeu za noha. Mwabona?

<sup>107</sup> Cwale, yani—yani ki puzo ka za peu ya noha mwatni mo, kacwalo luka—luka fita ku zona, mi Ni bata kuli muhupule ze mwa munahano ya mina. Mwabona? Cwale, ka kufa fela makalelo a taba ye.

<sup>108</sup> Mwabona, ne bali—ne bali Makanana, ona mangangalume ba; mi neli bana ba Kaine, yena yanali mwana noha. Mi noha yo neli ngangalume wa muuna, yomutuna, muuna yomukima inge ndwalume cwalo, isiňi sihahabe batili, yomunde. Nali sibupiwa sesinde hahulu kwa libatana za mwa naheňi. Mi nali yena fela...

<sup>109</sup> Mwabona, ma—ma maata a buuna bwa folofolo hakena ku musali hakoni kupepa ya cwalo ni hanyinyani. Ba likile zateni kukuta kutela; kono halina mununo halikena ku musali. Mi cwale, ba palezwi ku li fumana. Bangile njoko yetuna yesina muhata, kona fela nto yeli fakaufi hahulu ye fumanı, kamba pombwe, kamba zeňwi zani ze li bukaufi ni mutu. Sina Mulimu mwa pupo ya Hae yetuna hana kalile kubupa litapi; mi cwale kona A bupa linyunywani; mi cwale A bupa hape ni zeňwi, lifolofolo, mi za zwelapili inge lipahama cwalo, ku to fita sesiňwi ha si toba pombwe, ni kuba njoko, mi ni kutaha cwalo kwa pombwe, mi ni kufita fa mufuta wa yabizwa sepenti, mi kuzwa ku sepenti yo kwataha mutu.

<sup>110</sup> Mi mutu ulikile kubatisisa, sayansi, ilikile kufumana masapo, a seo folofolo ye neili sona yene sutelela ku mutu. Mi mutu ki folofolo. Yena mutu, kalulo ya nama ki folofolo mwa nama; lwa ziba cwalo. Luna lu lifolofolo, ili lifolofolo ze na ni mali a futumala; lwa ziba cwalo! Kono ki sikamaňi se si panga shutano? Folofolo haina moyo wa mwahali wani, kono mutu u cwalo. Hakuna se i ziba mwahala bunde ni bumaswe.

<sup>111</sup> Nja ya musali ha izibi kuli ilukela kutina ndelesi, mi ha Ni sepi kuli ne ika kona nihaiba kutina kaputula kambe ni luka... iutwisisa. Mane nihaiba kulube haikoni, kono ki mwa lusika lwa batu lo luwile. Mwabona?

<sup>112</sup> Cwale, kwani—kwani kona ko li zwelela. Kwani kona ko ne kuzwelezi mangangalume baa. Ne bali bana ba sepenti.

<sup>113</sup> Mi hamubone, hana boni Eva mwa buino bo, yena... Satani akena ku yena ni ku... Mwabona, Adama na si ka li tonela kale. Ha—Ha ni zibi mwa kuitusiseza manzwi ateni. Kwa kona kuba hande kwanu ku mina kaufela, kono yomuňwi uka li lwanisa. Mwa ziba, ba likanga kunopa seňwi nako kaufela. Kono

mwabona, Adama na si ka ziba kale Eva, musala hae. Na si ka fita kale fa sibaka seo, mi Satani a mutualifela ona fani. Mwabona? Mi cwale ha na ti lo itwala, kona fa na ti lo muzibela. Lu ka fita ku zeo mwa puzo yetatama ye kamba yeñwi ya lipuzo ze. Ha ni zibi kuli ikai yani; luna . . . Ni iboni fela mwahali mo. Cwale, kono kwani kona ko ku zwelezi mangangalume.

**243. Muzwale Branham yomunde, kana bana ba bashimani ni ba basizana kaufela, ba balumeli ba niti baba pepilwe sinca kikuli baka piliswa kamukana?**

<sup>114</sup> Batili, muzwale; batili, kaniti habana kupiliswa. Mwabona, sina Ha—sina Ha ni bulezi ka David duPlessis kuya ka taba yana ize, “Mulimu hana baikulu (mwabona?), ki bana ba bashimani fela ni ba basizana.” Mwabona, bao ba lukela kupepwa ona cwalo sina ndata bona ni maa bona mwa na pepezwi ka Moya. Mwabona? Sani kona se si panga mutu kuba mutu yomunca, kakuli u pepilwe sinca, kupepwa hape. Kupepwa kwa hae kwapili ku mutisa kuli abe mutu wa nama mwa lifasi; kupepwa kwa hae kwa bubeli ku mutisa kuli abe mutu wa moyo wa Lihalimu. Mwabona? Za mu cinca, moyo wa hae, isiñi lizwalo la hae la kwande, sibupeho sa hae sa kwande, maikuto a hae; u sa na ni kuswala, ni kununkelela, kulwaza, ni kuutwa; kono likalulo za hae za mwahali, litakazo za hae, ze mu susumeza, li cincizwe ku Mulimu. Mwabona?

<sup>115</sup> Cwale, muhupule, nzila fela inosi yeo se si kona kuezahala ki cwana: kuswana fela inge mo ne kuinezi mwa nako ya muzamaisi wa mpi Maroma. Paulusi na bulezi Muroma, yena ni Silasi, fani hana bata ku comola mukwale kuli aipulaye, kakuli Mulimu na nyanganyize tolongo ka zikinyeho ya lifasi; ki hali, “Usike wa ikolofaza, kakuli luteni mo kaufela. Nanuha!” Mi na bata kuziba sa na ka eza. Ki hali, “Nanuha mi u kolobezwe, ubize fa . . . fa Libizo la Mulena, mi wena ni ba ndu ya hao mu ka piliswa.” Mwabona? Ka manzwi amañwi, “Ulumele ku Mulena Jesu Kreste, wena ni ndu ya hao mu ka piliswa.”

<sup>116</sup> Cwale, cwani? Haiba ndu ya hao ilumela sina wena mo lumelela. Mwabona? Wa lapela ni kubeya bana ba hao ku Mulimu ni ku kumalela ku Mulimu, ka kulumela kuli ba ka piliswa.

<sup>117</sup> Kona ni sa zo fita mwa kutwisiso yeñwi ni Rebekah wa ka. Mwabona? Kubeya fela ku Mulimu. Ha na ti loba nyana “yomunca,” mi na zamaya ni musizana yomuñwi hane luile kwani lwapili, kuya . . . amatela mwa ndu yeñwi ya musizana yana ituta lituto za lipina . . . Mi musizana yo . . . Na ya kwateni zazi leliñwi, mi fa musizana yo nainzi fa piano inza liza lipina za rock ni roll. Kihande, zani neli zeñata ku na! Kipeto Na mu bulelela kuli a mu tokolomohe. Mwabona? Mi cwale ali, “Kihande, kona fela sibaka sinoni ko Ni kona kuba ni lituto za lipina.” (Mwa ziba mo “babanca” babelanga.)

<sup>118</sup> Mi se Nili . . . Mwana kaufela una ni kufita mwa lika zani. Nitaluse kuli mutu kaufela wa fitanga fa silimo sani. Ne mufitile mwateni; Ni fitile mwateni. Mi luna ni kunahana mihupulo ya bona.

<sup>119</sup> Kacwalo he, mazazi nyana kasamulaho bo mahe ba mu katanyeza inge aeza nto yeñwi, mi ba mu omanya. Cwale, yani ha ki Rebekah ni hanyinyani. Ananuha ni ku nata sikwalo katata, mane kubata kuwisa lika zene inzi kwa limota, aya kwa sikolo.

<sup>120</sup> Cwale, Ne ni hupula kuli ni na, mone ku bonahalela, kuli ni comole fela lukanda lwaka, ni ku mu latelela fande mwa patelo, ni ku mu kutisa ka miupa fa mibili. Mwabona? Kono Na hupula kuli, “Libelela fa muzuzu, Ni lukela kunahana ka minahano ya mutu wa myaha ye eitini ya kupepwa.” Mwabona? “Cwale,” Se nili, “Ima, Na ziba cwalo . . .” Akala ku lila, Meda. Se nili, “Na ziba mu ezize kaufela ze mu lukela kueza; Ni ezize ze Ni lukela kueza kaufela. Cwale, haiba za lu bolomoka mwa mazoho, luna ni kunga muhato o tatama.”

<sup>121</sup> Inge kezeli yomuñwi mwa na ñolezi hande zazi leliñwi (iteni mwahala lipuzo zeñwi ze mo), kuli, “Muzwale Branham, wena ha ki wena Mesia, na ki wena?”

Se nili, “Batili, ima.”

Yena ali, “Luna lu lumela ki wena mulisana wa luna, kono wena kamita u lu supezanga ku Mulisana Yomutuna.”

Se nili, “Seo si lukile; seo si lukile.” Mwabona?

<sup>122</sup> Se nili, “Kihande talima, Mulatiwa, cwale, u ni teelete. Ku tata ku wena kueza cwalo; Na ni muuna hao. Kono batu babanwi bazamaya ka limota kutula linaha ni kwa maneku kaufela kutela fela manzwi nyana a kelezo. Cwale, haiba u . . . Ne ni ambola ni yena maloba nyana, mi aikela fela ku ni siya.”

<sup>123</sup> Cwale, Becky na si ka eza sani ku na. Mwabona? Mi cwale bomache ha ne ba bulezi nto yeñwi ka zona, a nata sikwalo ni kubulela kuli, “Mu bata kuli niine fa inge palisa ya fa limota mwa bupilo bwaka kaufela?” Kipeto mpaa! A kwala sikwalo ni kuzwela fande. Yani neli diabulosi.

<sup>124</sup> Na hupula, myaha yemibeli yapili mwa bupilo bwa hae na lilo. Ne luilo kena mo ku lekiswa lico mi lwa ca; Ne ni mu sindeketanga mwa nzila Meda hasweli ku ca, mi kipeto wa mu sinfeketa nina ha Ni ca. Ne li fela wa kulilelala fa ni fa. Mi zazi leliñwi mwa Canada, na lilile busihu kaufela, mi ne Ni sa koni kupumula ni lika kaufela; nali kuyema fela cwalo . . . Cwale. Mi Sesiñwi sali ku na, “Ki diabulosi yakena mwa bulumiwa bwa hao.”

<sup>125</sup> Se nili, “Ni tambeke mbututu yo.” Se nili, “Satani, ka Libizo la Jesu Kreste, zusa bizoho bya hao ku yena.” Akuza ona fani mi na si ka lila hape. Ki mwana ya lukile ya kuzize ku be Ni nani.

Kuzwa ka yona hola yani ku felile. Muna ni kuba cwalo . . . Muna ni kuba ni zeo ku mina niteni, mu si ka eza kale zeñwi!

Mi cwale ha na . . . mi cwale ha na . . . kalile cwalo. Mi Na nga Meda mwendi hola iliñwi cwalo. Se nili, “Meda, zusa mazoho aha kwateni.”

“Na? Yo ki mwana ka!”

<sup>126</sup> Se nili, “Kana ha ki waka ni na?” Ku lukile. Se nili, “Ha na ka shwa kakusasana cwana, no ka mu beya ku Mulimu kwa bukamuso bwa hae bwa kuyakuile. Kiñi ha lu sa mu beyi ku Mulimu cwale ka musipili wa hae wa fa lifasi?”

Mi ki hali, “Kihande, yo ki mwana ka!”

Se nili, “Ki wa ka ni na.”

Se nili, “Cwale, zusa fela cwale ma . . .”

“Na ni si ke na bulela sika ku yena?”

<sup>127</sup> Se nili, “Ha ni si kabulela cwalo. Lu ka tuhela ku mu omanyanga, ki ku mu elezanga fela. Utokwa mulikani, mi ki wena ya lukela kuba mulikana hae, wena ni Na. Lu bas hemi ba hae.”

<sup>128</sup> Bana ba kacenu batokwa mulikani. Kambe neba na ni me ni ndate bene ba ka ina fa lapa ni kuba babalela, kufita kuli ba fumanehe mwa manwelo a bucwala inge bamata mata kwa ni kwa ni zeñwi cwalo, ne kusike—ne kusike kwaba buitamaeli bwa mutakafululele bwa banana. Mwabona?

<sup>129</sup> Ba zwile mwa Bibele; kaufela bona ne ba yanga kwa keleke ku yo bapala lipapali za bunco ni lika zeñwi cwalo mi . . . Mwabona? Mu lika ku wabiswa lika inge sibaka sa Satani kwande sani sa Hollywood. Ha mulukeli kutisa Hollywood mwa keleke, mulukela kuli . . . Ni talusa kutisa keleke mwa Hollywood, mu kona kutisa Hollywood mwa libaka za mina. Mwabona? Isiñi kuya mwa libaka za bona, ha ba tahe kwanu. Luna ni sika se ba sa zibi sesiñwi ka sona.

<sup>130</sup> Kacwalo lwa ya wa ka mañwele a luna ni ku libeya ku Mulimu. Se nili, “Ni ziba kuli una ni myaha ye eitini ya ku pepwa, ikaba mwa mazazi a likani, mi uka . . . mi musizana wa siyemo sani uka nahana za balikani ba bashimani, mi lu mu bulukile mwahali.” Se nili, “Ne—Ne ni sa tabeli ku mubona ha nyalwa. Ni bata ku muboya mwa ofisi mo, aeze musebezi. Ni bata ku mu bona inza tezi Moya mi—mi—mi apile ona cwalo.”

Mi yena . . . Kihande, luna kaufela ne lu bata ona cwalo. Mi ali, “Kihande, ha lukoni kueza cwalo.” Ali, “Yo kwateni hana ku li utwa zeo.”

<sup>131</sup> Se nili, “Libelela fa muzuzu! Lu mu hulisize mo lukonela kaufela, cwale lu mu beya mwa mazoho a Mulimu, lwa mu neela.” Mi se Nili, “Mi cwale ha eza kaufela lu bulele kuli, ‘Becky, mulatiwa, bo maho habalti kuli uezange cwalo, kono Ni mu

likana hao; Ni ka ku ina kватуко.' Mwabona? Ha zibe kuli mwa mu lata. Uka ipumanela ya ka mu lata, mi ikona kuba musali ya maswe." Mwabona? Se nili, "Wena ube musali ya ka mulata." Se nili, "Mulatiwa, seo ni utwahala kuba buhali, kono batu batahangwa kwa kai ni kai, ni kuina bakeñisa lipuzo za bona fela, ni lika zeñwi." Se nili, "Na ni zibahala hahulu; luna lwa zibahala hahulu ku mañi ni mañi, kakuli lu muuna ni musala hae, kono ha lu tuhelelangi sani ku ezahala. Mu swanelia kuhupula, le ki Libizo la Mulena!"

Kacwalo yena ali, "Ku lukile."

Lwa kubama ni ku li beya ku Mulimu. Kuli lu ka zusa kwateni mazoho a luna.

Musihali wani ataha; mi ali, "Kihande, Ni sepa mu sa bulela kuli Ni sike na yanga kwani!"

<sup>132</sup> Meda ali, "Batili, Hani si ka bulela sika ka zona." Ali, "Wa ziba, Boma ha ba lati kuli uezange cwalo; mi sani ne si batile kubulaya bo ndatahohane ba utwile kuli no ile kwani ku yo liza lipina zemaswe zani, kamba neli sikamañi kaufela, ka zani musizana." Ali, "Cwale, ne ba sa lati kuli ueze sani, mi ha lu lati kuli ueze sani, Becky, kono lu li beile fela ku Mulena. Ni bata uzibe kuli lwa ku lata. Kaufela so eza, lu sa ku lata."

Mi kalumuka, ali, "Na ya nihakuba cwalo!"

Ali, "Ku lukile, Mulatiwa." Mi aya cwalo. Ali, "Ku lukile, Ni kabe ni lukisize mulalelo ha u ka yo kuta." Na si ka ya! Batili, ha si ka ka kuzwa ona foo. Mwabona?

<sup>133</sup> Ha ki kale hahulu kasamulaho wa fani akataba George; George ki Mukreste. Sani—sani sa feza lika ona fani.

<sup>134</sup> Na lika kubulelela Boma. Wood ka zona zazi leliñwi. Mi ali, "Oh, Ni bile ya lyangani hahulu." Ali, "Bo ndate ni Boma ne ni beyhanga ku Mulena." Ali, "Ki bumaswe luli." Kono sani—sani ne li se si maswe kuna; mi halu lati kuba baba maswe hahuly kufitelela foo. Mwabona? Bumaswe ki ku butuhela fela ona cwalo. Ku lukile.

**244. Muzwale Branham, ki sikamañi so nahana ka . . . (Oh, oh!**  
 Na hupula ne ni i balile ye. Ne ni si ka . . . Ne ni ka iswala kasamulaho mwendi busihu, kono Ni bona kuli Ni ibale fela hape. Ki muñolo wa musali. Yo uswanelia kuba yazwa kwa Kentucky, kakuli kuna ni—ni tikiti ya Kosmos Portland Cement fa.) **Muzwale Branham, ki sikamañi so nahana ka lizekeli za luna mwa keleke ha ba tinanga mandelesi amakuswani cwalo? Kikuli ha si swabisi bupaki bwa luna ni kubonisa mutala o maswe ku babanca mwa keleke ya luna ye? Ku bonahala hahulu kuli m-w-a- . . . kubona mutu wa sanana . . . ku bona musali muhulu yatinna ndelesi ye kuswani kuli mane ibonisa ni mañwele ha zamaya.**

<sup>135</sup> Kamba ki wena mañi kaufela, Kezeli kamba Muzwale, yo kaufela ali yena, Na lumelelana ni wena ka kutala luli. Ki maswabisa, kono mu ni bulelele sa kueza ka sona! Na kutazanga katata luli mo Ni zibela ku likutaza; ba kutela kueza zeswana. Konakuli ki katulo ya bona, kakuli Linzwi li bulezwi liile. Eeni, Na lwanisa katata luli ona mitinelo ye kama yani tundelesi to tu bonahala inge... Na kamita na kalimelanga banake, Becky ni Sarah. Hanina taba kamba ki babanyinyani cwani, Ni... sani... Na ba kalimelanga nako ni nako. Ni sepa kuli batinanga mandelesi abona... Meda wa bizezanga Becky kwatuko zazi ni zazi ka zona. Mwabona? Mandelesi a nanuhezi mwahalimu... Kakuli banana, mwakona kubona sani mwa banana, mi mu na ni kuba sikulula; kono cwale ha si taha ku musali, kuna ni se si fosahalile foo. Mwabona?

<sup>136</sup> Musike mwa halifa mwa maikuto cwale, Ni alaba fela lipuzo. Mu ni buzize kuzwa mwa pilu ya mina; Na mi bulelela kuzwa mwa pilu ya ka. Haiba mufumana tuso, Na—shangwe mutahe mu to ni bulelela, Ni ka eza cwalo luli, haiba Ni kona kueza sika ka zona.

<sup>137</sup> Sina yomuñwi hana bulezi zazi leliñwi, naize kuli, “Kihande, Na ku bulelela, Muzwale Branham,” ali, “Na ku bulelela kuli Adama ni Eva...” Ali, “Ne li fela patalaza; ne ba cile apule!” Kono Ni lemuhile kuli ba cincize sani cwale; ba bulezi kuli neli sikamañi? Ni lumela kuli ne si bizwa nto *isili*? [Muuna mwahala kopano wa alaba kuli, “Aprikoti.”—Mu.] Aprikoti, ehe, neli yona aprikoti yeo ye ne ba cile. Kihande, kanti seli nako ya kuleka ma aprikoti ao hape haiba na ba lemusize kuli ba mapunu. Mwabona?

**245. Muzwale Branham, Ni amuhezi Liñusa la Mulimu la kacenu, mi hamoho cwalo ni mwana luna wa mucaha. Mi sibeli sa luna lu kolobelizwe ka Libizo la Mulena Jesu Kreste. Bo muuna ka—muuna ka ha ba si ka amuhela kale Liñusa mi ba sa lwanisa Liñusa le. Mi ba hapelelize mucaha wa luna kuli a ba isange kwa keleke ya Methodist. Ba bata kuli luye ni bona kwa keleke ha lu ka zwa mwa sebelezo mo mwa tabernakele. Kana ki hande kuli ni ye ni bona kamba kukaba hande ku zwa kwa kopano yaale?**

<sup>138</sup> Kihande cwale, Kezeli yomunde... Yena ha si ka ñola libizo fateni, kono mwendi usweli wa teezeza kwa puzo ya hao; haiba nji ha uteelezi, uka i utwela fa tepu. Uzamaye ni muuna hao, kono usike wa lwala siemba sa—sa ze ba ezanga. Mwabona, ulukela kulata bo muuna hao, mi lilato kona le li peta lika. Ube fela lizwai lelinde; uka ba ni linyolwa haiba kuna ni sesiñwi ku yena.

<sup>139</sup> Usike wa ikopanya kwa kopano ya bona. Na ize, “Usabe kwa kopano yani.” Usike wa ikopanya ku yona; kuya kwateni. Haiba haukonni kuba ni sinkwa kaufela, uñwate kwateni licika; hausa

ngi licika, unge fela kaemba. Mwabona, mwabona? Kono yani kona nzila yo ka winela mwateni bo muuna hao, ka kueza ona cwalo. Usike wa ba ya tokwile zibo, kona kuli ba ka ziba kuli bana ni zeñata sina wena zona ni. Mwabona? Kono cwale ha u ka bonisa sika so nani se ba sina, sani si ka eza kuli babe ni linyolwa la kuba sina wena. Musali ya kenile ukenisa muuna hae.

<sup>140</sup> Yeo neli fela kelezo. Kacwalo Na—Na kona ku sinyeza fateni nako yetelele, kono fela lubata kufenza kapili zeñata ka mo lu konela, kakuli Ni bona kuli Ni nani fela mwendi mizuzu ye twenti tu cwalo. Ku lukile.

**246. Muzwale Branham, Ni lumela Liñusa lo kutazanga ka pilu ya ka kaufela. Li tabisa moyo wa ka; kono fela, musala ka ni mwana wa mucaha ha ba tabeli Linzwi. Ha ba lakazi ku kauhana kwa mikwa yemiñwi ya bona ya lifasi. No bulezzi kuli lu swanelu kulwanela—kulwanela mabasi a luna. Ni fumana taba ye kuba tata ku i eza, kubonahala kuli ha ba pili ka Linzwi kamba mwa Linzwi. Mayemo aka ki afi, sha? Kana ni ba lwanele ni kulumela, kamba na Ni lapele kuli, “Ndate, ku ezwe tato ya Hao,” mi ni itumele ka buino bo Ni ipumana ku bona? Ni ka itumela kwa sikuka sa kelezo ya hao, Muzwale Branham.**

<sup>141</sup> Mulimu aku fuyole, Muzwale wa ka kamba Kezeli, yo kaufela ali yena. Ni—Ni ka li beya fela ku Mulena. Ni... Mwabona, kakuli, “Ba Ni file Ndate kaufela ba ka taha ku Na.” Mwabona? Cwale, taba fela ku mina sicaba ye mu lukela kueza...

<sup>142</sup> Ne si ezize pilu yaka ku luluha ka tabo zazi leliñwi hane ni sweli kuzamaya kafa ni kafa inge ni bona baana ba mwa motela. Mi... Na ya ku Bo. Becker. Mi bali, “Billy, wa ziba kana? Ni fepanga puteho ya hao Sunda ifi ni ifi kaufela,” kanti ba Blue Boar bafepanga ba bañata kulikana ni myanda yemilalu la Sunda ifi ni ifi! Mwabona? Mi se Ni zwela fande mi mutangana yo kwanu, yena mutangana yo kwanu kwa—kwa Ranch House, ki muuna yomunde luli. Ne ni kopani ni yena. Mi ali...

Se nili, “Kihande, yani neli nto yende luli.” Se nili, “Na itumela ha ubulukile lika zani kwahule cwalo—kaufela zani za kuzwelapili cwalo kafoo.”

Mi ali, “Eeni, sha, Muzwale Branham.”

Se nili, “Na ka ni ziba cwani?” Mwabona? Se nili, “Kana u ni ziba cwani?”

Mi ali, “Na ku ziba,” Ali, “Ni fepanga kopanao ya hao kwanu la Sunda lifi ni lifi kaufela ka... Kihande,” mi ali, “mi Ni bata ku kubulelala taba yeñwi: ki batu babande. Ki batu babande!”

<sup>143</sup> Cwale mwabona, sani ne si ni utwisize hande. Mina mu bana ba ka. Mwabona? Ha Ni utwa bana baka haba eza lika hande ni kuba babande, sani si eza kuli Bondate ba ikutwe hande luli. Mwabona? Konakuli mwa utwisisa.

<sup>144</sup> Cwale, cwale, Boma, hani . . . Kezela ka, haiba nji bo muuna hao babata kuli uyange kwa keleke ya Methodist, uzwelepili cwalo. Ha ukoni kuba ni sinkwa kakutala, kono haiba ba bulela kuli Jesu Kreste ki Mwana Mulimu, u lumele seo, kakuli ni luna lwa lumela cwalo. Cwale, haiba nji ba keluha kuliba kusili ka kufilikana ni zeñwi, wena—wena ubatuhele fela ba zwelepili cwalo, kono ucange fela kwa sinkwa sani. Mwabona? Mi ku sani, ubonise fela ka munati wa bupilo bwa hao ni likute la hao ku babañwi . . . Mi haiba hamuna zeo, Kezeli yomunde, ulapele kufitela litaha ku wena, kuli usike wa beya sika sa kucombeka fela fahalimu, kakuli ha mueza cwalo, ha ki za niti. Muuna hao wa kona kubulela cwalo. Kono wena, wena ha u so lapezi luli kufita fa sibaka sa kuli bupilo bwa hao bu lungilwe lizwai la Mupulusi, si ka panga tamahano. “Haiba Ni nanuha, Ni ka bizeza batu kaufela ku Na.” Ni ka ya; ube ya tokomela luli. Usike wa ikopanya kwa keleke ya bona kono! Shangwe usike wa eza cwalo; usike wa ikopanya kwa keleke ya bona, kono uzwele pili cwalo!

**247. Muzwale Branham, ki ye puzo ye bile kakwaci nyana kwa buñata bwa luna mo.** Alimuñwi—fa—fa (muni swalele) fa matepu amañwi ubulela fela kuli ki Majuda baba ka piliswa kasamulaho wa Munyaliwa ha sa ngilwe. (Mi kuna ni mulaini fahali.) Shangwe utatulule ka kutala ka Bamacaba baba si ke kuya mwa kuungelwa. Ni hupula kuli no bulezi kuli Bamacaba baba ka siala ba ka ya mwa nyandiso ya balumeli ni kufa bupilo bwa bona kuba bupaki bwa Jesu. Ha Sa kutile kuzwa ku Bamacaba kuya kwa Majuda . . . fani Ha kuta kuzwa ku Bamacaba kuya kwa Majuda, fohe kipeto hakusana kuba nako ni yekana kuli Bamacaba ba piliswe, kwanda Bamacaba fela baba se ba pilisizwe, kono haili baba si ka amuhela Niti ya bona ya lizazi la mafelelezo bao bakaya mwa nako ya nyandiso ya balumeli mi kipeto ba piliswe kwa mafelelezo. Kana ku cwalo nji? Shangwe tatulula, kakuli u bulezi kuli kukaba fela nombolo yelikani ya baba kaya mwa kuungelwa. Kucwañi he ka batu bene ba lumezi ku Mulena—baba lumela ku Mulena cwale mi ka mukwa wa . . . mi ha ba lumeli ka mukwa o u kutaza Liñusa la lizazi la maungulo le? Kikuli ba ka piliswa? Mi kipeto kezeli uñola libizo la hae.

<sup>145</sup> Cwale, ki puzo yende luli. Cwale, ka kukala, kulyangana ki kwa, ki se Ni bulezi ka mazazi a Bamacaba ha sa felile kona nyandiso . . . mwa nyandiso ya balumeli. Cwale, ha Ni boni Bamacaba mwa Bibebe . . . Munyaliwa wa Bamacaba, Munyaliwa, isiñi keleke ya Bamacaba cwale, keleke ya Bamacaba ika fita mwa nako ya nyandiso ya balumeli (mwabona?), kono isiñi ka . . . Mwabona, Munyaliwa ki ya Ketilwe; Hakuna za ka fita ku zona konji kuungelwa. Ba ka

cinciwa fela mi kipeto ba ngiwa kuzwa mwa lifasi. Mwabona? Cwale, Ni ka toloka seo mwa puzo ye tatama fa, kukalela ka Luther kukambama cwalo, mi kipeto mu ka bona seo sitalusa; ki kuhula kwa Mubili. Mwabona?

<sup>146</sup> Cwale mulemuhe. Cwale, Majuda baba siyezi ki bona baba ka kutazwa ka bapolofita bababeli, bo Elia ni Mushe.

<sup>147</sup> Cwale, ye ki mihipulo ya ka fela, mizwale ba bakutazi, ka nzila ya ka ye Ni ikutwa kuetelawa ka Moya o Kenile mo patululela kuna.

<sup>148</sup> Cwale, nto ya bubeli ye ka ezahala ki Majuda, kamba Munyaliwa wa Bamacaba ya ketilwe kuli angelwe hamoho cwalo ni Munyaliwa wa Bamacaba ya ketilwe kuzwa koo mwahala masika, a ngelwe fa Pila pata ya Kreste mwa mahalimu. Bafu ba zuha; haili baba pila mi ba siyala cwalo ba ka cinciwa; mi ba ngelwa hamoho mwa mbyumbyulu kuli ba kopane ni Mulena. Mi, kakuli . . .

<sup>149</sup> Kasamulaho wa mukiti wa Sinawenga mwa Kenya, Jesu—kasamulaho ba ma no ngelwa mwa mbyumbyulu, Jesu ukutela mwa lifasi mi u to itibahaza Iliyena kwa sicaba sa Hae, inge mwa na itibahaliselize Josefa kwa mizwale ba habo. Ni musala hae, hakuna wa Bamacaba yana liteni, nekusina mutu kwanda Josefa a nosi, fani hana itibahaza Iliyena kwa mizwale ba habo. Kaufela mwa utwisia seo cwale?

<sup>150</sup> Na lumile . . . Mane nihaiba musala hae nali mwa muleneñi, mufuta wa Munyaliwa mwa ka bela mwa Kenya ka nako yani. Mi kona fo Jesu ha ka to itibahaza Iliyena kwa Majuda (mwabona?) kasamulaho wa mukiti wa Sinawenga, myaha ye milalu ni hafu, ni—ni—ni butata bwa Jakobo, ona myaha ye milalu yani ni hafu, mafelelezo a sunda ya bu sebentini ya Daniele. Mesia uka bulaiwa mwahali hali mwani . . . Mi Na polofitile myaha yemilalu ni hafu mi ki ha bulaiwa. Mi kuna ni myaha yemilalu ni hafu ye sialezi bapolofita ba bona, Mushe ni Elia, mi cwale kwa mafelelezo a mazazi a sebente a bona ka mo kutomezwi sicaba, sina Daniele ha na bulezi; mi cwale kwa mafelelezo a mazazi a sebente ani, Jesu uka itibahaza Iliyena ku bona. Ki yena Mwana mulena yani ya lukela kutaha kwa Majuda. Mwabona?

<sup>151</sup> Cwale, mi cwale ka nako yani . . . Mwabona, Munyaliwa wa Bamacaba ukaba mwa Lihalimu, mi mwalyanjo ya sa lobezi, yena mwalyanjo wa Bamacaba, hana kupiliswa ka nako yani; yena u sa pilisizwe kale, kono u hanilwe ku Munyaliwa. Mi yena ukaya fela mwa nako ya nyandiso ya balumeli bakeñisa nako ya kukeniswa, kakuli u hanile Kreste, yena Linzwi, kwa kuneniswa kwa hae. Mi ulukela kunyandela likezo za hae, kono haili Munyaliwa ya sa fetuhile Linzwi, swalelo ka kutala ne iezizwe ka Kreste, kakuli Yena ki Linzwi. Mubili wani no pazuzwi fahali, mi cwale mubili wani ha no pazuzwi fahali, Munyaliwa naliteni

mwa mubili wani, kakuli Kona Linzwi kaufela ka kutala! Amen!  
Mwa li bona?

<sup>152</sup> Mi cwale Jesu hana nyandile mwa mubili wani, Na nyandile... Kakuli muuna ni musali ki mutu alimuñwi. Eva na zusizwe ku Adama, mi ni Keleke... Kisikamañi sene si ezahalile? Mulimu na kwaluzi neku la makupo a—a Adama ni kuzusa teñi mutusi, yena munyaliwa. Mi Mulimu na kwaluzi neku la makupo a Jesu fa Kalvari ni kuzusa mwateni Munyaliwa. Mwabona? Mi cwale Jesu hana shwile fa Kalvari... Muhupule, Munyaliwa na si ka ngiwa kuzwa mwa mubili konji pili mubili hano shwile. Na sa shwile kale, mi ne ba ka to loba mautu a Hae. Mi mupolofita na bulezi kuli, "Hakuna kuba nihaiba lisapo *lililiñwi* le li ka lobiwa." Konakuli ne se ba comozi kale sando kuli ba to loba liutu, mi muuna yomuñwi aya ni muwayo mi a u titimeza fa pilu ya Hae; mi mezi ni Mali za zwa; Na sa shwile kale. Munyaliwa na sa liuluzwi kale mwa mubili ka lifu la Hae, konakuli hakusana kunyanda hape mwa nako ya nyandiso ya balumeli ku Munyaliwa. Mwabona? Yena uka yo kena. Kono haili keleke ya Bamacaba ye lumela fela ku Yena kono ikungela lituto za litumelo za kopano ni zeñwi cwalo, kono niteñi... .

<sup>153</sup> Sina mutu yo ya shebile mwa na bulelezi: "Bo muuna ka ni mwana wa mucaha, ba sa tabela lika za lifasi ni lika zeñwi cwalo..." Mwabona, ha ba si ka amuhela kale kuliululwa kwani, kakuli ha mu ka eza cwalo, za mi kenisa ona fo kusina likañi. "Ya pepilwe ki Mulimu ha ezi sibi." Hakuna takazo, hakuna zeli ku yena za lika za lifasi.

<sup>154</sup> Jesu na bulezi kuli, "Ya lata lifasi (*Kosmos cwale*), kamba lika za lifasi, lilato la Mulimu haliyo mane ku yena." Ha yo mwa lilato ni Munyali. Mwabona? Kacwalo, una ni kulifa mulatu wani, mi isiñi... Ha piliswa ka nako yani; upiliswa cwale kuzwa kwa lifu la kuya kuile; kono ukaba ni kufita mwa nako ya nyandiso ya balumeli kuli a keniswe. Mwabona se Ni talusa? Cwale, cwale, foo, Ni lumela kuli seo si alabile puzo yani.

<sup>155</sup> Halu boneni, kuna ni sesiñwi fa.

**Shangwe tatulula, kakuli ubulezi kuli kukaba fela nombolo  
kamba basikai baba kaya mwa kuungelwa.**

Bao ki bani baba mwa lifasi baba ka cinciwa. Jesu naize, "Munyako wa kumbana mi nzila ki yesisan, mi ki ba banyinyani baba ka ifumana."

**Kucwani he kwa batu baba lumela ku Mulena cwale kono  
haba... mi isiñi ka mo kutaleza** (Ha ba lukeli kulumela se. Haba lukeli kulumela mo Ni kutaleza. Mwabona? Haba lukeli kulumela cwalo.) ...**kwa Liñusa la lizazi la  
maungulo. Kikuli ba ka piliswa?**

<sup>156</sup> Eeni, haiba nji ba lumela ku Mulena. Mwabona? Mi haiba bao—haiba bao haba lumeli kono bali, "Na hani lumeli kuli ki Yena Linzwi. Ha ni lumeli kuli ze li lukile. Ha ni lumeli mwa

kolobezo ya Moya o Kenile,” sani si bonisa ko ba libile, kwa nako ya nyandiso. Kono haili baba kona kuamuhela Linzwi mwa mutalelela wa Lona, isiñi kuli ni Li kutaze, kakuli Ki Bibele ye bulela cwalo. Bao baba li amuhela ba lukuluhile, kakuli bona . . . Linzwi li se li atuzwi kale.

<sup>157</sup> Cwale, kana Muatuli ya lukile uka atula mutu habeli ka sika kaufela haiba mulatu so lifilwe kale? Hane Ni kaba mwa sintolo se sifa mali ka kubulukisa sibyana mwateni, mi mina mutaha ni kuto bulela kuli, “Ni ka mu liulula”; mi mwa be mwa kena ni ku ni lifela tifo ya ka (mi wani kona mulatu wa ka fa kuba mwa sintolo se sifa mali ka likoloti seo), kono mina mu to ni lifela tukuluho ya ka, fo cwale mukolotisi mwa sintolo seo uka ni yema cwani hape? Konji haiba Ni lekisize sibyana sani hape. Ki fo he cwale. Ha Ni hana Mutalelela wa Linzwi, mi Ni ya hape mwa sintolo se si kolotisa mali ka kuswalela mwateni sibyana hape. Mwabona, mwabona? Fohe kipeto ni lwanele nzila yaka mwa kuzwela, haiba Ni kona. Kono Na ni lukuluzi. Ku lukile. Ni sepa kuli sani . . . Ni—na ni fela zeñata fa Ni bata kunga ze kuli . . . [Mafelelezo a neku lapili la tepu. Neku la bubeli likala ka siemba sa puzo—Mu.]

**248. . . wo ki Muohelo wa Bulalu mi u bulela Linzwi.**  
**Ku bonahala bunolo kuli ubulele linzwi mane mutu a kutisezwé ka kutala ni ka kupetahala, kubewa hande mwa buitukiso bwa kuungelwa mwa zuho, yena Mwana mutu. Taba ye i cwalo, ni cwani? Mi uka eza cwalo uhapelelizwe, nji cwani? “Musabe kwa lika ze kaufela (kuna ni swayo yepaka zeswana fateni)—musabe kwa lika ze kamukana mi muyeme fa pila Mwana mutu”?** (Luka 21:36)

<sup>158</sup> Cwale, mu—mu mulikana ka yomunde. Mwabona? Cwale, Ni sepa kuli fa u—u—u na—u na ni taba yende. Eeni, sha! Eeni, sha! Cwale, sani ne si ka ba cwalo. Mu bulezi kuli, “Muzwale Branham . . .” Ka manzwi amañwi, ki se fa se Ni . . . Hani sepi kuli ki . . . Na kona . . . Na lumela Ni . . . Kusina kuwabiswa so bulezi, kono Ni lumela kuli Na kona ku si utwahalisa hande kwa sicaba. Mwabona? Mwa lumela, kakuli ka Manzwi a Bulezwi ni lika ze cwalo za Na bulezi ka zona. Mi mina mo kaufela mu lipaki za tumale ni lika zeñwi ze ezahalile. Kono kana mu lemuhile, zani ne li filwe ka Bupahamo bwa bumulimu! Ne ni si ka Mu kupa, “Mulena, tuhela kuli nieze cwana, kubulela lika ze ka mukwa o cwalo, kueza lika ze fa.” Ne ni si ka Mu kupa sani. Yena ka tato ya Hae ya Bumulimu ataha ku na mi ali, “Zamaya u yo eza sa kuli.” Mwabona? Ne ni sa kupi sesiñwi ka zona. Mushe na si ka kuli aye kwa Egepita, kono neli Mulimu yana mu lumile kwani kwa Egepita. Mwabona?

<sup>159</sup> Cwale, Ni lumela kuli Moya o Kenile no ka taha ku na ni kuto bulela mwa pono, “Zamaya u yo bulela mutu wa *kuli-ni-kuli* kuli ha yo mwa—u lika ku koma taba ya *kuli*, mi ha koni kueza. (Mi wa zuba; wa nwa; wa puma, wa uzwa, kamba ueza boozwa,

seo kaufela sili sona; kamba una ni moya wa litakazo.) Mi kipeto mu ya fela teñi kwani ko kuli mutu yo mi muli, ‘Wena moya, zwa mo; Ni lukulula muzike yo.’’ Kana li ka ezahala nji? Luli! Eeni, luli, sani luli si ka ezahala; li ka ezahala. Kono cwale, kuya ka kunuha kwa ka . . . Cwale, *kunuha* ki . . . kutalusa “kukena mwa lika kusina mata.” Mwabona? Ni ya ku yo tusa mutu yo; Ni nuha fela kuli ku kaba hande. Mwabona? Konakuli ha Ni zibi; Na kona ku biza Libizo la Mulena ku bona; Na kona kuba lapelela, kueza lika kaufela ze Ni bata.

<sup>160</sup> Kambe Ni na ni nzila yaka kakusasana wo . . . Ni—Ni ba fela ni lipuzo ni kezeli nyana yo yainzi fa mwa sipula sa mawili. Kuli atahe kwa mukopano wo kacenu, neba na ni katengo ka ba mililo kuli ba mu zusize fande mwa Chicago; mi sicaba si pila mwabuse bwa mukwakwa mi ha si tahi kwa mukopano. Mwabona?

<sup>161</sup> Ne Ni ka ez sikamañi? Kambe ne li mwa mata aka . . . Li mwa . . . Ni na ni bundume bwa kueza cwalo, kono Ni na ni kulibelela litaelo kuli ni eze cwalo. Mwabona? Ni na ni bundume kuzwa ku Mulimu kuli ni eze cwalo; kono cwale, haiba ki Yena ya fa litaelo, na ka ya kwandu inge a iketile. Mwabona? Ni ziba kuli yeo ki niti. Mwabona? Ne ni ka itakaleza fela kushwa kakusasana cwana ka sani sina ha Ne—Ni kaba mwa sika kaufela. Mwabona? Yani kona niti.

<sup>162</sup> Kono pili, mwa bona, kona zeo kaufela . . . Hakuna mutu, neba yena Jesu Kasibili na ize, “Mwana hakuna sa kona kuikezeza ka yena Anosi, konji Sa bona Ndate inge aeza, ni yena Mwana ki sa ka eza.” Lwa ziba cwalo. Muñoli Joani 5:19. Ku lukile. “Mwana hakuna sa ikezezanga ka yena Anosi, konji Sa bona Ndate inge aeza, ni yena Mwana ki sa ka eza.” Ku lukile.

#### **249. Kana pono yo no bile ni yona myaha ya kwa mulaho ka za makazo yetuna bukaufi ni Corydon, Indiana, ikile ya ezahala nji?**

<sup>163</sup> Ne ni talimile mwa buka ya ka hane Ni boni se mi se ni beya puzo fateni. Cwale, ne ku lukela kuba nako yene Ni ka . . . hane ni ka talima likota zani za kedare . . . Mu sa kala fela kushetumuka lilundu kwani, kwa neku leliñwi, ku ya kutalima neku la Corydon, hamusa fa halimu a lilundu la New Albany, Ne ni lukela kutalimela likota zani za kedare ka za kozi tuna yene Ni kaba ku yona. Mi ka sishemo sa Mulimu, Na i baleha foo musizana nyana, yana nwa botela ya bucwala, ha na bulailwe; mumizo wa hae no pumilwe ona fani ka botela yana beile mwa mulomo wa hae, musizana wa myaha ye lishumi ka ye silezi ya kupepwa, mi Ne ni kaba kwani ka yona nako yani. Mwabona? Cwale, sani si kona kuba so no ambola fateni. Ni si balile.

<sup>164</sup> Mi cwale hape, hane Ni na ni mukopano wo ku Muzwale Beanblossom . . . Na sepa neli ona kwani. Mwendi neli ku Georgie Carter. Mwabona? Yani neli yeñwi ye ne ezahalile kwani. Mi cwale kuna ni zene kamba ketalizoho kwani . . . Ne ku sina sene

ni boni konji zetilo ezahala. Haiba—haiba nji mutu yana ñozi se na ka ñola fela hape ni ku ni bulelela sene Ni bulezi ka nako yeo, kona kuli Ni ka si batisisa. Mwabona? Kambe no ka ni bulelela fela sene Ni bulezi, yona pono... Kakuli Ni lemuhile kuli mwa pono mwani lika ze Ni ñozi mwa buka, mi kipeto ki se fa si ezahalile ona cwalo. Hakuna sene ni ñozi ka zona, se Ni ziba, sika sesiñwi kaufela kwanda sani.

<sup>165</sup> Mi cwale ne kuna ni nto yeñwi; kwani neli kucinewa kwa Omar Price ona kwani ka nako yani fani hana ni lwanisanga hahulu. Mi mwa ziba, na tile kwa tabernakele mi a kolobezwa ka Libizo la Mulena Jesu. Oh, na ni lwanisize katata hahulu ka zona; mi Na ina ni yena ka nako ya busihu. Ne ni zwezipili ku mu lata fela, na li kuina fani ka kuswana; kono yena mafelelezo a taha, kakuli Mulena na ni bulelezi kuli na ka taha, mi kacwalo Na—Na ina fela ni sona. Mwabona?

<sup>166</sup> Kuswana inge mukutazi yomunyinyani yainzi kwa mulaho wa ka kwanu. Ne ni ile kwa Clarksville ku yo ikambota ni yena nako yeñwi, ku yo mu kutaleza mwa keleke yani ya Methodist, mi nali wa Methodist nako ni nako, se Ni talusa. Na kuta kwanu; Se nili, “Ki mutu yo Ni ka kolobeza ka Libizo la Mulena Jesu Kreste.” Mi Na mu kolobeza; yani ki Muzwale Neville!

**250. Haiba ku fosahalile kuli ni—kana ku fosahalile kuli ni be ni—ni sintolo sa za bunde? Ni ya talima ka za bunde mi ha ni lumeli Bakreste kukuta milili ya bona, kono Na kutanga ya babañwi mi** (Ni sepa ki k-u-p-e-n-t-a, mubala, seo sitalusa kuli ki mubala, Na sepa, nji cwani?) **mubala hape.**

<sup>167</sup> Kezeli yomunde, Ha ni—Ha ni koni kuziba sa ku ku bulelela. Teeleza, Ha ni koni kubulelela basali ka zona, za kupenta mibala mwa milili ya bona. Hanina Mañolo a lwanisa sani; Ni kona fela kupila ni Mañolo. Mwabona? Mañolo a buleli kuli ba si ke baeza cwalo. Mañolo a bulela kuli uswanela kuba ni milili ye mitelele, mi kasamulaho wa sani, Ha ni sa ziba kwa kuya. Mwabona? Hani—Hani zibi zeñwi ka zona.

<sup>168</sup> Cwale, mukutazi yomunyinyani yaliteni mo kokuñwi Na ziba, ki mulikana ka yomunde, ne lu sweli kuambola hamoho zazi leliñwi kwa Blue Boar hane lu ca mulalelo. Ki hali, “Musala ka una ni maswabi kuli atahe fapila hao.” Ki ya ipile luli ku za kukena, bumulimu, musali yomunyinyani, mi ki—ki kalibe yomunyinyani yomunde, kuku wa mutu, mi... Kono ki yo munde, wa sipale, hande... Musala ka una ni fela maikuto asili ka musali yo, mi—mi Ni nahana kuli ki wa luli, musali sakata. Yena... Hani zibi kamba uteñi mo; Na sepa umwa teni. Ni sepa bo muuna hae ba teni mo. Mi ki hali ku na; ki hali, “Na tuhelezi milili ya hae kuhula ha na ku utwile ha ukutaza mi uboni kuli neli swanelo, kono,” ali, “ubile aitusisanga mubala omuñwi mwa milili ya hae; mi usweli kulika ka mwa konela

kaufela kuli mubala wani uzwe kwateri a si ka taha kale fo uinzi wena."

<sup>169</sup> Cwale talima, Kezeli yomunde, Na kuteka sani hahulu. Ni na ni likute ku musali ya kona kueza cwalo. Kuli musali atahé ato kabisa milili ya hae cwalo ka nzila kaufela, kamba kukwela mati fa mautu a hao ni kuikela azamaye ka mahañi mi asina likute ni hanyinyani, muhupule, Jesu nabulezi kuli, "Kikabakalañi ha mu eza lika ze, mu li ezize ku Na." Mwabona? Mi Na kuteka sani ku wena, mi Mulimu a ku fuyola ka seo.

<sup>170</sup> Kono, Kezeli, ka za mibala ya milili kamba nto isili ye cwalo, Ha—Ha ni zibi. Ha—Ha ni koni kuyemela seo ka Liñolo, kacwalo Ni... zeo liitingile fela ku wena. Mwa bona? Mwabona, haiba nji ubata kueza cwalo, seo si lukile ku na. Kuya ka mo Ni zibela, keleke haina sizo se sicwalo. Haiba wa bata... Kaufela ze si yo mwa Bibele ye, kihande, wena fela... Fo kuitingile ku wena. Mwa bona? Kono Ni mifa fela kelezo ya ka, mwa bona, mi kuya ka mo Ni zibela... Mwa ziba, ki sibupeho fela sa musali kutabela kubonahala bunde; ulukela kuba ona cwalo.

<sup>171</sup> Mwa ziba, mwa bupilo kaufela kuna ni, za muuna kona zende, kono mwa lusika lwa batu. Munge nyunywani kaufela, sitole. Munge sikwata sa likomu. Ki ifi ye nde hahulu, kana ki sitole sa kale ni manaka a sikami kamba ki poho yetuna? Munge puti; yona yeo, lizwii lelinskyi kamba ki kwalata? Munge sikwata sa likokomu; ki ifi yende hahulu, ya pho kamba ya sitole? Kwalata, kaufela se mubata kueza. Munge ka—munge kamba linyunywani; munge cwalo ni mwa likuhu, ki mukombwe kamba nasikuku? Munge hape mwa linyunywani, yenyinyani ya... ya ngangalukunyi kamba ki nasikuku, ye inzi fa siyaletu sa yona ni ku bubamela mai ayona? Mwabona? Liki kaufela mwa lusika kwaufela, kamita za—za baana kona zende hahulu, kono ki musali mwahala batu. Kiñi? ki yena yana tisize kuwa. Satani na muketile ona kwani, mi bunde ki bwa diabulosi. Mwabona?

<sup>172</sup> Satani neli lingeloi lelinde hahulu. Neli yona kerubimi yene buheha. Mutualime shutano musali mwa bezi kacenu kufita mo ne ba belanga. Ki babakai ba bahupula Pearl, kamba baba balile litaba za Pearl Bryan? Ha lu boneni mazoho a mina, babañwi ba mina sicaba baba hulile. Luli. Mwabona? Na lukela kuba yena musali yomunde hahulu mwa America. Musizana yomunyinyani kaufela ya minyauka fa mukwakwa na lakaza kuba yomunde mwendi habeli kutita mwainezi yena cwale. Kiñi? Zani kona ze ibulezi luli Bibe: "Fani bana ba bashimani ba Mulimu hane ba boni bana ba basizana ba batu kuli ki babande..." Sani neli sikwata sa bayambaeli bene ba lumile muunda mwa lifasi, fani Mulimu ha to yundisa lusika lwa batu kaufela. Mwabona? Kona ona cwalo. Mi kacenu lika kaufela liitingile fa Hollywood ni—ni bunde ni lika zeñwi cwalo, kanti bunde ki sibyana se sipatilwe mwa mukunda wa mwa pilu (mwabona?) mi ha ki mubonahalelo wa kwande. Ha ba tine ka likute, isiñi ka mubonahalelo wa

kwande, kono mwahali, wa kuishuwa, moyo wa kuluka. Yani—yani ki yena Mukreste.

Cwale he, fa puzo ya hao, Kezeli, Hani zibi fela sa ku kubulelela.

Cwale, Ni kona kuyemela ona fo cwale kamba ninge mizuzu yemiñwi ye mashumi amalalu kasamulaho, mi cwale... Kana ibe mizuzu ye mashumi amalalu...? Ki babakai baba kaina ka mizuzu ye mashumi amalalu fela, mi kipeto zeo li ka lufa nako yeñata mwa busihu bwa kacenu? Kihande, Ni ka akufa kapili luli.

**251. Muzwale Branham, kana Timotea Yapili 2:9 italusa kuli musali asike a ota milili ya hae? Kana milili ya “lunyeze” italusa milili ye otilewe nji?**

<sup>173</sup> Cwale mutualime, Kezeli, cwale se... Ni—Ni tabile kuli ye i latelela ye. Ha si ka beya fateni, kono fela ya—ya latelela hande.

Mulemuhe, milili ye otilewe mwa lizazi lani neli sisupo sa musali wa mwa mukwakwa; sani kona sa na ezanga, na otisanga milili ya hae. Mi Paulusi kwa Bakreste, “Cwale, ku kaba kwani, kusike kwa ba kwa ku ikotisa...” (kamba “lunyeze” ni “kuotiwa” ki nto yeswana), ku otisa milili ya bona, kakuli ne ku bonahala inge batu ba lifasi fela.

<sup>174</sup> Cwale, ha mu lukeli kubonahala inge lifasi kamba kueza sina lifasi! Mwabona? Basali ba lukela ku shutana foo. Mwabona? Batili, cwale, milili ye otilewe... Cwale, kacenu milili ye otilewe ki yeminde, mi ki mukwa o shutanelia kwahule ni mikwa ya lifasi. Cwale, mubone basali, mo ba ezeza milili ya bona kacenu... Mu babalele milili ya mina ka nzila ifi kaufela; fela musike mwa bonahala sina lifasi! Mwabona? Musike mwa bonahala kamba kutina inge lona! Haiba nji ba tina tuputula, mina mutine ndelesi. Haiba baka—haiba baka eza milili ya bona kaufela... kuikuta kaufela yona ni ku ipumela, haili mina musike mwa eza zeo... Mina—mina—mina mu tuhele fela bao ona cwalo. Mwabona?

<sup>175</sup> Mi haili kuota—kono kuota lunyeze... Puzo neli kuli: Kana “lunyeze” italusa... *kuotiwa* italusa “lunyeze”? Eeni, yani ki niti. Mi cwale, fa mikwakwa...

<sup>176</sup> Cwale, Ne ni batisize sani kufumana mwa lilimo zefitile kwa mulaho ka za milili ya “lunyeze” zene italusa. Mwabona? Musali, kaniti, basali ba kale, neba hohelanga milili ya bona kwa mulaho ni kuitama, kuswana mane inge muhata wa mbongolo kacenu. Mi kipeto ba zamaya ona cwalo... Neba tinanga liapalo zeñwi cwalo, kono basali fa mikwakwa ne ba nganga milili ya bona ni ku iota kupuma toho fahali, ni ku itateza yona cwalo, ni kubeya mapalisa ni zeñwi cwalo, mi sani neli mufuta wa—wa licanci la fa mukwakwa; inge fela mo lu bonelanga macanci ba kacenu, mo ba tinelanga. Ni bulela kuli *licanci*, kakuli mu ziba kuli Ni mutu ya hulile; cwalo kona mo ne baba bizezanga mwa mazazi a hesu.

Baba biza cwani kacenu? Ni... Mawi, Ha ni zibi. *Tuzwinyani* kamba nto yeñwi. Kacwalo... Seo kaufela sili sona. Mu bafe libizo kaufela, ba ka li tabela.

**252. Muzwale Branham, no bulezi ku yeñwi ya matepu kuli Nuwe na pilisize ba ndu ya hae. Kana se sitalusa kuli mushemi wa musali wa kona kuba ni tumelo ya bandu ya hae? Mi kikuli sitalusa kuli mañi ni mañi wa mwa lubasi lwa luna uka piliswa haiba lu lumela?**

<sup>177</sup> Cwale, sani ki... eehe, wani ki mufuta wa... Mu nani kutokomela mo Ni alabelia ye cwale. Mwabona? Pili, "No bulezi kuli... (Cwale, mutuhele ni bone sani.) No bulezi cwana ku yeñwi ya matepu a hao kuli Nuwe na pilisize ba ndu ya hae." Kiñi? Kakuli ne ba lumezi. Ki cona cwalo, kakuli ne ba lumezi liñusa.

<sup>178</sup> "Kana taba ye italusa kuli mushemi wa musali wa kona kuba ni tumelo yeswana ka bandu ya hae?" Eeni, Kezeli! Ni bona pilu ya me yomunyinyani ye lilela sicaba sa hae. "Mi kana taba ye italusa kuli mañi ni mañi wa mwa lubasi uka piliswa haiba lu lumela?" Eeni, haiba ba ka li amuhela. Yeo ki nití.

<sup>179</sup> Muhupule mulibeleli wa tolongo wa Mufilipi. Ulumele ka sibeli sa hao... Haiba muna ni tumelo yetuna ya puluso ya hao, kikuli hamukoni kuba ni yona tumelo yeo yeka beleka fa sicaba sa henu? Tumelo ki sikamañi? ki mata asa bonwi. Mwabona? Moya ki—ki sika—ki sikamañi. Moya o Kenile utisa tumelo. Mwabona? Ki mata asa bonwi.

<sup>180</sup> Kiñi ha Ni kona kubeya mazoho fa bakuli? Mwabona? Haiba Ni kona ku swala moya wani ku mutu yani, sesiñwi si ka ezahala. Mwabona? Fa kuyemi Moya o Kenile; Uka patulula likunutu za pilu. Uka eza ona cwalo fela mwa Na bulezi kuli Uka eza mwa lizazi la maungulo. Batu ba lumela cwalo; ba talima fateni, "Eeni, sha, Na lumela cwalo."

<sup>181</sup> Cwale, haiba ha Ni bi fela wa sitwaelelo ku mina (mwabona?), kakuli nto ya sitwaelelo fela. Mu ka yambaela zazi le ni kuyambaela zazi lelitatama. Mwabona? Zani—zani fela ki kunga lika kunuha. Ha mu lumelo cwalo ka nao yapili (mwabona?), kakuli mu sa lumela fela cwalo... Musali yani naize kuli, "Haiba Ni ka swala fela sapalo sa Hae, Ni ka iketa hande kalulo yaka kamukana," mi aeza ona cwalo. Mwabona? Na si ka bulela kuli, "Ni like cwalo hape." Mwabona? Na lumezi cwalo. Mwabona? Sani—sani ki...

<sup>182</sup> Cwale, haiba mukona fela kulumela ka se sili mwa pilu yamina kaufela bakeñisa lubasi lwa mina...

<sup>183</sup> Cwale, sina fa, ki sikamañi se si ni fa susueza? Ki—ki mata afi a mwa lizoho la ka? Kaniti ha ki kutiya kwa misifa yaka, ki moya wa ka. Kaniti, muzuse moya wani mwateni, mi cwale musifa uka eza sikamañi? Uswana fela inge o shwile mo ukona kubela. Mwabona? Uka bola, kono ki... Mwabona, ki moya o tiisa.

<sup>184</sup> Mutualime Samisoni yo yomunyinyani yo. Buñata bw bona ne ba boni minyako yene ka bonahala inge mwahala misumo yemibeli ye kwanu. Kiñi, ki muuna yomutuna luli ya kona kunga tau ni ku ipazula mwa liembamba, Muzwale Jackson. Tau itulele muuna ya cwalo ni sikwalo . . . ni maheta inge sikwalo sa sishete, kiñi luli, sani ha si koni kuba kunutu; kono kunutu neli kuli, nali fela kashashala ka mutanga wa milili yetatani kwa toho, mutangana yomunyinyani, mushimani wa kale, mwendi ki, yaswana sina musali, ya latwa ki bomahe, milili yetatani yesupa ne ilepelela mwa mukokoto wa hae. Kono mulemuhe, nasina tuso na swana inge mutu kaufela konji Moya wa Mulena ha u to taha ku yena. Mi cwale Moya wa Mulena hauto taha ku yena, tau yani ya mata inge i hona, ayo ipazaula fela mwa liembamba. Ne si Samisoni; Ne li Moya wa Mulena.

<sup>185</sup> Cwale, na ka nga cwani mutahali wa mule, wo no lobezi mwa lihalupa lani ni kuetuha buswe twaa . . . Mi likuwani za lindwa za Mafilisita zani neli likana ni inci ya sipi mwa bukima. Kihande, munge mutahali wani ni ku u nata fa likuwani za lindwa zani, ne uka cancauka mwa liembamba ze eza sauzande. Mwa ziba cwalo. Ne ba nataka fa mutahali wani wa kale, o omile . . . Kono mutualime kwani, na yemi kwani ni mutahali wo mwa lizoho la hae ni ku bitelafafasi Mafilisita baba wani sauzande; babañwi ba bona ba matela mwa macwe. A buleta kuli, “Amu tahe, mubata zeñwi zateni mina?” Niteñi—niteñi a tundamena! Neli sikamañi sani? Moya wa Mulena no tile ku yena. Mwabona?

<sup>186</sup> Kabakaleo, Ki Moya wa Mulena. Mi ha mu na ni Moya wa Mulena mwahali ku mina kuli mu lumele kwa puluso ya mina bañi, mubeye seo fa lubasi lwa mina. Kuli, “Na ba lilela kuba kupela ka Libizo la Jesu Kreste; Na ba kupela kwateni! Mulimu, Hani zibi Mo ka ezeza kuli aeze sani, ni Mo ka ezeza kuli muuna yani akone cwalo, kono Na lumela. Na si lumela, Mulena! Tusa ku sa lumela kwa ka.” Mu ikupele zona mi mubone ze ka ezahala. Si ka ezahala.

**253. Kana Munyaliwa—kana Munyaliwa Jesu a si ka taha kale, kikuli Ukaba ni mata a kaufela a Moya o Kenile a kueza limakazo, kuzusa bafu, ni zeñwi cwalo sina mwa nako ya pula ya mwa mulaho—kamba ye ki pula ya mwa mulaho ya baba handeleti ni fote fo sauzande ili Majuda? Kikuli bakutazi kaufela bakaba ni zeo, kana luna—kamba lu libelezi fela kutaha?**

<sup>187</sup> Eeni. Mwabona, mulikani, Na—Na—Na ha ni muituti wa za bulapeli. Ha ni muituti wa za bulapeli; konakuli, Ni lukela kuluta kaufela ze Ni ziba ka Bibebe kuzwa mwa miluti ni mifuta. Mane mu ni bizanga kuli ni muswanisi. Kono ha ne Ni ka talima fa limota lani, mi ha Ni iponi ili na; mi Na talima, mi Ni bona kuli Ni na ni toho, ni mazebe, ni mazoho, mi . . . Ni ziba sesiñwi ka mo Ni ka bonahela hane Ni ka ipona. Mwabona? Ha Ni bona

sifateho sa ka mwa siiponi, Na ziba se ne Ni ka bata kubona hane Ni kayema ni ku italima ili na.

<sup>188</sup> Cwale, kona mo Ni nahanelia ka za Bibele. “Ona lika ze kaufela,” Maroma 26 ili, “ne li ezachezi ka mitala ya luna.” Lwa kona kutalima kwa mulaho ni kubona mo ne liinezi, inge kweli mo ibonahaliseza lizazi. Lu ziba seo lizazi likaba sona, hase, haiba haluna kubona fateni lizazi, lwakona ku bona kweli, mi lu bona kuli li kaba le lituna kufita fani. Kihande, ha mu bona sene si ezahalile mwa Testamente ya Kale, ki muluti fela wa se si ezahala ku Yenca.

<sup>189</sup> Cwale, mwahali mo, Ni lumela ka pilu yaka kaufela Na . . . luna lwa, kamba mazazi aa . . . Haiba ha lu cwalo, yomuñwi u cwalo; kuna ni kuba cwalo. Nako se ifelile; lukwa mafelelezo!

<sup>190</sup> Kaufela . . . Lifasi . . . Mulimu na bupile lifasi mwa lilimo ze sikisi sauzande, mi sa bu sebene sauzande A pumula. A bulela kuli mutu hana kupila nako yekuma foo, mwa—mwa mwaha, kamba—kamba, zazi: “zazi le mu ka ca ku yona, kona zazi le mu ka shwa.” Adama, kamba, Metusela neli yena yomunhulu hahulu yana pilile mwa Bibele, mi nali wa myaha ye naini handeleti ni sikisite naini ya kupepwa; mi na si ka pila myaha ye sauzande yani. Kono mutu ya ka pila mwa puso ya Mileniamu, ki myaya ye wani sauzande, kubonisa kuli wona—kuli wona mupuzo u lifilwe kale . . . Mutu upila kuyakuile; zazi li felile; nako ifelile; sa inzi mwa kuyakuile.

<sup>191</sup> Ni bulele cwana, Ni na ni mañolo amañata hahulu fa liñusa la ka ka Lisunda zepeli kamba zetalu kwa mulaho ka za—*Munzi Otaha Wa Munyaliwa ni Munyali*. Sani luli ne si natile ba bañata ba bona. Sani . . . Ne si ezize ku na hape. Ha ni si la lifeza kale.

<sup>192</sup> Cwale, mulemuhe. Ku ye (mwabona?), Abrahama naboni . . . Cwale, kuya ka mwa Na ambolezi ni Abrahama, kona Mwa ezelize ni kwa peu ya hae. Cwale, leliñwi la mazazi a ha Ni ka kuta fokuñwi, Ni bata kunga sani bukaufi nyana ni ku mi bonisa hande likalulo za mwa bupilo bwa Abrahama. Za zamaeleta hande ni Luther, Wesley, ni kushetumuka cwalo fa, ona cwalo fela Mwa talimanezi ni likeleke sina mwa Na ezelize ni Abrahama; mwa Na bonahalezi; kuli mane fani ha Na pakile bulikani ku yena matwasa mali a suluhile, neli lusika lwa Philadelphia. Eeni, sha, lwani neli lusika lwa mali, Luther . . . lusika lwa baha Wesley.

<sup>193</sup> Kono cwale mutualime mwa lusika lwa ba Pentekota. Kasamulaho ha Na tile kwani, Na file sepiso ya *El Shaddai*, “anya ku Na.” Puzo ki kuli: Kana wa kona kuanya? Yani ne i filwe fapila Mapentekota. Mwabona? Wakona kuanya? Kono ne ba si ka eza cwalo; neba ba amuhile ni—ni lizwele kuzwa kwa kopano ko ne ba zwelela. Kono haili Peu, Peu ya niti, ya taha ku to anya lizwele lani.

<sup>194</sup> Mi sani ne li sisupo sa mafelelezo se ne ba nani, fani mwana yani wa sepiso yene ba libelela hala myaha ye kaufela, ha Na ka kuta? Neli Mulimu ya na yemi mwa sibupeho sa Mutu mi nakona ku lemuha milelo yene li mwa pilu ya Sarah (Sarah kakuba Keleke, ku yemela Keleke), u lemuha milelo yeli mwa Keleke yene li mane kwa mulaho wa Hae. Ki niti yeo nji? Mi kapili kasamulaho wa sani, a cinca ku kutela kwa kuba musizana yomunyinyani ni kuba mucaha yomunyinyani; mi Isaka ato pepwa, yena mwana wa sepiso.

<sup>195</sup> Na lumela kuli mwa bona nto ya mafelelezo ye ka ezahala kwa Keleke kuungelwa ku si ka ba teni kale. Yani ki niti. Na i lumela ona cwalo. Pula i felile. Mubale fela likauhanyo zetalu zapili za Sinulo mi mu ka bona se si sepisizwe kwa Keleke. Sani kona se si sepisizwe, Keleke, ona kwani, masika a likeleke.

<sup>196</sup> Mu lemuhile lizazi leliñwi ha ne lu kalile Litolombita, Moya o Kenile ubulezi kuli, “Zani ha ki za kwanu.” Mwabona, mwabona?

<sup>197</sup> Cwale, pula ya mwa mulaho, Majuda baba handeleti ni fote fo sauzaande, batili, fani ha ki...zeo...halina ku...fani—fani kona cwale Elia ni Mushe...Kwani kona ko ku ezahalela limakazo. Ona lika zeo batu ba libelezi, Mapentekota, kwa limakazo, kwani kona ko ku ka ezahalela sani, mwatasasa bona. Mwabona, bani ki ba Elia ni Mushe. Ba nata lifasi ka likuto ka mo ba ka konela; ne ba kwalile mahalimu kuli pula isike ya nela mwa mazazi a bupolofita bwa bona. Mi Mulimu uka yema ni ku ba lwanela sina mwa Na ezelize, mi Uka ba lamulela ka lizoho lelimata ona cwalo fela sina mwa Na ezelize mwa Egepita (mwabona?), kuzwa mwa “milao” ya lifasi. Mi Uka eza cwalo, kono sani ha ki...

<sup>198</sup> Lu lukela fela kulibeleta za kutaha kwa Mulena. Mulibelete fela; mu tukise lilambi za mina, kaufela mina mutale ka oli. Mulapele hola ni hola, isiñi zazi ni zazi, hola kaufela. Mube fela baba itukisize; mu itukise, mube ba bamunati, mi mutone...

Oh, lu libelela kutaha kwa lizazi la tabo ya  
Mileniamu.

Fo Mulena luna ya fuyozwi haka taha ku to nga  
Munyaliva wa Hae ya libelezi.

Oh, mawi—oh, pilu ya ka itezi kuungelwa  
hanze Ni ikataza, mutone, mi mulapele,  
Kakuli Mulena luna wa kuta mwa lifasi hape.

Kona cwalo; yani kona sepo ya Keleke ya hola ye.

#### **254. Kana Libizo la “Jesu Kreste” li lukile mwa kolobezo, kamba ilukela kuba ka Libizo la “Mulena Jesu Kreste”?**

<sup>199</sup> Ifi kamba ifi kaufela. Na ni ezanga ka *Mulena Jesu Kreste* (mwabona?), kakuli Ni sepa kuli Yena ki *Mulena luna*. Cwale, *Libizo la Jesu* fela, inge mizwale babañwi ba luna mo ba kolobelezanga, Na—Na shutana fo (mwabona?), kakuli Ni ziba

kuli Ni na ni balikani babañata baba bizwa bo Jesu, buñata bwa—bwa balikani ba bakutazi mwa Mexico, ni—ni Italy, ni kokuñwi kaufela. Baba biza kuli *Jesu*, mi kacwalo *Jesu* fela ha isika likana. Na pepilwe ali Kreste Mupulusi, sina ha Na pepilwe ali Mupulusi, Kreste, ya tozizwe. Mi kasamulaho wa mazazi a eiti A fiwa libizo la *Jesu*. Mwabona? Mi Aba Mulena Jesu Kreste. Sani kona sa Na li sona. Ku lukile.

**255. Muzwale Branham, kana Mulena uka ku lumeleza ku lu eleza ka za puzo ya linyalo ni telekano ka nako ye? Puzo: Kana muuna wa kona kunyala musali ni ku haniwa ki yena mi kipeto anyale usili? Haiba nji sibeli sa bona ba nyala ni kunyalwa ku usili, kikuli sibeli sa bona ba buka nji? No bulezi kuli li ka felela mwa peu ya noha. Kuba cwani cwalo?**

<sup>200</sup> Cwale, kiyé—kiye fa puzo ye sa sepiwi yebata ku mi holofaza ye luna ni mwa likwata ze, mi ya buziwanga hahulu mwa—mwa—mwa lifasi kacenu. Cwale, mu ni utwe, mi Ni na ni libaka ka yona. Haiba Ni kile natisa kwa keleke ye mi ni fa tepu ye kakusasana cwana, taba ye lukile ka za linyalo ni telekano, ikona kuuba keleke ifi kaufela mwa naha, hane ba ka li teezeza. Mwabona? Yani ki niti.

<sup>201</sup> Cwale, kacwalo nituse, ki ye fa Bibele fapila ka, Nina ni fa puzo yeo, KISONA SA BULELA MULENA! Ni liemba zepeli ze kananisana ba lyangani. Sibeli sa bani baba nyalanga baba nyezwi ni babañwi cwalo, sibeli sa bona ba fosize ku se ba eza, kono mwahali hali kona mo kuinzi Niti, mwahala nzila. Hani lati ku... Ni ka panga tepu kamba kuna ni se si ka ezahala ku na, mi bana bahesu mizwale ba ka i liza hase Ni ikezi (mwabona?) kwa likeleke. Kono Ni—Ni bata kupanga tepu ku yona ni ku mi bonisa fela ko ifumaneha; kono kufitela Ni ikutwa kuetelawa ki Mulena, Ha nina ku bulela sesiñwi ka yona. Kono Ni ikutwa kuli mwa litaba zeo Ni lukela ku zamaiswa ki Mulena; haiba ha Ni ezi cwalo, Ni ka eza sinyeho yetuna kufita mo Ni kona ku ezeza bunde. Mwabona?

<sup>202</sup> Cwale, Ni bata kuli mu lemuhe taba ye. Puzo: “Kana muuna wa kona ku nyala musali mi a haniwe ki musala hae mi kutuha fo anyale usili; mi haiba sibeli sa bona ba yo nyala ni kunyalwa ku usili, kikuli sibeli sa bona ba buka nji?” Cwale, mulikana ka, Hani lati ku holofaza maikuto a mina, kono yani ki Niti. Jesu ali, “Yo kaufela ya ka nyala ya lelekilwe wa buka.” Mwabona? Ha—Ha nilati fela kubulela seo, kono ki Niti.

<sup>203</sup> “No bulezi kuli se si ka tamahana ni peu ya noha.” Mwabona? Ha ni hupuli kuli ni kile na bulela cwalo, kono mwendi Ni kile na bulela kokuñwi, ni kile na bubela sesiñwi ka zona.

<sup>204</sup> Inge zazi leliñwi, Ne ni bile ni ze ne lyangani, Ne ni li utwile, mi ki... Ne ni si sweli ona fani; mi siteni fa tepu, mi Ni—Ni ka i teleza. Fani hane Ni ambola ka za Litolombita Zesupa, Ne ni bulezi kuli neli litolombita zesupa. Ne ni

tamahanya kwa mukiti wa Pentekota. Kuzwa mwa mukiti wa Pentekota kufitela sebene...kufitela fa—fa Litolombita, nekuna ni Lisabata zesupa. Lisabata Zesupa nelili mwahala Mukiti wa Paseka kuya kwa Pentekota (mwa bona?), yene eza mazazi a mashumi aketalizoho. Mwabona? Kono sene Ni sweli kuswanisisa ku sona, kakuba sani, Ne niize, “Sani si talusa Masika a Likeleke Zesupa.”

<sup>205</sup> Fa tepu yani, haiba muka ba ni yona kamba sika kaufela, fa tepu yani i lukela kuba, kuli kweli ya bu supa kasamulaho wa fani ne kutisizwe teni mu—mu Mukiti wa Litolombita, ili ze ne talusa Masika a Likeleke Zesupa, likweli zesupa, isiñi Lisabata zesupa. Lisabata zesupa ne li keni mwa...Ne ni tatuluzi mwani. Ne ni bulezzi kuli Lisabata zesupa, sina cwalo, kono Ne ni lwezi ona muhupulo o swana wani ni habusa, hane ibanga kweli ya busebene kasamulaho Mukiti wa Paseka, kamba kwa Mukiti wa—wa Pentekota, mi kipeto kutaha mukiti wa makunka a buloto ha u so tisizwe mwateni, ku patalazwa. Mwa bona cwale—cwale...Wa hupula ka fani, buloto bwani ne bu pangiwanga mwa linkwa ka nako yani. Mwabona? Fani bu—bu buloto bwa...bwa sikunka silisiñwi, mi kipeto kaufela liba sinkwa silisiñwi. Oh, ki tuto yetuna kwani; Ne ni si ka ngunyuta nihaiba mungundo wa yona. Kono haiba mu utwa sani fa tepu ya mina, muhupule, mutualime mwa Bibebe. Mwa bona, ki likweli zesupa kasamulaho wa fani. Mubale kusuza kwateni likweli zesupa: Sope, Yowa, Liatamanyi, Lungu, Kandao, Mbuwana, ni Sikulu; ne i kaba ka Sikulu, likweli zesupa, ili zetalusa mutalelela wa Masika a Likeleke Zesupa. Mukutazi yomuñwi wa kona nopa seo, mi kipeto mu ka ikutwela sona, mwa bona, kwani. Ku lukile.

<sup>206</sup> Cwale, fa taba ye, halu—halu—halu ezeñi fela cwana... Mina...Ki se se Ni ka bulela. Ni bulele cwana, ha ki Mulena, mutuhele ni bulele cwalo. Haiba mu nyezwi ka nako ye, mi sibeli sa mina mu pilisizwe, mane mutualizwe ka Moya o Kenile, mi mwa latana yomuñwi ni yomuñwi, mi muna ni bana babanyinyani (cwale, muhupule yo ki na, ha ki Mulena. Mwabona?), muzwelepili mupile hamoho; mube baba tabile; kakuli mu palezwi kupila ni musala mina wa pili kamba kusi cwalo ne musike ku mu nyala. Mi haiba muleleka yo ni kukutela ku musala mina wa pili, fohe se mu fosa kufita mo ne muezelize sapili. Mwabona? Kacwalo mwa bona, mu tampakani hahulu mwa masila; hakuna mukwa wa kuzwa ku zona. Kuna ni fela nzila iliñwi ya niti ye Ni kona kubulela kuya ka Bibebe: sibeli sa mina mupile mu sa nyalwi ni kunyala. Mwabona?

<sup>207</sup> Cwale, kono... Yani kona fela nzila ye Ni kona kubulela ka yona cwale, kono kuna ni nto yeñwi mwahali mwani, kuli Ni—Ni palelwa ku mi bulelela cwale, mi libaka le Ni bulelela cwana, “Ha ki Na, kono ki Mulena, muzwelepili.” Haiba mu ka tisa seo mwa tepu, mi zazi leliñwi, haiba Ni kile na bulela sani, mwa

hupula mo ne Ni bulelezi zani. Kambe ne mu na ni butali, ne mu ka li utwa (mwabona?), mo ne Ni bulelezi zani ka nako yani, mi kipeto mu ka ziba.

### **256. Muzwale Branham, kana lwa kona kuya kwa likeleke lisili nihaike inge ha ba lumelelani ni luna?**

<sup>208</sup> Luli, eeni! Jesu na ezize cwalo hane ba palelwzi ku lumelelana ni Yena. Muzwelepili cwalo. Lu lemuha fa, kuli, “Kana wa kona kuya kwa keleke isili ye sa lumelelani ni wena?” Luli, Ha ni... Ha kina ninosi fela licwe la butokwa fa munanga, mwa ziba. Kuna ni—kuna ni baana ba bumulimu babañwi kai ni kai; Ni sepa Ni alimuñwi wa bona. Mwabona? Kono fela musike mwaya kwani...

<sup>209</sup> Ne ni bizizwe kokuñwi fa nto yeswana zazi leliñwi. Ki—ki sikwata sa mwa Arizona ne si ni bizeлизe kwani. Mwabona? Sikwata sa bakutazi ne ba ize, “Nto fela ye lu sa lumelelani ni wena, Muzwale Branham, ki (iliñwi ya lika) batu baba tahanga kwanu ni wena, halukoni kubanga kuli baye kwa keleke ifi kaufela.” Bali, “Bana ni bana ni zeñwi kaufela; ba ba sayi kwa keleke.” Mi bali, “Kihande, lu ba bulelezi kuli ba amuhezwi kutaha—kutaha kwa keleke yaluna.”

<sup>210</sup> Cwale, Ni ziba kuli ba mi hapelezanga ni mina mi ba bata kuli mu ikopanye ku bona, kono hamu lukeli kuikopanya; kono mubeye banana bani mwa sikolo sa la Sunda kokuñwi! Mi mu ye kwa keleke; musike mwaina kwa ndu, kuya kwa kushuta, ni uk yo zuma, ni lika ze cwalo la Sunda.

Mu li, “Kihande, Na ha ni wa ba milao.”

Kihande, kihande mube mwa buino bwani fa nako nyana, mushubula zuho ya Kreste. Muye kwa keleke yeñwi!

<sup>211</sup> Hane Ni—hane Ni kaya... Haiba. Ne ni sike naba ni... Hane Ni kaya kwa keleke *yakuli* ye Ni ziba kuli kuna ni nto iliñwi ye bani bulelanga kuli kona mo Ni lumelela: hane ba kali ba lumela kuli Jesu ki Mwana Mulimu. Ne ba kali (Na kakanya cwalo), kono Ne ni kaya teñi mi ni bautwe ha ba bulela cwalo. Mwendi mu kali... Yani ki keleke ye, mwendi keleke yetatama ika swana inge ya ba Baptist. Ba li, “Eehe, Ni lumela muna ni kuba ni kutwisiso.” Nika—Nika ya ni bona. Mi Ni lumela kuli Jesu Kreste ki Mwana Mulimu; Ni lumela kuli muna ni kuba ni kutwisiso. Ku lukile.

<sup>212</sup> Cwale mwendi kuna ni ba Assemblies of God. Cwale, ba lumela... Mwabona, Na—cwale Ni kona kuca mwendi liemba zetalu kamba zene za sinkwa hamoho ni bona (mwabona?), kakuli bakona kulumela...

<sup>213</sup> Sina zazi leliñwi, yena mutu yaswana yo na lizize mi na bata kuziba ka zona, mi ali, “U bulezi kuli...” (Mukutazi yo kwande kwani, mutangana yo kwatasi kwani yana bata ku ambola sani. Muzwale ya zielehile, umwa kupumiwa kokutuna maswe.)

A bulela kuli, “Kihande, Muzwale Branham,” mwabona, na bulezi kuli, “u lwanisa mina ba Assemblies of God.” Mi kambe mukutazi wa ba Assembly na ka swala tepu ye, Ni bata kuli mu ni bulelele fo ne Ni lwaniselize mutu wa ba Assembly of God kamba mutu ufi kaufela! Kiñi hakuli cwalo, kanti ki nkambe ye kalisize tumelo ya keleke yamina ilumela kuli Ni mi lumezi buñata bwa ma milioni a banake bao Ni ipumanezi ku Kreste? Kiñi ha Ni lwanisa ba Assemblies of God? Kiñi ha Ni lwanisa ba Oneness? Hani lwanisa ufi kaufela wa ba Oneness, ba Assemblies of God, ba Church of God, mane kutokwa nihaiba mutu! Ni lwanisa mulao kaufela o kauhanya batu.

<sup>214</sup> Mutualime, Ni lumezi ku ba Assemblies, ka kubala kwa bona bañi, buñata luli bwa milioni bwa banake. Haiba nji ki baba maswe hahulu, kikabakalañi hane Ni kaeza cwalo? Kiñi? Ni sepa kuli kona nto yende ku ze liteni mwa lifasi ku ba lumela, kamba ki ba Oneness kamba ki ba... babañwi ba tumelo ya Mapentekota, kakuli ba lumela mwa foliso ya Bumulimu; ba lumela mwa lika za buipiteli za bumulimu; ba lumela mwa kolobezo ya Moya o Kenile. Zani ki zende... Hani—Hani koni batisa kaufela bona mo; ba fumaneha mwa lifasi kaufela. Ni na ni balikani lifasi kaufela, bana be Ni pepezi ku Kreste. Ni ka ba lumela ku zende... Kana mukile mwa ni utwa ha Ni bizeza sicaba kwapili? Ni bulelanga kuli... Ha Ni batisanga kwani mi ba tusa kupiliswa, Ni bulelanga kuli, “Cwale, amuye kwa keleke Yetezi Evangeli mi muipumanele keleke ya henu.” Ki babakai baba ni utwile ha ni bulelanga cwalo? Luli, luli. Kihande, kiñi ze Ni ka ba lumela kafani he? Kana Ne ni kaba muipi kuli ni lume banake kwa lihele? Zeo libe kwahule ni na. Batili, sha!

<sup>215</sup> Haiba hamukoni kuya... Haiba hamukoni kutaha kwanu kwa tabernakele, mube ni keleke kokuñwi; mu yange ku yona. Ha mulukeli kunga kaufela ze ba eza. Siemba sa sinkwa so ba fa, mina a mufe sinkwa. Haba kaba ni galiki mwa sinkwa, kiñi, mu ba siye fela ona cwalo. Mwabona? Yani ki niti. Hani koni ku ezakuili ba kondise cwalo, kono zani li lukile... Luli, mu ye kwa keleke. Kaufela ko ku ka kwaluha sikwalo sa keleke, mukitime mi muye ka mo mu konela. Haiba ha ba lumeli, kihande... Cwale, ha mu lukeli kuca ni bona. Musike mwa ikopanya ku bona, musike kukopana ni yeñwi ya likeleke za bona; kono mu ye ku bona; mu putehane ni bona. Kana mu ziba cwani kuli ha ki Mulena? Na bulezi kuli Uka eza kuli lika kaufela libeleke hamoho mwa kutisa bunde! Mi mwendi kuna ni moyo mwateni o ka piliswa, mi mu ka monyeha Liseli ku bona. Mwabona? Amuzweleteni kwani. Musike mwaya ka maandabala, muye ha munati; mi batu ba ka kala kubulela kuli, “Yani ki musali wa Mukreste, ni lapa la Sikreste; yani ki mushimani kamba musizana wa Mukreste. Mawi, Ni ka tabela ku... Mushimani, ba eza mane inge kuli bana ni sesiñwi.” Mwabona? Mi muli, “Ki sikamañi?”

“Ki ye fa.” Kona kuli mu ba bulelele. Kono mina mube fela sina lizwai, mi ba kaba ni linyolwa.

**257. Muzwale Branham yomunde: Kana wa lumela kuli lisupo lilukela kulatelela kaufela baba na ni Moya o Kenile?**

Jesu naize cwalo, Mareka 16.

**Haiba ku cwalo, kucwani kwa batu baba lumela Liñusa ka se sili ku bona kaufela, kono ibo habana lisupo zeo? Kana ha ki balumeli kamba batokwa Moya o Kenile nji? Haiba ku cwalo, shangwe a ku lu laelele kacenu, mwa ku amuhelela Moya o Kenile. Lu lumela kuli wena u mulomo wa Mulimu mwa lizazi la luna. Muzwale wa hao.**

<sup>216</sup> Ni itumezi, muzwale wa ka, ka ku ni bala kuba—kuba muzwale wa hao, mi Ni nahana kuli yani ki puzo yende luli. Balikani, eeni, ki ku katuluha nyana. Ni tabela kuina nako nyana fa taba yeo haiba Ni kona. Mwabona? Ki kuliyeza nyana. Mutualime! Babañwi ba mina... Mwabona? Mina, hamukoni kuamuhela kolobezo ya Moya o Kenile kusina kuba ni kutwisiso fo iezahalezi... Cwale, haiba mwa lumela “towati kaufela ya Linzwi,” mu li... Mu bulela kuli mwa lumela towati ifi kaufela ya Lona, fohe Linzwi li inzi fani mi li libeleta Moya o Kenile kuli u Li beye mwa musebezi; kono si lwala lumonyi lwa kandela.

<sup>217</sup> Ki ye fa kandela ni muhala wa yona, mi—mi bulota bwa kupangisa kandela, mi lika kaufela li na ni kuba mwa kandela yani; kono konji pili mulilo utahe fateni, haina ku monyeha liseli lifi kaufela. Hakuna taba ka mo ikabela bunde kandela, ni mo ika tukela hande ni zeñwi kaufela, ina ni ku tukiswa, mi kipeto ya tuka. Mi ha mu lumela mi mu pangilwe ka litaelo za seo Moya o Kenile uli sona, lilato, tabo, kozo, pilutelele, bunde, ona miselo ye Li beya, kufitela Moya o Kenile ka kutwisiso ye sabisa itahafafasi mi ito tukisa kandela yeo, fohe kipeto mu—mu na... ha mu si ka amuhela Moya o Kenile. Mwabona? Mu lukela kuba ni kutwisiso ya kuba ni Moya o Kenile.

**258. Ni alimuñwi wa ba katengo ka lituwelo za babeleki. Kana kwa fosahala ku Mukreste? Linzwi li bulela kuli, “Musike mwa konka—musike mwa konka.” Kono luna lu swanela ku konka fakuli lu kuteke mulao wa katengo ka lituwelo za babeleki. Ha ni si ka eza musebezi ufi kaufela haisamba Ni ba Mukreste, kono Ni sa lifa litifo za ka.**

**259. Kana libizo la Judasi Isikariota ne li takuzwi mwa Buka ya Ngunyana ya Bupilo nji, kamba ne li inzi mwa Buka ya Ngunyana ya Bupilo?**

<sup>218</sup> Ku lukile. Kuya ka ba katengo ka lituwelo za babeleki, Na ziba musebezi wa mina... Wena mutu una ni tutengo twa babeleki ni zeñwi cwalo ili zeo... Haiba ubata kubeleka, una ni kufumaneha teñi koo. Yeo ki niti luli. Muna ni kueza cwalo. Kono mu li tokomele (mwabona?), kakuli si ka zwa kwa katengo ka babeleki kutaha kwa bulapeli leliñwi la mazazi aa. Mwabona?

Cwale, mu hupule fela, ki muitangeti wa lika kaufela ze bile mwatasa tamaiso ya katengo. Hamukoni ku beleka; habana ku kutuhelela fa musebezi; wena u—wena u “sikapi,” kwanda kuli u—kwanda kuli ube kwa katengo ka.

<sup>219</sup> Cwale muhupule, mina batu babanca, muhupule sa bulela Muzwale Branham. Mi cwale manzwi aka a ñolwe ka siñoliso sa sipi mwa—mwa—mwa lilundu la licwe le litiile! KISONA SA BULELA MULENA, ona taba yeswana yeo ika ezahala ni mwa bulapeli. Mukaba wa kopano yeñwi ya ze cwalo, kusi cwalo hamuna kukona kuleka kamba kulekisa. Kacwalo mube baba tokomela luli, Muzwale. Zeo liye fela kwa musebezi wa za lituwelo za babeleki fela. Mutokomele; ki temuso!

<sup>220</sup> “Kana libizo la Judasi Isikariota ne li takuzwi mwa Buka ya Ngunyana ya Bupilo nji, kamba ne li inelezi Teñi mwani?” Eeni, ne lili Teñi mi se li takulwa. Mwabona? Kakuli mwa Mateu kauhanyo yabu 10, Jesu na bizize Judasi ni babañwi ba ku bona kaufela, ni ku bafa mata fahalimwa mioya ye masila. Neba ile ku yo leleka mioya ye maswe, mi Jesu ali, “Ni na mane ni Satani ha wa kuzwa kwa Lihalimu.” Ki niyi yeo sha? Mi se bayo kuya, ona balutiwa bani kaufela, mi ne ba nyakalala; mi ki Ha li, “Musike mwa taba... kakuli mu kona mioya, kono mutabele kuli libizo la mina liñozwi mwa Buka ya Bupilo.” Mwabona? Yani ki niti. Mi Judasi nali ni bona! Mwabona?

<sup>221</sup> Konakuli muhupule, fa katulo, mutokomele, fa sipula sa katulo, “Katulo ne itomilwe; libuka ne li apuzwi; mi Buka yeñwi ya apulwa, yeneli Buka ya Bupilo, mi mutu kaufela na atuzwi ona cwalo.”

<sup>222</sup> Cwale, kifohe cwale, kwa puzo ye fitile fa nako nyana. Mwabona? Fa sipula sa katulo. Jesu, Keleke, yena Munyaliwa, ne iingilwe, kuya mwa Kenya, mi neili kwani ku yo nyalwa, ya kutela mwa lifasi, ni ku to pila myaha ye sikit. Kwa mafelelezo a myaha ye likana sikit Satani alukululwa kuzwa mwa tolongo ya hae, yani u tamilwe ki Lingeloi ka liwenge, isiñi liwenge la kutamisa misumo, kono ki liwenge la buino; balatelei ba hae kaufela nebali mwa lihele. Bani kaufela bene ba zuhile mwa lifasi ne ba liuluzwi mi Jesu nali ni bona. Na si ke kubeleka ku sisili fela; kono kwa mafelelezo a myaha ye sikit, zuho ya bubeli... “Una ni mbuyoti mi ukenile ya nani kabelo mwa zuho yapili kakuli lifu la bubeli halina mata ku yena.”

<sup>223</sup> Cwale mulemuhe, mwa zuho ya bubeli ye, ha ba ka zuha, kipeto Satani wa tamululwa kuzwa mwa ttolongo ya hae mwa nako nyana; kona ku ka tatama katulo. Cwale mutualime, Jesu uinzi ni Munyaliwa, sina Mulena ni Mulena wa musali, uinzi fa lubona, Lubona lwa katulo lo Lusweu; mi libuka za apulwa, libuka za baezalibi. Mi kwa apulwa ni Buka yeñwi hape, yeneli Buka ya Bupilo; mi mutu kaufela a atulwa cwalo ki Munyaliwa. “Kikuli ha mu zibi (kunga litaba nyana ze fapila mulao), kikuli

ha muzibi kuli ba bakenile ba ka atula lifasi?" Mwabona, mwabona? Ku lukile.

**260. Shwangwe ulu tolokele sikwata sa Sinulo 20:4 kuli ki bomañi? Kana ki siemba sa Munyaliwa wa kale kamba ki ya taha kwapili?**

<sup>224</sup> Bani ki Munyaliwa ka kutala, sibeli sa ba kwa mulaho ni cwale. Ki Munyaliwa ka kutala, kakuli ba pila mwa puso ya Mileniamu. Ku lukile.

**261. Shangwe haiba wa kona** (Kihande, ki yona puzo yeswana mane.) . . . **Sinulo 20:4, kana ba ki mioya ya baba pumilwe litoho bakeñisa bupaki bwa Kreste bona babasike kulapela sibatana kamba kuamuhela nombolo ya sona mwa** (Oh, Na bona ko baya cwale. Se neli fela ku nifa, si filwe fela ku na.) . . . **kakuli ibulela kuli ne ba pilile ni kubusa hamoho ni Kreste myaha ye eza sikit?** Kacwalo kwa lyanganisa, kakuli nyandisa ya Munyaliwa, kono kimañi hape ye ba kona kuba yena mi ba buse hamoho ni Kreste ka myaha ye eza sikit? **Kana ikaba—kaba bao . . . kana ikaba bona baba handeleti ni ba fote foo sauzande nji?**

Batili, batili! Bao ki yena Munyaliwa. Cwale, muhupule, muhupule, bani . . .

<sup>225</sup> Mu bulezi kuli, "Ka nako ye ba ka pumiwa litoho bakeñisa bupaki . . ." Cwale, mu li, "Kwa ku . . . sa lapela sibatana . . ." Luli! Muli, "Sibatana ha si si ka taha kale."

<sup>226</sup> Sibatana sibile teni ka linako kaufela; sibata ki sona sani sene si ba fepa mwa mazazi a misima ya litau, ne si ba fepa kwa mulaho kwani mwa sibaka sa Rome. Yani neli antikreste; sani neli sibatana ona kwani, ne si tomile mukwa wa bulapeli. Ona cwalo fela inge, kuswana ni mufuta. Keleke ya Siroma ne ingilwe kuzwa mwa Bibele, mi cwale . . . Se ne baezelize sani, ne ba ongaongilwe taba yateni ni kupanga mulao ni kueza—kueza keleke ya silundwamanje kuzwa ku yona, mi kafuela bene ba sa si kubameli ne ba bulaiwa. Mwabona? Nekuli cwalo.

<sup>227</sup> Mi bani mwa siemba sa Mubili ka nako yani . . . Cwale, Mubili uhulile mane inge kota kufitela U taha kwa Toho. Mwabona? Mi kaufela, sibeli sa mubulaiwa, ni ya nyandiswa, ni babañwi cwalo . . .

<sup>228</sup> Kono Jesu u lu file kozo kwa neku la nuka le, inge fela mwa Na ezelize mushobo yani . . . kwani (mwabona?) ne ba si ka silela mwabuse. Cwale.

**262. Ki sikamañi se Ni ka ba ezeza? Kikuli Ni zwelepil ku (Oh!) ku babalela bo Ndate kwa masimu? Ki sikamañi se Ni ka eza . . . kuli ni bate—bate fa ku pilela kwa . . . ? Mi wa ñola libizo la hae.**

Eeni, muzwale wa ka . . . Ki—ki ze liñozwi fa. Hani zibi kuli ki mañi . . . I bulela kuli, “Muzwale Branham . . .” I kala fela kuli, “Ki sikamañi se Ni ka ba ezeza?”

<sup>229</sup> Cwale, nisepa ki mushimani yomuñwi ku bo ndatahe. Mutualime, Muzwale waka yomunde, una ni mbuyoti ha uka babalela bo ndataho, kakuli bo ndataho ne ba ku babalezi ha no sa koni kuiabalela. Mi mulao wa pili wona ni sepiso, mulao wa pili wona ni sepiso kikuli: “Kuteka ndataho ni maho kuli upile mazazi amañata mwa lifasi la kufa Mulena Mulimu wa hao.” Mwabona? Eehe, babalela bo ndataho ka nzila kaufela yo kona. Ubone kuli babe ni zende luli ka kutala.

**263. No bulezi kuli Kaine neli mwana noha. Kiñi cwale Eva hana bulezi kuli, “Ni amuhezi mutu ya zwile ku Mulena”?**

Ki fo cwale haluyeni. Ni ka libelela pili konji kasamulaho wa mulalelo kwa puzo ye. Eehe, Ni ka libelela konji kasamulaho wa mulalelo ku yani. Oh, fo lukona kunga nako yeñata nyana fa kutatulula zani. Ku lukile.

**264. Muzwale yomunde Branham: Shangwe aku ni tolokele timana ye, Isaya 2:2: “Mi kwa mazazi a kwapili, lilundu la Mulena . . . fa lilundu la ndu ya Mulena ku ka iponahaza fa ngo ya malundu, mi li ka umbuka tulundu; mi macaba kaufela a ka ya kwateni.”**

<sup>230</sup> Eeni, Ne ni alabile, la Sunda yaale kwa mulaho. Mwabona? Ki—ndu ya Mulena ika tomiwa fahalimwa malundu, mi macaba kaufela a ka ya kwateni. Butuna bwa . . . Haiba hamuna si . . . Haiba muna ni tepu ka za *Munzi Otaha Wa Munyaliwa ni Munyali*, ya toloka hande ona cwalo fela.

Oh, mawi! Na kona fela kuyemela ona fa cwale, kakuli mawi, oh mawi, muzwale, haluna kufeza zeliteni fa kaufela. Whew!

**265. Muzwale Branham, kana . . . (Halu boneni ye mo iinezi.) Muzwale Branham, ki taba ye lumelwa ki babañata baba latelela Liñusa la hao kuli ki wena Mesia wa lizazi le. Kana ku cwalo nji?**

<sup>231</sup> Batili, sha!

**Ulu bulelele patalaza, Muzwale Branham. Wena usweli ku ciñeka ciñeka ku itibahaza ili wena, mi lu ziba kuli ka bulumiwa bo bu cwana bona bo akufile Mulimu, una ni ku fumaneha mwa Mañolo kokuñwi.**

**266. Sa—Sa bu 2: No lu bulezi mulelo wa hao wa kuya kwa Arizona nako yapili. No lu bulezi libaka, mi ne ku ezahalile, kono kiñi ha no si ka lu bulelela ha no kutezi kwateni hape.**

<sup>232</sup> Ka kukala, Ha ki na Mesia! Mwabona? Mesia ki Jesu Kreste, kono luna lu “bahabo Mesia,” mañi ni mañi wa luna. *Mesia, Mesia* italusá “Ya tozizwe.” Mi ku Yena ne ku iputezi mutalelela wa Bumulimu ka mubili; ku na kuna ni fela siemba sa Moya

wa Hae, oswana sina o pila ku mina. Ni filwe mpo ya—ya—ya kuziba lika nyana ni kubona ze sa taha kwapili. Sani si ni eza fela kuba muzwale wa mina fela. Mwabona? Nā ha ki na . . . haki na Mesia; Na ni muzwale wa mina (mwabona?), ni mulisana fela wa mutapi. Mi hane Ni ka mi bulelela kuli ki Na Mesia, Ne ni ka mi puma. Mwabona? Mi ha Ni lati kuba lihata.

<sup>233</sup> “Cwale, kiñi ha Ne nile kwa Arizona lwapili?” Mwa utwissisa sani. Ne nile ka Libizo la Mulena, kakuli Nē ni lumilwe kwani ka pono. Ne ni kutezi kwateni lwa bubeli ka mulelo. Mu libale fela zeo. Na ziba zene Ni yezi kwateni; Hani koni kubulelanga lika kaufela. Ha mu . . . diabolosi hazibi, hakoni ku li zusa mwa pilu yaka. Haiba Ni si bulela, konakuli wa kona ku si utwa, kono hakoni . . . hakoni ku si utwa ha si inzi mwa pilu yaka. Haiba Ni bulela, “Mulitele kufitela li to ezahala!” . . . Muhupule fela, mubulukel tepu ye; Ne ni ile kwa Arizona ka mulelo. Shwangwe muni utwisise. Mwabona? Mueze fela se Ni mi bulelela kueza (mwabona?); fela—fela mueze ka mo Ni mi bulelela kuli mueze. Mwabona?

**267. Muzwale Branham, Nina ni lipuzo nyana ze Ni tabela ku—ku buza. Ni utwile batu ha ba bulela kuli uelelize batu kuli ba lekise za bona . . .** (Mwendi Ni siye ni yona ye hape. Halu boneni. Kihande, seli nako ya ku tuhela. Mwendi luka talimana ni ze kasamulaho wa mulalelo, kono Ni—Ni ka alaba ye kamba kulika mo ni konela. Hani zibi; li filwe fela ku na. Mwabona? Billy uni tiselize fela zeñata fani—fani fa munyako. Mwabona?) **Ni utwile batu haba bulela kuli ulikile kueleza sicaba kulekisa mandu abona ni ku kulateleta kwa Arizona kusicwalo—kusicwalo habana kuba mwa kuungelwa. Kana ye ki niti?**

<sup>234</sup> Bwani ki buhata. Mwabona? Uh-huh!

**...kamba kana lu lekisa mandu aluna, kamba ukile wa bulela fateni zeo nji?**

<sup>235</sup> Batili, sha! Ne ni si ka bulela cwalo! Haiba kuna ni zeñwi kaufela, Ni elelize batu kuli basike ba eza cwalo. Uh-huh! Mwahupula, mwahupula “Junie” tolo ya Jackson fani hane Ni ile kwani? “Junie” na lolile kuli na boni se . . . Ki babakai babahupula tolo yani, mane ni Mulena mwa na fezi taluso. Ona lilundu tuna lani, na yemi fahalimwa lona, ni mañolo akale a tapisizwe kwani; mi Ne ni lika kuitoloka, mi ne Ni palezwi. Mi Ne—Ne ni ba tolokela yona. Kasamulaho Ni mano itoloka kaufela yona, kaufela yona ku itoloka, mi ki ha Ni ya teñi ku yo utwa (za tolo ya hae cwale) neli mufuta wa, inge sisipi se ne si sehuluzi ngo ya lilundu ni kutalima mwahali mwani, mi nekutezi fela litwa le li sweu, inge macwe a butokwa. Kono ne li si ka ñolwa, mi se Ni li, “Mina kaufela muine fa cwale, hanze Ni ya mwabuse.”

<sup>236</sup> Mi “Junie” . . . Kaufela bona ba kambama ni mizwale kaufela ni babañwi inge ba talimela ku zona, sesiñwi . . . Neba sa utwisisi; bali, “Kihande, ki sikamañi so ziba? Mañi ha li si ka ñolwa fa,” kono na sweli kubala fande a yona. “Kiñi ha li si ka ñolwa mo? Halukoni ku utwisia.”

<sup>237</sup> Mi Junior a sikuluha katalima kafa ni kafa, mi a ni bona inge neku la wiko, kuya kwa malikelelo a lizazi, kuya ni shetumuka lilundu, lilundu leliñwi, kuakufa luli, ki kunga fela . . . Mi se ba sikuluha ni katalima mi ba ni bona inge niile; sikuwata sesituna sa bona sa funduka ka nzila yani, mi ne ba bata kuya *kafani* ku yo eza sa *kuli*, ha Ni ba bulelela kuli baine kwani. Muine fani, muine fela ona fa; se kona sibaka.

<sup>238</sup> Mi cwale, hane Ni ezize cwalo, mi—mi se Ni ya ona cwalo fela; mi nako nyana kasamulaho wa fani, Lingeloi la Mulena la iponahaza ku na, lali, “Muye kwa Arizona kwani.” Na utwa kupanca kwani ha ku lila ni ku utwahala kwani, mi neli sikamañi sani? Mushimani yani na lolile hande ona cwalo ka swanelo, mi Mulena anifa tukelo . . . Muhupule, se Nili, “Kuna ni se Ni yela kwateni.” Mi ha Ne niile kwani, neli kunutu ya Maswayo Asupa, zani ne li kwalezwi mwahala lilundu la Mulena lani. Ku yo kuta ni kukwalulwa kwa Maswayo Asupa. Mwabona?

<sup>239</sup> Batili, ha mu lukeli kueza cwalo. Haiba mubata kuya, kuitingile ku mina. Kakuli, Ha ni . . . Mawi, Hanina taba kamba mu ya kai, kono mueze fela ona cwalo, ni sepa kuli Munyaliwa uka ya zwelela kwani, mu lyangani.

<sup>240</sup> “Hape Ni utwile kuli . . . Ni na (Mutuhele ni . . . Ne ni fosize kokuñwi. Halu boneñi.) . . . ku ungelwa. Kana ye ki niti kamba lu lekise mandu a luna, kamba kana ukile wa bulela cwalo nji?” Batili, Na li kuba ni bulele. Na li kuba . . . Ni bile ni elezanga batu kuli muine ko mupila mi muzwelepili kuina ona kafo kufitela Jesu ataha. Haiba Ni mi bulelezi linako zeñata, mutuhele kuli tepu ye ibe kupuzo; zazi le libe kupuzo; manzwi a ka abe kupuzo; Na li kuba, ka nako iliñwi, kubulelela mutu kaufela, nihaiba kuhapelezä, kulika kubiza mutu kuli atahe kwa keleke ye! Na li kuba . . . Kamba kunyamatata ku ba bulelela kuli ba tute mwa likeleke za bona ni kulekisa libyana za bona ni lika, Mulimu uziba kuli kamita Ni bile ni elezanga batu kuli baine mwa Bukreste ni kupila ko ba inzi kufitela Mulimu a mi biza. Mutu kaufela wa zibia cwalo. Muine ona kafoo! Kono cwale, kubulelela batu . . . Yomuñwi hali, “Kihande, Ni bata kuya kwani. Ni bata kupila kwa . . .” Muye kaufela ko mu bata ku ya; fo ku lukile. Hanina taba ko mu ka ya; wo ha ki musebezi waka ku zeo.

<sup>241</sup> Kono cwale, ku nahana cwalo . . . Mwabona, ki sikamañi? Si kalisanga mukwa omuñwi (mwabona?), mi kipeto Ni kena mwa butata. Bana ni sikuwata kwande kwani se si kaba ka sishemo cwanoñu nyana fa. Mi cwale si kaba sikamañi? “Lu tile kwanu

kutoba ni kuungelwa kwa Munyaliwa.” Sani kona fela se si libelezwi ki mapampili a mitende! Ba libelezi ku li amuhela ha ba ka wela mwa mandu a lituso za muso mi ba palelwe kukutela mwa mandu a bona. Kona kuli baka eza sikamañi?

<sup>242</sup> “Kihande, lu latelezi Muzwale Branham kwande kwanu. Mo ku lukela kubela . . .” Mi Na hanina mulatu ni hanyinyani wa zeo ka mo Ni kona kubela. Balatiwa, batu babande, ba—ba ziba kuli Na ba lata, mi mane nihaiba mwa mafosisa a bona. Mi ba . . . Kiñi, ba . . . Bona . . . Na ba lata nihakuli cwalo. Mwabona? Na ba lata; ki bana baka; kono fela ha ba ni utweli, se Ni lika ku ba bulelela. Ni lika ku tusa nto yeñwi ka Libizo la Mulena, mi habana ku ni tuhelela kueza cwalo. Mwabona? Bona mane ba ni lwanisa kufita kuli bayeme kwa neku laka. Basweli baeza . . .

<sup>243</sup> Kikuli Ne ni si ka mi bulelela ka za liñusa haiba la kutazwa, kuli ne i kabela kwanu kwa tabernakele; sika kaufela sene Ni na ni kueza, Ne ni ka taha kwanu ku to mi bulelela pili, kuzwelela oan kwa tabernakele? Yeo ki sepiso ya ka!

**268. Hape, Ni utwile kuli kuna ni tuto kwande, ka za buka yo no ñozi myaha nyana kwa mulaho ka za ba sinkwa sa bupilo . . . Ba toloka kuli kaufela luna lu lukela kuba ni wena kamba haluna kuba mwa kuungelwa.**

<sup>244</sup> Kihande, buka yeo ifosahalile. Buka ya ba *Sinkwa sa Bupilo*, Na hupula sani cwale. Sani ne li kufepa keleke kaufela silundwamanje, kai ni kai. Mwabona, butata bwateni ki kuli . . . Cwale, cwale, mina sicaba, mu swalisani mina luli, kono muna ni kuba ni yona. Sani si latelela mukopano kaufela. Ba—ba . . .

Neni sweli kubala ka za Martin Luther kwanu ha ki kale hahulu, ha lu ibapanyi ku zani; kono ye ki miinelo ye minca yeswana inge mo ne iinezi. Mi cwale—cwale puzo neli kuli . . . Ba—ba—ba litaba za ikale, ne baize, “Ki nto ye tabisa kunahana kuli Martin Luther na ka kananisa keleke ya Katolika ni kuzwelapili ni yona. Yani neli nto yende, kono,” bali, “taba yende hahulu ka Martin Luther ne si zeo. Mwa na nanulezi toho ya hae fahalimwa kufiteleza tumelo kaufela yene latelezi mukopano wa hae mi ni kupila ka niti kwa Linzwi, pizo ya hae . . .” Mwabona?

<sup>245</sup> Batili, sha! Musike mwa beya za mina . . . Muuna kaufela kamba musali ya ekeza sika kaufela ku ze Ni bulela, ya sa lumeli ze Ni bulela. Ha ba . . . Ba bulela kuli . . . Bao . . .

**269. Hape ka za mabasi a lekisize za ona ni ku tutela kwa Sierra Vista, Arizona, ha ba tolokile ku iliñwi ya matepu a hao afilwe litoho za litaba (fa muzuzu fela) *Betelehema Yomunyinyani—Betelehema Yomunyinyani*, Kuungelwa ku ka ezahalela kwa Arizona. Kana uba bulelezi kuya kwani?**

<sup>246</sup> Kaniti ne ni si ka eza cwalo. Hane ba ñozi liñolo ka zani, yomuñwi kwanu kwa Connecticut kamba sesiñwi, Na alaba kwa liñolo lani ni kubulela kuli, “U eza mafosisa a maswe hahulu

ku okile wa eza mwa bupilo bwa hao. Usike wa eza taba ye cwalo.” Mwabona, ha mu koni . . . Kihande, mu hupule fela, mina sicaba . . . Cwale, mina kaufela mu ziba kuli ha Ni bulelelangi batu bani kueza ze cwalo; Ni ba bulelela kuli ba si ke baeza zani. Kono mwa bona, zeo li na ni ku latelela mukopano. Kiñi batu ha ba ni biza *Mesia*? Kiñi batu kanti . . .? Bana ni kulwala . . . Kihande, mucaha yomuñwi na ni bonisize zazi leliñwi, nana ni nto yenyinyani mi na ya . . . azwelapili cwalo, na bata batu kaufela kuli ba kolobezwe ka libizo la ka. Sani si ka ni eza kuba antikreste! Kono ha Ni yemeli lika zani, mane mina sicaba kaufela mwa ziba cwalo. Kono mwa bona, se si na ni . . . Sani fela si supezi Liñusa la niti.

<sup>247</sup> Kana ne ba si ka lika kubulelela Joani, yani, yani neli numwana wa kutaha kwapili kwa Kreste, “Kana ha ki wena Mesia nji?”

Ki hali, “Ha ki na! Mane ha ni swaneli nihaiba ku tamulula likatulo za Hae. Mane ha ni swaneli mane nihaiba ku Mutalimela.” Mwabona? Kono abulela kuli, “Ya ni taha mwa mulaho . . .”

**270. Cwale, Muzwale Branham, kana kuna ni nto ye lu sa utwisisi nji?** Batu ba ba bulela kuli balumela linzwi kaufela lo bulela kuba la niti. (Kono haba lumeli! Haba li lumeli. Likezo za bona luli lipaka kuli ha ba lumeli.) **Shangwe ni kupa kuziba kalabo ya hao ye namile: ehe kamba awa** (Mu ikutwezi! Ku lukile.) ka zona ze, mi haiba ki niti, lu bata kuitukisa ku yo kopana ni babañwi ba bona kwani. Uh-huh. Babañwi ba bona . . . Ni itumezi hahulu kwa likalabo za hao kwa lipuzo ze, sina ha Ni nze ni li libelezi la Sunda ye, haiba Mulena u ka liyeha kutaha.

<sup>248</sup> Oh, mawi! Kihande, Muzwale, Kezeli, Na—Na sepa ku utwahalile (mwabona?) kuli ne Ni si ka eza cwalo, hani ezi . . . Cwale, haiba sicaba . . . Oh, luli, haiba mubata kutaha kwa Arizona ku to pila . . . Mi cwale, Ni ka zwa mwa Arizona mwendi ona likweli ze silezi za makalelo ze. Ni kaba ni kukuta kwani. Ni kaba . . . Ni—Ni bata kuina kwani; banake baiketanga hande ni lika kaufela. Ni—Ni bata kuina kwani fa nako nyana, mi Ni na ni mulelo. Muhupule cwale, fa tepu, **KISONA SA BULELA MULENA**, Nina ni mulelo wa kueza ze Ni eza; muziba kuli Nina ni ona; kono ha Ni koni ku mi bulelela zeo.

<sup>249</sup> Kiñi ha Ni mi bulelela kuli musike mwa lekisa mandu a mina? Mu ka kala kutokwa, mi muka ipumana mwa kazuma kakasina mwaalo. Musike mwa eza cwalo. Na hanina kuinelela mwa Arizona kono ki nako nyana feela. Kiñi? Hanikoni kueza cwalo.

<sup>250</sup> Haiba Ni tuhelela batu bani kuina kwani mi ba yo kupelela lituso za lindiala ni limbelwa, ki sikamañi se si ka ezahala? Mi, sani kona se ba bata ba likopano hamoho cwalo ni babañwi.

“Aha, Ni mi bulelezi sene sili kwa kulaho wa hae, ki sikolo sesiñwi sa bapolofita kamba nto yeñwi!” Mwabona? Ki fo he cwale, ona sani kona se ba bata! Kasamulaho wa se, batu bani, Ni na ni buikalabeli ka bona; ni ha basika eza mo ne Ni ba bulelezi mwa kuezeza, mi ba ezize ona cwalo... Mu li, “Haba zamaye; neba—neba ezize zo no ba bulelezi kuli ba eze!” Zani ha li yo mwa pilu ya ka. Ni sa tabela ku kuya ku bona. Ki banake. Na kona ku ba shapa mwendi ha Ni yo kuta, kono Ni—kono Ni—Ni ziba kuli ni ka ya ku bona. Mi cwale Ni ka eza cwani kwande kwani?

<sup>251</sup> Se bali, “Lu taha ku to latelela Linzwi.” Na mane hanina nihaiiba keleke kwa ku ba lumela teñi. Mufuta wa likeleke ko ba kaya kona mufuta o mu siya kwa libaka kaufela, mwendi ni kufita mane. Mwabona? Mi habana kuya kwa keleke ni cwalo, mi Hanina keleke ya ku kutaza ku bona. Konakuli Ni tamehile kuisa banake kwa Arizona, koo...

<sup>252</sup> Na mi buza taba iliñwi. Ni kutilize mañusa amañata afitelela mashumi amalalu mwa keleke mo ñohola. Mi ka myaha iketalizoho, kwande, kuzwa fo Ni bezi mwa Arizona, Ni kutilize hañata mwa keleke mo mwa silimo silisiñwi kufita mo Ni ezelize mwa myaha iketalizoho ka nako ifi kaufela (kaniti!), ona mwa keleke mo. Le ki lapa la ka; se kona situndo sa ka; kwanu kona ko lu tomilwe. Cwale, mubuluke seo mwa minahano ya mina hakuna taba ku ze ezahala. Cwale, haiba muna ni butali, muka lemuha nto yeñwi. Hakuna taba kamba kuezahala sikamañi, se kona situndo sa luna, ona kwanu! Mi mubuluke seo mwa minahano ni kutamahanya kwa tepu ye zazi leliñwi, kuli mukile mwa ni utwa ha ni polofita. Ku lukile, muhupule cwalo!

<sup>253</sup> Haiba mubata...haiba muna ni kututa ni kutaha kwa keleke ye, musike mwa zwela kwande ku yo ipumanela yona, kakuli Na mane haniyo ni kwateni koo. Hanina sibaka kwa kuya; Hanina sibaka kwa ku kutaleza teñi. Habakoni ku ni tuhelela kukutaleza mwa likeleke za bona. Na mane hanina nihaiiba sibaka, mi ne Ni sepisize muuna yani ha Ni kaba kwani... Kaufela bona ba saba kuli Ne ni ya kwani ni ku yo toma muyaho omutuna—ni hamule likeleke. Kono wani hakona mulelo wa wa bupilo bwaka. Mwabona? Ni—Ni eza sicaba kuli si piliswe. Kuitingile ku bona. Inge Musamaria mwa na tezi kuu tonga muuna yani ku mu isa mwa hotela, mi ni kueza kuli ba mu babalele kuzwa fani kuya kwapili. Ha ni si ka tela ku to kauhanya likeleke, Ni teni kuli ni kwenulele sicaba ku Kreste! Mwabona? Mi si ni eza kuba yo ba sa utwisisi hala sicaba (mwabona?) haba—haba tolokela mwa nzila isili fela mi isi... mi...ba bulela ze Ni sa buleli. Mwabona?

<sup>254</sup> Kana ha mu hupuli pono? Ki babakai baba hupula tolo ya Junior Jackson? Mi ni bao kaufela bene ba ilatelezi hande. Neli sikamañi sani? Muine kwanu kufitela Ni ya mwabuse! Mwabona? Mi baba ni taluso ni ku yo kuta.

<sup>255</sup> Cwale, Ni na ni taba yeñwi mwa pilu yaka ye Ni lemusizwe ki Mulena kuli ni eze, babañwi ba zamaye kuamana ni tabernakele ye, ni keleke ye; kuli Ni swanelu kuya kwani kamba kokuñwi fa nako yekuswani. Ki ka mulelo, ki muleo o mutuna, mulelo o mu sa zibi sesiñwi ka ona. Kono muhupule, Ha ni fita fo ha ni “mbwasauki” fela, kakuli Ni ezanga inge kuli Ni cwalo. Ni beleka ka tato ya Mulena, kuya ka mo Ni zibela kubeleka mwa tato yeo. Mwabona? Leo kona libaka haiba mu lumela se Ni bulela, kona kuli mueze se Ni eza (mwabona?), kona kuli mu niteeleze ka kuba muzwale wa mina. Haiba mu ni lumela kuba mupolofita, musike mwa toloka manzwi aka ka mafosisa!

<sup>256</sup> Haiba kuna ni sesiñwi, kona kuli muni tuse, haiba kuna ni se mu lukela kuziba mi Mulimu u ni bulelezi sona, Mulimu uziba kuli Ni ka mi bulelela ona cwalo luli! Fohe musike mwa ekeza ku sona kamba kuzusa kwateni; mueze fela ka mo Ni bulelela (mwabona?), kakuli Ni mi bulelela kuzwa mwa pilu yaka zende ze Ni ziba. Mwabona? Mu lumele fela ona cwalo. Fela—fela munge fela—fela se Ni bulela ka zona, mi mu li tuhele fela liye ona cwalo. Ku lukile.

<sup>257</sup> Mi cwale, Ni na ni kutiseza banana bani lico. Bainzi kwani mwa lihalupa inge ba shwa tala.

<sup>258</sup> Mukutazi natile kuna zazi leliñwi, ali, “Muzwale Branham, bana ni mukwa wa bupilo o maswe hahulu kwani o kile wa bona.” Ali, “Mañi ni mañi wa bona, kakusasana ni kakusasana, ba zwelanga kwande; mi ba bulela kuli habana kubeleka, kakuli kuungelwa kusutelezi.” Habana ku beleka. Kihande, sani si bonisa fela kuli ha mu utwisisi mane. Mwabona? Luli. (Matepu a ayofitanga ni kona kwani!) Kacwalo, eeni, sha! Mwa swanelu, muitute tuto fa likokwani, ki mo ibulelela Bibele, mwa ziba. Haiba ha ba beleki, basike ba ca. Kona kuli yeo—yeo ki niti luli.

Kiye—kiye, lunge fela yeñwi ya zona.

**271. Kana . . .**(Hani zibi. Mwabona, fela ki—ki shutano—ki muñolo o shutana ku wo. Kuli ni mi bonisa fela, Ni sepa kuli kuna ni ze ketalizoho ka zetalu kamba lishumi ku ze liteni mo. Mwabona?) **Ki kuli—kana keleke yepetihile hahulu ikaba mwa Tucson, Arizona nji? Ni bata kuba mwa tato yepetihile ya Mulimu. Kana lu tutele kwa Tucson nji?**

<sup>259</sup> Haki kuli kaufela zeñwi—zeñwi miñolo. Ki . . . Ni . . . Mutualimele fela kwanu; Ni ka mi bonisa fela kuli kuna ni zekai ze li mwa puzo iliñwi yani. Hani . . . Hani—Hani si ka li fumana, Na sepa. Kize—kize . . . Nina ni zeñwi zeñozwi fa, “Ni ka mi zibisa.”

**272. Muzwale Branham: Shangwe . . .**(Halu boneni.) **Ka kuziba kuli wenu mupolofita, mi hola ye lu pila ku yona, ye . . . ni—ni . . . mupolofita wa hola ye lu pila ku yona** (Kona seo sili sona.), **kana ku ka taha nako fo sicaba sa Mulimu asika**

**sabela kwa Arizona ni wena? Haiba ku cwalo, kikuli uka lu  
bulelela nako haika fita nji?**

<sup>260</sup> Luli nika eza. Ni ka mi bulelela. Ni ka mi bulelela. Cwale mwabona, kuna ni miñolo yemibeli ye shutana, ki batu bababeli baba shutana. Mwabona? Kuna ni muñolo ulimuñwi, mi kuna ni omuñwi. Mwabona? Sani kona mo si lukela kubela, zani kona ze li mwa minahano ya keleke. Mwabona? Kihande, halu ngeni fela ye kuifeleza. Halu boneni haiba Na kona . . . Halu boneni.

**273. Muzwale Branham . . . (Ki yeo yeñwi, yeshutana hape.)**

**Muzwale Branham, babañwi ba ku utwisia kuli no bulezi  
mwa liñusa la hao la kuli *Munzi Otaha Wa Munyaliwa  
ni Munyali* kuli (Batili, ye ya shutana.), ikaba limaili  
ze myanda ye fiftini kuzwa kwa tabernakele, maneku  
amaneku kaufela, myanda ye supile maneku kaufela (Ka  
manzwi amañwi, yona tabernakele ye tomilwe mwahali  
ikaba myanda ye supile maneku kaufela, ibe limaili ze  
myanda ye fiftini. Oh!), **maneku kaufela. Kana ki niti ye?  
Na ni pila kwande a silalanda se; kana Ni tutele mwa  
sibaka se? (Oh!)****

<sup>261</sup> Batili, Mulatiwa, usike wa eza cwalo. Mutualime! Cwale, mwa bona mo ku bezi kwa sicaba? Ki babaki bene baliteni ha ne Ni kutilize liñusa lani? Ne ni bulezi kuli hane Ni pima Jerusalema Yomunca, kuli ikaba limaili ze fiftini maneku kaufela. Ne ni ize kuli ne ka likanyiswa ka kuakaleza kuzwa kwa Maine kuya kwa Florida, ni limaili ze myanda ye silezi kwa neku la wiko wa Mississippi; zani ikona kuba limaili ze fiftini mwa maneku kaufela. Ne ni bulezi kuli Munzi, ku ya ka maikuto aka, uka toma ona kwani ko Abrahama na bata batile Munzi wani, haku sike kuba mawate ni hanyinyani. Bibele ibulezi kuli hakuna kuba mawate ni hanyinyani, kakuli sibaka sesituna luli hala lifasi ki mezi. Mi hakuna kuba liwate ni lelikana; ki fo he cwale, haina kuba Munzi omutuna hahulu okona kuina mwa sibaka se si cwalo. Ni sepa kuli uka toma mwa sibaka nyana sani ko ba kananisana hahulu, mi Mulimu na pepezwi kwani, mwa Betelehema. Ni sepa kuli ku kaba hande bukaufi ni Palestine kwani, kona ko uka tomiwa ku umbuka mwa lifasu ona kwani mi ibe ona lilundu lani.

<sup>262</sup> Kono, mulikani yomunde, halina sa kueza ni tabernakele ye. Mwabona? Abrahama, Isaka, Jakobo, Paulusi, baba kenile kaufela, neba shwile lifasi kaufela, neba cisizwe, ne ba tibile mwa mezi, kuciwa ki litau, ni lika zeñwi kaufela; mi ba ka zwa mwa mwandala kaufela, mwa lihaha, ni lilulu la lifasi. Ni sepa Ni kwateni. Hani zibi ko Ni kaba, kono kafoo kaufela kamba kikai, haiba Ni teni mwa sikuwata sani, hakuna se si ka ni tibela kusaba mwani! Mwabona? Mi ha Ni lukeli kuba kwa sibaka sa kuli. Sibaka fela ko Ni lukela kuba ki ku Kreste, kakuli baba li ku Kreste Mulimu uka ba zusa hamoho ni Yena. Hani na taba kuli ki kai, Uka ba zusa . . . Muni pumbeke ni Jesu.

<sup>263</sup> Mutualime bapolofita ba kale kwa mulaho kwani. Ne ba zibile kuya ka butali bo bu bunolo, cwale, kuli zuho yapili, mutamu wa pili, ne ukaba mwa Palestine. Abrahama na lekile sibaka, mi a...nasika...mi apumbeka Sarah. Mi apepa Isaka. Isaka na pumbekilwe bukaufi ni ndatahe ni mahe. Isaka apepa Jakobo; Jakobo ashwela mwa Isilaele...mwa Egepita, akutiswa hape mwa Palestine. Mi cwale, Josefa ni yena hape ashwela ona kwani. Mi ba kutisa masapo a Josefa, kakuli na bulezi kuli, "Mueze..." nana ni Josefa yana konkile...Jakobo, kuli na sike ku mu pumbekela kwani, kono ay mu kutisa ku mutisa mwa naha ya sepiso. Josefa ali, "Zazi leliñwi Mulena Mulimu wa mina uka mi potela. Mutuhele kuli...masapo aka a yo pumbekwa ni ndate." Mi ba eza cwalo, kakuli, kakuba bapolofita, ne ba utwisisa kuli mitamu yapili ya zuho neikaba mwa Palestine.

<sup>264</sup> Cwale, Bibele ibulezi kuli...Mi haiba mu ni biza kuli mupolofita, Ha ni ipuleli kuli Ni cwalo; kono haiba mu ni biza cwalo, muhupule, Ni bulela ku mina ka libizo la mupolofita (mwabona?)—ka libizo la mupolofita, zuho ni kuungelwa likaba kai ni kai lifasi loote! Hakuna taba kamba mu kai, hola yani ha ika taha, mu ka ngiwa ni ku Mu katanyeza! Ku felile! Hakuna se si ka mi tibela, hakuna taba kuli muinzi kai. Mi Ni sepa fela kuli Ni teni mwahali mwani, alimuñwi wa bona. Na kulubela fela ni ku sepa ku Mulimu kuli Ni kaba alimuñwi wa bona mane mutu ni mutu wa mina mu kaba mwa—mwa buino bobuswana.

Cwale, kana lu sa na ni nako ya zeñwi? Kona kuli ikaba fela (mwabona?)—seli bukaufi ni wani kiloko.

**274. Muzwale Branham yomunde: Musala ka ni Na ne lu kauhani. Uni isa kwa kuta bakeñisa telekano. Yena ha ki Mukreste, mi Na lumela Liñusa mane ni bata kuli a piliswe (Haki nto yende yeo? Wani ki moyo wa niti wa Bukreste. Mwabona?) mi na lumela. Ki sikamañi se Ni ka eza? Luna ni bashimani bababeli hape.** (Uñozi libizo lahae.)

<sup>265</sup> Muzwale, talima, tuhela ni ku bulelele, uka ku isa kwa kuta bakeñisa telekano; yani ki Satani. Mwabona? Ha u lukeli kueza cwalo. Kono haiba u Mukreste mi hakuna so fosize mwa lifasi sa kutibela musali yani, kona kuli ki Satani ya eza zeo. Ulika fela ku mi aba fahali.

<sup>266</sup> Cwale, haiba yena ki alimuñwi wa baketwa ba Mulimu, uka taha ku Yena. Haiba ha ki muketwa, hakuna tuso ya ku bilaela ka yena. Mi haiba ku ezahala...Haiba mu bilaela muka ipatiseza fela butuku, mi seo kona sabata kueza Satani. Wa beleka, Na ziba, ku mina. Konakuli u li nepele fela ku Mulimu ni kuzwelepili ku sebeleza Mulimu ka tabo ka mo lukela kubela. Mulimu uka tokomela ze siyezi zateni. "Kaufela ba. Ni file Ndate baka taha ku na." Kubama ka mañwele a hao; Ni ka lapela ni wena kamba sika kaufela. Ni ka lapelela taba yeo. Kubulela fela kuli, "Mulena Mulimu, Na mu lata; ki yena mahe banake," (haiba ki yena) ni

kuli, “Ni—Ni—Ni beya fela lika kaufela ku Wena, Mulena. Ni bata kuli a piliswe, U ziba kuli Ni tabela cwalo; kono Hanikoni kuzwelapili hape. Uka ni hana ni hakuba cwalo. Na hakuna se ni ezize; haiba Ni fosize, ni patululele zona; Ni ka yo li kondisa. Ni ka eza lika kaufela.” Ni ku li beya ku Mulena ni ku lituhela fela ona cwalo kasamulaho, ku lituhela fela. Uzwelepili u ipilele ka kuswana fela inge—inge kuli hakuna zekile za ezahala fateni. Mi Mulimu uka tokomela ze siyezi zateni kaufela.

**275. Cwale: Muzwale Branham, ki sikamañi se mwahala sicaba (Oh, hape!) za kuya kwa Arizona? Tatulula fateni.** Ki wo fa muñolo usili hape. Mwabona, mwabona?

Kihande, lu tolokile kale zani (mwabona?), seo sili sona.

**276. Muzwale Branham, kikuli Munyaliwa uka fita mwa nyandisa sina keleke yapili mo ne i ezelize?**

<sup>267</sup> Batili, kona Ni sa zo talusa sani mwa mizuzu nyana yefitile. Batili, nto yetatama ki kuungelwa cwale. Muhupule, lu mwa naha ya sepiro; lu fa museto. Mwa utwisisa muzamao wa Isilaele?

**277. Kana ki ka mulao ku—itusisa mukwa kaufela wa kuyemisa lupepo?**

<sup>268</sup> Kihande ni siye puzo ye kufitela musihali wa kacenu (mwabona?), kakuli ki . . . Ni bata ku—Ni bata ku ambola sesiñwi ka sani.

**278. Muzwale Branham, Ni fela . . . (Ni libelezi fela mizuzu ye 3 haiba Ni kona. Mutuhele ni ikungele yeñwi ye kuswani fa mwendi.) Hanikoni kufa kaufela zona ku Jesu. Kana Ni na ni moyo o maswe njí?**

<sup>269</sup> Mwendi ni itusise nako yesiyezi ku yani fani. Haukoni kufa lika ku Jesu? Haba ezi . . . Mwabona, Hani zibi muuna yo kamba musali; Ha ni si ka ziba kuli ki mañi. Mulimu wa ziba zeo.

<sup>270</sup> Haukoni kufa ku Jesu. Kiñi? Ki butata mañi? Haiba u musali, kikuli ha u ipanga ku muuna hao kakuba musali ya nyewzi, kufa zamina kaufela? Musizana fani ha no nyewzi, uli musali wa mazoho amabeli, no lwanile bupilo kaufela kuli upile uli musali sakata wa mazoho amabeli; kono zazi leliñwi wabe wa fumana muuna yana ku latile. Wafetuha kutalelela kwa hae. Liki zo no lwanisanga bupilo bwa hao kaufela ni kulika kupila sina ya kenile, ni ya sina masila, ni wa miswalo wa mazoho amabeli; cwale, wa li neela kaufela zona ku muuna alimuñwi. Kana ki niti yeo? U ipeya ili wena kakufelelela mwa mazoho a hae; u wa hae. Kaufela zo no yemela ka maoyo, ni buiswalo, ni lika zeñwi kaufela ze cwalo, cwale u sikuluhezi ku muuna, kakuli no ipile ili wena ku muuna yoo. Kana ha ukoni kueza taba yeswana ku Jesu Kreste? Ipe fela ona cwalo, “kaufela ze Nili zona, ngana yaka kaufela, mihipulo yaka kaufela.” Kaniti.

<sup>271</sup> Hani sepi kuli una ni moya o maswe; Ni sepa kuli ki moya o maswe o ku toza kuba ni mihupulo ye cwalo, kulika kunahana kuli haukoni kuipeya ku Mulimu. Mi... Mutuhele ni mi bonise nto yeñwi. Ki kabakalañi ha mukona *kutabela* kuipeya ku Yena? Kakuli kuna ni sesiñwi kwande kwani se si mi biza kuli muipeye. Ki sisupo sesinde luli se mu lukela kuipa mina bañi cwalo.

<sup>272</sup> Cwale, kaufela ze mu eza, Muzwale kamba Kezeli (wakona kuba mwanana kamba ya hulile, seo sili sona kaufela), u bulezi kuli... Ha ufumaní fela mwa kuipeela ka kutala. Ipe fela sinca hape. "Mulena, minahano yaka, kaufela zeo Ni li zona, Ni—Ni bata ku li fa ku Wena. Bupilo bwaka, Ni bufa kakuba bupilo bwa sebelezo. Aku ninge, Mulena, mi uitusise na kuya ka mo Ni inezi." Mi ki nto yebunolo fela ona cwalo; Ni sepa kuli kambe keleke luli ne i ka... Na lumela haiba—haiba—haiba tabernakele cwale, ne ika tuseha ka lipuzo ze... Kana mwa li tabela? Ku lukile. Li ka tusa nyana.

<sup>273</sup> Cwale mutualime, ku se, kambe keleke neika buza fela ona lika ze (mwa bona?), kubuza lika ze: haiba ba lukela kueza *se*, kamba kueza *sani*, ni lika kaufela, Ni ka lika kueza zende ze Ni kona. Haiba Ni mi elelize ka mafosisa, ha li si ka zwelela mwa pilu yaka. Haiba Ni bulezi sika kaufela se si fosahalile kuli ni kuteke fela yeñwi ya mihupulo yaka ni zeñwi, isiñi... ka kuziba—ka kuziba kuli kufosahalile kueza cwalo kamba ku mi bulelela cwalo, Ni kaba muipi ya masila. Yani ki niti. Kono kuzwa mwa pilu yaka, haiba ni fosize, Mulimu wa ziba (mwabona?) Ni ezize lika kaufela zeli ku na kwa ku alaba lipuzo za mina.

<sup>274</sup> Mi ku mina bakutazi kwande mwahala linaha ko ku ya tepu ye, Hani si ka bulela lika ze ka ku mi utwisa butuku. Ni li bulezi kakuli Na mi lata. Mwabona? Mi Na kaniti, ka pilu yaka kaufela... Ki... Cwale, Hani liki ku eza sika ni ku bonisa kuli—kuli Na—Na ziba nto yeñwi ye mu sa zibi. Zeo ha li cwalo, muzwale wa ka. Ni eza fela se kakuli Na mi lata, mi Na—Na—mina mwa ni lata, Na lumela.

<sup>275</sup> Kucwani kambe ne mu ka ni bona haniya kwa nuka mwa mukolo wa kale, kwande kwani kwa nuka, bukaufi ni ko luizni cwale, kwanu kwa tabernakele, yona Nuka ya Ohio; mi nuka ne ika tala mane ibayule muunda; mi sibuba sili fela kwa njetumuko kwani fapila ka. Mi muziba kuli mukolo wani hauna kuya hande mwa buliba bwa sibuba sani; hauna fela kukona kufita. Kanti Na nali kuina mwani ni toho yaka iyendekilwe kwa mulaho, inge ni opela, ni kuikatulusa, ni kuya fela ona cwalo, inge ni cimbauka kwani, ka inge ni katuluha mwa nuka yani; mi muziba kuli kwatasi kwani Ni ka yo nata mwa licwe. Haiba mwa ni lata, ne mu ka huwa, kamba ne mu ka tulela mwa mukolo, ni kumatela teñi kwani, ni ku ni ngongola fa toho ni sesiñwi, ku ni kenya mwateni. "Muzwale Branham, wena u lyangani mwa ngana nji! U lwangani mwa ngana; sibusá ki sani kwani!"

<sup>276</sup> Mi na Nili, “Oh, amu kuze! Mu nituhele fela!” Kono niteni mwa ni lata. Ne muka eza sika kaufela mwa lifasi; ne mu ka ni fwañata. Haiba ne mu ka—haiba ne mu ka pancisa mukolo, ne mu ka ni zusa teñi mwani, kakuli mwa ni lata; mwa ziba se si ka yo ezahala.

<sup>277</sup> Mi muzwale, Ni ziba kuli sani kona se si ka ezahala kwa kopano yani. Haina ku itiisa mwa liñungwa. Mwabona? Muya munze mu libile hande kwa Katengo ka Likeleke za Lifasi; mi cwale, mu kana mwa izusa mwatensi kamba ikataha ona cwalo mo se ibezi cwale. Kacwalo, kona ona cwalo fela, muna ni kuba ni buiketelo. Mi Ha—Ha ni talusi kuli. . . Ne ni ka tabela kupancisa mukolo, ku lukile; Ni tabela kueza sika kaufela se Ni kona, ha ki ku mi holofaza, muzwale, kono ku mi zusa kuli mulemuhe kuli mu fosize. Musike mwa eza cwalo!

<sup>278</sup> Mi kolobezo ya mezi ye mwa Libizo la Jesu Kreste, hakuna mutu fa lifasi ya kona ku nyaza sani ka Mañolo. Hakuna mutu yakona ku nyaza sani. Hakuna nihaiba Liñolo lililiñwi. . . Mina sicaba, mina mizwale—mina mizwale, muhupule, muhupule fela, mubate mwa Bibele; mufumane sibaka silisiñwi ko mutu kaufela akile a kolobezwa mwa Testamente Yenca (neba si ka kolobezwa mwa ku ya Kale, kono neli mwa Testamente Yenca), ko mutu kaufela akile a kolobezwa ka nzila isili kwanda Libizo la Mulena Jesu Kreste; haiba kucwalo mutahe mu to ni bonisa. Kamba mu yo bata buka ya litaba za kale kone ba kileba kolobeza ka myaha ye mianda anda kasamulaho wa lifu la baapositola ba mafelelezo. . . Keleke ya Katolika kona yene kalisize kolobezo. Katekisema ka bona ka bulela lika zeswana, ka kuitusisa libizo la Ndate, Mwana, Moya o Kenile.

<sup>279</sup> Mwa lipuzo zeñwi ni muprisita, ona kwanu kwa Keleke ya Sacred Heart, na ni bulelezi nto yeswana. Na bulezi kuli keleke ya Katolika ne ikolobezanga ona cwalo, mi se Ni mu bulelala kuli Ni kolobelize musizana yo Frazier, fani bishop hana bata kuziba. Mi ali, “Kana uka konka kwa litaba ze nji?”

Se nili, “Na hani konkangi ni hanyinyani.”

Yena ali, “Bishop ubata kuli u konke!”

<sup>280</sup> Se nili, “Mi bishop ukaba ni kunga manzwi aka kamba aike ali lumela, kamba za bata kaufela.” Mwabona? Se nili, “Bibele ibulezi kuli lu si ke lwa konka nihanyinyani.”

Mi ki hali, “Kihande, uh. . .” Yena ali, “Ba. . .”

<sup>281</sup> Se nili, “Ni mu kolobelize ka kolobezo ya mezi ya Sikreste, ku mu nwelisa kwa mafelelezo a Mukwakwa wa Spring mwa Libizo la Mulena Jesu Kreste.”

Mi cwale muprisita hana li ñozi, ki hali, “Cwalo kona mo ne ba kolobezanga ba keleke ya Katolika.”

Se nili, “Lili?”

Ki hali, “Mwa mazazi a baapositola.”

Se nili, “U ba biza kuli ba Katolika?”

Mi ali, “Luli, nebali cwalo.”

<sup>282</sup> Se nili, “Konakuli Ni mu Mukatolika yomunde kufita wena. Ni laterella tuto ya bona.” Yani ki niti. Mwabona, mwabona? Ba ipapata cwalo, kono ha ku cwalo.

<sup>283</sup> Keleke ya Katolika ne ikalisize kwa kwa Nicea, Rome, mwataswa Constantine, fani keleke ni nahe ni—hane lis swalani hamoho, mi—mi nahe yafa libyana kwa keleke, ni lika zeñwi cwalo; bona mane ne ba hupula kuli bainzi mwa puso ya Mileniamu. Ne ba hupula ba fitile mwa Milemiamu. Yani neli Mileniamu ya Satani. Yani ki niti luli. Musike mwa lumela lika ze cwalo. Eeni, sha!

<sup>284</sup> Cwale, kono . . . Mi hane ba ezize zani, kamba, zene ba . . . nani mwa sibaka sa kuba ni—ni kalimu, banga—banga Venus, ni ku beya fateni Maria; ba zwisa fateni Jupiter, ni kubeya fateni Paulusi kamba Pitrosi. Ona kwani kwa—kwa Vatican, ona kwani kwa—kwa Rome ya cwale, mwahal Muleneñi wa Vatican, siswaniso sa Pitrosi se si telele ka liñokolwa ze naintini, ba bulela kuli ba tubetile minwana ye milalu ya hautu yani kamba ona mautu kasibili a siswaniso sani. Mwabona? Mi lika kaufela ki za . . .

<sup>285</sup> Kushetumuka cwalo . . . Za kena mwa keleke, Billy ni Na, kakusasana omuñwi kwani, ne luya lu zamaya mwa libaka ze ba pumbekelanga baitutu ba baana babaipile kuba linjululume ni zeñwi ze cwalo ni kutuhela masapo a bona kubola mwa liluli le—lisapo libola ku leliñwi kwani—mi kipeto ni kunga masapo ni kupanga libyana za masapo a bubebe ni mazoho asweli ku lepelela inge *cwana*, ni tutendele; mi sicaba sani haba kena mwahali mwani neba pukutanga ona tutendele twani to tusweu, kulika kuikungela limbuyoti kuzwa kwa tutendele twa baana baba shwile bani. Ki mufuta wa kulapela mioya. Mwabona?

<sup>286</sup> Mi ona kwani kona ko ne li kalezi mwani, mwa Rome, mi kwani kona kokuinzi sipula sa sibatana, mi kuzwa kwani kutahile me wa lihule. Mi bana ba hae ba basizana ki mahule ni ona ona cwalo fela sina yena mwa inezi, kakuli ufile lifasi kaufela sinwiso sa buhazo bwa hae, sinwiso sa bupaki bwa hae, ili bone ku zwakani ni nyoko ya lifasi. Mi nana ni bupaki bwa hae. Mi ali, “Ni pila sina mwalyanjo, mi Ni—Ni pila sina mbelwa (Ni taluse), mi hakuna se ni tokwa”; kanti ha zibi kuli u nyandile, ki mwelwa, ki sibofu, ki mubotana, mi ha zibi cwalo. Kona ona cwalo. Mi sani si zamaelela ni keleke ya Katolika hamoho cwalo ni kopano kaufela ya Baipanguli! Kono mwhala kulyangana kwa busafa bwani kwande kwani, kuna ni batu babande baba lata Mulena Mulimu ka pilu za bona kamukana, moyo, ni ngana. Mi ba nahana kuli ba kondisa. Ba nahana kuli baeza ze lukile. Mulimu ki yena yakaba Muatuli wa Mafelelezo.

<sup>287</sup> Ku na, haiba Mulimu uka atula keleke ka lifasi—keleke ya Katolika ibulela kuli ki yona— mi Na buza muuna yani yana Ni buzaka lipuzo: Ki hali, “Mulimu uka atula lifasi ka keleke.”

Se nili, “Ki ifi yeo?”

Yena ali, “Yona keleke ya Katolika.”

<sup>288</sup> Se nili, “Keleke ya Katolika ifi fateni? Kuna ni ze shutana yeñwi ku yeñwi.” Keleke ifi? Ki yaba Greek Orthodox nji kamba ya Maroma? Kamba ki ifi Ya ka atula yona? Haiba Uka li atula ka keleke ya Baipanguli, ki ifi? Ya Methodist, ya Baptist, ya Lutheran, ya Pentekota; Uka i liatula ka ifi? Bibele ibulezi kuli Uka atula lifasi ka Jesu Kreste, mi Jesu Kreste ki Linzwi. Konakuli ku na, ki Linzwi la Mulimu leo Aka atula lifasi ka lona. Yani ki niti. Mi Ni lumela kuli likatulo za Hae liteni mwa lifasi onafa cwale, mi Na lumela . . . Halu bateni ka lipilu zaluna kaufela kubanduka buhali bwa sinyeho ya ka buhali bwa Mulimu bo bu ks suluhela fa lifasi le li sa lumeli le; mi hakuna mukwa ni hanyinyani wa kuli li—li banduke kwatensi.

<sup>289</sup> Haku sana kuba, kutokwe, nihaiba puluso ye kataha mwa lifasi ni hanyinyani. Ba silile museto wa bona mwahala sinhemu ni katulo. Kuna ni . . . Mwakona ku beya Abraham Lincoln mwa na ha kaufela mwa United States, mi haana kukona kufetula sikuwata se sa ma “Ricky” ni bo “Elvis” kukutela ku Mulimu.

<sup>290</sup> Ha mu bona mwa pampili (Ni na ni zona. Ni ka mi tiseza musihali wo haiba mubata ku ibona busihu bwa kacenu), ko keleke ya ba Presbyterian (buñata bwa mina mwendi mu si boni fateni)— ba keleke ya Presbyterian ba kena mwa buñata kamba mwahala li—li—mwa lika za buhalalehi bwa bulapeli ni za rock-ni-roll. Mulisana ya yemi fani inza kambela mazoho a hae ina cwana; mi ne ba ka manzwi a sifapahano ni zeñwi kaufela “ku huwaka luli” inge rock-ni-roll mwa keleke ya Presbyterian.

<sup>291</sup> Mi cwale muhuwo wo wa buipi, kuhuwa, sikuwata sa Tumbombo twa masila, kona mo ba bizezwa cwalo, zani li fitelezi siyemo sa mutu mi ba bata kuba tumbombo . . . Neba hanile musebezi wa mali akuma fa madollar a mwanda mwa St. Louis lisunda nyana zefitile; ne ba si ka yemela zani. Mutaheneku la kwanu, kuna ni sikuwata sa bayambaeli babanyinyani, ba makuwa ba Makwu ni milili inge ilepelela kuwa fa meto a bona. Mi cwale, bana ni bulapeli bwa bona bañi fela bo ba ikalezi. Mu li boni mwa mutende wa ba *Look*. Mwabona?

<sup>292</sup> Oh, lifasi le mo li tampakanezi. Haku sana sepo ku lona nihanyinyani; se ba silile museto wa kauhano mwahala—mwahala kunahana ni ngana ye zibahala, kamba mane ni mwahala puluso— . . .

<sup>293</sup> Baana mane haba sa kona neba kuatula. Ha lu sana baana nihanyinyani sina bo ne lubanga ni bona. Ukai Patrick Henry? Ukai Abraham Lincoln? baana babakona ku yemela kuikolwisisa ko ku tiile.

<sup>294</sup> Ukai muuna yani yakona kuyema ni kueza kuli basali ba likuba ba kwande kwani, baba sweli kuitubula ili bona ni... ni kuitamaela ona cwalo fapila baana ba; mi cwale—ni kuba matisa kwani inge sikhwata sa macanci baba mapunu, ni kubeya mushimani mwa tolongo yana kile a lwaha yomuñwi wa bona? Akai mabaka a mina? Ngana ye zibahala ki sikamañi? Haiba musali uipeya ili yena kwande kwani, mu mutuhele azamaye inge nja. Eeni, sha! Haiba nji hana ku ba ya na ni ku... muikutekelo wo munde wa hae kufita wani kufita wa... Ikai milao yekona ku tuhelisa zani?

<sup>295</sup> Ona mwa Louisville mo, Kentucky, lisunda zepeli fani musali yani ni... ya lika kueza... kubeya libizo la hae mwa mutende, inga tinile ka nekunda ka pulasitiki ko ba biza bikini, a ya kwani kuzwa kwa Brown Hotel; mi mapokola alika ku mu yemisa, kono a hana ku yema; a mu seha fela. Mi a mu posa tobolo kuli ayeme; a mu kasheza mwa mota ni ku mu katana kwa polisi bakeñisa ku sa tina ka likute ni lika ze cwalo, mi ki haya ku yo katanyeza... Mwa ziba se ba ezize ka zona? Ba lelekile mupokola musebezi.

<sup>296</sup> Mulimu atuse na ha ye bolile cwalo! Hamukoni kuya fela mutakafululele ona cwalo inge mueza mafosisa. Halukoni kuya fela ona cwalo, kono lwa kona ku zuha; mi kwani kona ko lu talimezi. Halu inamiseni litoho za luna.

<sup>297</sup> Mulena Jesu, tuhela kuli Mulisana yomutuna atahe ato lu zusa ku zona, Mulena. Lu Mu li belezzi. Lu libelezi hola yani. Ha lu bona lifasi kuli li bolile hahulu cwana, No bulezzi kuli ku ka ba ona ka nzila ye. Bapolofita ba hao babatuna ne ba polofitile kale kuli lihola ze li ka ba ona cwalo. Lwa lumela mwa bapolofita, Mulena; lwa lumela cwalo.

<sup>298</sup> Mi cwale, lwa lapela, Mulimu, kuli U lufe bapolofita baba ka lu tolokela Linzwi le, kuli lukone kuziba haiba lwa lukisa kamba lwa fosa. Lu bona bapolofita ba buhata ha ba tahile; bateni mwa mahalaupa, mwa Salt Lake City, lilbaka zeñwi kaufela za na ha, mifuta kaufela ya mahalaupa, ni mifuta kaufela ya makozwana a kwa mukunda, mifuta kaufela ya Bumulimu bwa bu Ndate, ni zeñwi cwalo, kai ni kai.

<sup>299</sup> Ha lubona mizwale bani babansu, likezeli kwande kwani cwale; neba bata swaliso. Ha ne ba ipumanesi yona fela... Yani ki niti; ba lukela kuba ni yona; ki mizwale ni likezeli. Cwale, hane ba ikungezi yona, ba bile bumaswe ni kufita sapili. Li bonosa kuli lina ni susumezo ya ba bulikani bwa swaliso. Oh, Mulimu, kana batu bani ba ka li bona zani nji? Kuli li ezahala fela... Kihande, li na ni kuezahala, Mulena.

<sup>300</sup> Taha, sani kona se lu bata. Aku tahe fela, Ndate. Lwa libelela. Taha, Mulena, lu lwale ka mazoho a Hao. U lu swalele libi za luna. Hakuna nihaiba—nihaiba kusepahala mwa lifasi le. Nto iliñwi ilwanisana ni yeñwi, mi kanti li cilwe maswe ka likokwani kufitela mane... hakusana buiketo ku lona. No bulezzi

kuli mubili kaufela ufetuhile kuba sina litombo ze nunka kubola. Luli, tafule kaufela itezi fela mataza. No bulezi kuli, "Kimañi ye Ni ka fa tuto? Kimañi ye Ni ka talifisa ka kutwisiso mwa lizazi lateni?" Tafule ya Mulena kaufela itezi fela mataza. Lwa bona cwalo, Mulena. Lwa ibona hola ki ye. Lu tuse, shangwe.

<sup>301</sup> Mulimu Yomunde, buñata bwa lipuzo ze fa ka za batu baba taha kwa Arizona. Oh, Mulimu yomunde, tuhela kuli balatiwa bani, sicaba sesinde... Ba yo teezeza kwa tepu ye kwande kwani. Ha ba zibe kuli ha Ni mu hapelezi ku bona kuli ni ba bulelele kwa ku yo pila, za kueza. Mi ha ba li utwisiše hande ka bunolo. Haiba ba ilata naha yani, ni Na ku cwalo, ha ba yo ina kwani, Ndate. Kono cwale ha ba luta kuli kuungelwa ku ka ezahalela kwani, mi ki kwani fela kipeto, kamba ba lumela kuba ni na, na mubotana, ya sa swaneli, muezalibi yatezi masila, ya pilisizwe fela ka sishemo sa Mulimu, ba be bukaufi nina ya cwana... Mulena, Ni bata kuba bukaufi—Ni bata kuba bukaufi ni Paulusi; Ni ziba kuli wa ya. Mi Pitrosi, ni Jakobo, ni Joani, bainzi mwa Palestine ba pumbekilwe kokuñwi mwani. Ni ziba kuli Ni ka ya ni bona haiba Ubeile libizo la ka mwa Buka yani kuzwa kwa mutomo wa lifasi. Ni kaba teñi. Mi Na lapela, Mulimu, kuil yomuñwi ni yomuñwi wa bona ukaba kwani. Uni tuse, Mulena, kuli ni ba kubukanye kamukana bona kwanu kokuñwi, ko ba kona ku... Ba tabela ku utwa liñusa hamoho ni baluti babatuna ba sina Muzwale Neville, ni Muzwale Capps, ni—ni mizwale babañwi ba kaufela kwanu: "Junie," ni Muzwale Ruddell, mi oh, J. T., ni bani kaufela—kaufela bona: Muzwale Collins, ni Muzwale Beeler, ni Muzwale Palmer, ni... Mulimu, Ni lapela kuli Uka alaba ze ku bona... .

Tuhela—tuhela—tuhela kuli ba tahe kwanu ko ba Li utwela, haiba nji babata ku Li utwa, basike ku matela kwande kwani mwa lihalaua lani. Fohe balika kueza fela Liñolo mo li ba haniseza ku sa eza cwalo. "Amubone, ki mwa lihalaua; musike mwa lumela cwalo! Amubone, u mwa mukunda; musike mwa lumela!" Mulena, Ni lika mo ni zibela kaufela kuba lemusa, kono kaufela bonisa fela kuli hola isutelezi cwale. Miluti ya manzibwana itile.

<sup>302</sup> Ni lapelela sishemo, Mulena. Uni utwele butuku; uni tuse. Zi nitesa kuikalelwa, Ndate. Ni lapela kuli Uni tuse. Hani—Hani lati ku tibela bupilo bwa ka... Musebezi wa ka kwanu yomuñwi ya fitelelize tumelo uka taha ku to zamaisa sikuwata sesiñwi mwa mukwa omuñwi kamba tumelo ye keluhile mi aise batu mwa lihalaua kokuñwi. Usike wa tuhela kuli libizo la ka lisinyehe cwalo, Mulena. Ni Iwanile katata ka se. Na sepahala ku zona ka mo Ni kona kubela. Mulimu, usike wa tuhela kuli li ezahale. Uni tuse mwa nzila yeñwi. Ha ni zibi sa kueza; Ni itingile fela ku Wena, kono Uni tuse. Ni ka eza sika kaufela Zo ka ni bulelela kueza. Ni mutanga Hao; ba ki bana ba Hao. Mulena, ba... Buñata bwa batu ba, baba nainte naini kuzwa ku baba mwanda

kaufela, Mulena, ba yemi luli. Ba lumela; ba ziba; ba utwisia. Mi ba ziba kuli ha ki na; kono Ni ziba kuli lika ze lina ni kulatelela ancafazo ifi ni ifi kaufela, mi ba ha ba si ka amuhiwa kabelo ya zona. Kacwalo Na lapela kuli U lu tuse.

<sup>303</sup> Lu tuse ha lukaba ni mukushuko nyana wa musihali kacenu, Mulena. Fuyaule liputeho za luna hamoho. Lu kopanye kwanu ka kuitahanelu musihali wo. Buñata bwa bona bana ni kuya kwa mandu cwale, Mulena. Bana ni kuya kwa—kwa mandu a bona, mi Ni lapela kuli U ba tuse. Ha ba kone ka nzial yeñwi, Mulena, kuli ba fumane tepu mi ba ikutwele zeñwi za lipuzo za bona. Mwendii za bona ne li si ka alabiwa. Ni lapela kuli U ba tuse, Mulena.

<sup>304</sup> Ni tuse nina busihu bo ka kuakufa mwa kualaba lipuzo ze ni kukona kutalima yeñwi ni yeñwi ya zona mo Ni ka konela. Kufitela lu kopana mo hape musihali wo, U lu fuyaule. Ka Libizo la Jesu Na lapela. Amen.

Na Mu lata, Na Mu lata,  
Kakuli U ni latile,  
Ni kuleka puluso ya ka  
Fa Kalvari.

<sup>305</sup> Ku ñozwi fateni, Ni iñoji kuli inobanga kamita fapila ka: “Kreste ukwa pata yaka, hanze Ni alaba lipuzo ze.” Kana mwa lumela kuli Ni bulezi kuzwelela mwa pilu ya ka? Liki kaufela, kuzwa mwa pilu ya ka, kuli ni tuse.

Babañwi ba bona bakona kutaha ku to nga libyana za bona kwanu.

<sup>306</sup> Mulimu Yomunde, ki ze fa litaulo, libtana ze beilwe fa. Li ya kwa bakuli ni baba zielehile. Tuhela kuli Mutoloki yomutuna wa Linzwi, yena Moya o Kenile ya na Li ñozi, mi Ha tahe bukaufi cwale kwa siemba se sa sebelezo mi ufuyaule liapalo ze. Mulena, haiba Ni nahana za ka, ki Na mañi kuli ni beye mazoho aka a masila, mubili otezi masila kuba fa litaulo ze zeyemi mwahala lifu ni bupilo ku babañata? Oh, Mulimu, Na njanja. Kono cwale ha Ni nahana zani... Ha u ni boni, Wa utwa fela linzwi la ka. Ki kutaha ka kufitela mwa Mali a Mulena Jesu kwani. Cwale, Ni lumela kuli Uka ni alaba sina mo No ezelize ku Yena, kakuli Na ile fapila ka ku yo ina ku la bulyo, kwahalimu kwani, ku la bulyo la ya Pahami. Mi Mali a Hae ateni fani kuba swalelo, mi Ni apesizwe mwataswa Mali ani.

<sup>307</sup> Na lumela, Mulena, kuli Uka ba folisa, kakuli ba tokwile. Kambe ha ba si ka li beya teñi fa. Ni lapela kuli Uka eza kuli mutu ni mutu ba foliswe. Sina ha Ni ipeya ku zona, kakuba... Ne baize kuli ne ba zusanga fa mubili wa Paulusi... Nali fela muezalibi ni yena, Mulena, ya pilisizwe ka sishemo sa Hao. Batu ne ba mukolwa ku mulumela, ni hana ba omanyize ni zeñwi cwalo kaufela, kono ne ba zibile kuli nali mulisana. Ne ba zibile kuli na... lumilwe ki Wena, kakuli No ipakile ili Wena ka bulumiwa bwa hae. Mulimu, sicaba se si lumela ka mukwa

o swana kacenu. Na lapela Uba folise cwale mi ufolise mutu ni mutu ka Libizo la Jesu Kreste. Amen.

<sup>308</sup> Kana mushwile tala nji? Ku lukile. Nina ni tala ya lipuzo zeñata hape. "Mutu hana kupila buhobe fela, kono ka Linzwi kaufela le li zwelela mwa mulomo wa Mulimu." Cwale, Ni kona kuba... Lipuzo zeñwi ze, Hanikoni kuba ni zona ka swanelo; Ni ezize fela zende zeo Ni ziba mwa kuezeza. Busihu bo, Ni ka lika fela kukalisa ka sebene kiloko. Kihande, keleke ika kwaluha ka sikisi seti. Mi mina babakona kuina... Mina baba sa koni, lwa utwisisa; ku likani. Kono Ni ka lika kutalimana ni yeñwi ya zona kaufela mo Ni ka konela busihu bwa kacenu. Mulimu ami fuyole kuftela lu kopana.

Cwale, halu yemeñi ni kuopela pina yende ya kale ye, pina yaluna ya kuzwa ka yona, *Unge Libizo la Jesu*. Ku lukile.

Unge Libizo la Jesu,  
Mwana ya mwa manyando;

[Muzwale Billy Paul ubulela ni Muzwale Branham—Mu.]  
(...?...bafile nubu...?...kakusasana cwana...?...)

...libizo, Oh le linde!

Sepo ya mwa lifasi ni tabo ya kwa Halimu.

<sup>309</sup> Ni bata kufa zibiso ye. Billy ubulezi kuli ba file nubu ya lilato kakusasana cwana (mwabona?), mi ubulezi kuli ba bile ki nubu yende ya lilato. Ni ka tokwa kuli yena ayeme kwa mulaho wa muyaho kwani. Kwa sicaba kwanu baba tahanga ba si ka itukisa kale, haiba hamuna masheleñi a mulalelo wa mina, Billy uka mifa masheleñi a mulalelo wa mina ni kwa-kulifa mali a mwa hotela kamba malobalo, zeo kaufela lili zona. Munge mulife kafo cwale. Haiba mu na... Haiba mukona kuina... Billy uka mi katana kwa mulaho kafoo ni kuñola libizo la mina ni ko mu fumaneha, mi uka yo lifa mulalelo wa mina ni kwa malobalo a mina kuzwa mwa nubu ya lilato ye filwe kuna kakusasana cwana.

Muta lu kopana! muta lu kopana!



*LIPUZO NI LIKALABO* LOZ64-0823M

(Questions and Answers)

MUKOLOKO WA MUEZEZO, MULAO NI TUTO YA KELEKE

Liñusa le ka Muzwale William Marrion Branham, neli kutilizwe lwa pili mwa Sikuwa la Sunda kakusasana, Muyana 23, 1964, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)